

冊府元龜

巡按福建監察御史臣李嗣京 訂正

分守建南道左布政使臣胡維霖 叅閱

知建陽縣事臣黃國琦 較釋

邦計部 一十九

錢幣第三

唐玄宗先天元年九月諫議大夫楊虛受以京中用錢惡貨物踴貴上疏曰伏見市井用錢不勝濫惡有加鐵錫卽非公鑄虧損正道夷亂平人城外此錢並不任用中京且猶若是遠郡夫何以堪易曰何以聚

人曰財故交易而退各得其所詩曰京邑翼翼四方是則國家優尚寬典吏人慢法銅錫亂雜偽錢轉多政刑漸失於科條明罰未加於守長有殊禁人爲非矣日中爲市聚天下之貨而錢無准的物價騰踴乾沒相乘盈虛失度又非各得其所矣帝京三市人雜五方淫巧競馳侈僞成俗至於商賈積滯富豪藏鏹兼并之家歲增儲蓄貧素之士日有空虛公錢未益於時須禁法不當於代要四方無所取則矣夫作法於涼其弊猶貪容姦於非弊將若之何其惡錢臣望官爲博取納鑄錢州京城並以好錢爲用書奏付中書門下詳議以爲擾政不行

開元四年十一月詔曰如聞東都用錢漸有變動留守及河南尹作何簡較宜勅劉知柔單思遠稍自勗勵嚴加捉搦

六年正月禁斷惡錢行二銖四糸已上舊錢更收人間惡錢鎔破復鑄准樣式錢勅出之後百姓喧然物價搖動商人不敢交易宰相宋璟蘇邈奏請出太府錢五萬貫分於南北兩市平價買百姓間所賣之物堪貯掌官須者庶得好錢散行人間從之又勅近斷惡錢恐人間少錢行用其兩京文武官夏季防問庶

僕宜卽先給錢待後季任取所配物貨賣准數還官
二月勅曰古者聚萬方之貨設九州之法以通天下
以便生人若輕重得中則利可和善若真偽相雜則
官失其守頃者用錢不論此道深恐貧窶日困奸豪
歲滋所以申明舊章懸設諸樣欲其人安俗阜禁止
令行

閏七月詔曰禁斷惡錢改鑄新者務於精好行之久
長如聞諸道置鑄御史專掌未稱所委仍有濫惡且
更提振不卽加罪有先鑄不如法總重毀鍊并已納
太府者並令更揀凡不合樣送所由重鑄已後倍須

在意不得更然兩京少府並准此時宋璟爲侍中禁
斷惡錢發使分道檢括以銷毀之頗招士庶所怨
七年二月詔天下惡錢並令禁斷錢令初下或恐艱
辛宜量出米十萬石令府縣及太府寺選交易穩便
處所分貯依時價糴與百姓收取惡錢便送少府監
槌碎

八年六月詔曰比來所市惡錢畧計數應未盡本欲
防其私鑄務在總納於官若博換尚多則須擡帖估
價百姓情願出惡錢一千文計秤滿六斤卽官以好
錢三百文博取無好錢處依時估折布絹雜物每季

終各令隨近送納鑄錢仍申王者勸會

十七年八月詔曰古者作錢以通有無之鄉以平大小之價以全服用之物以濟單平之資錢之所利人之所急然絲布財穀四人爲本若本賤末貴則人棄本而務末故有盜鑄者冒嚴刑而不悔藏鏹者非倍息而不出今天下泉貨益少幣帛頗輕欲使天下流通焉可得也且銅者餒不可食寒不可衣旣不堪於器用又不同於寶物唯以鑄錢使其流布宜令所在知鑄委按察使申明格文禁斷私賣銅錫仍令造銅器所有採銅錫鉛官爲市取勿抑其價務利於人

二十年九月制曰綾羅絹布雜貨等交易皆合通用如聞市肆必須見錢深非道理自今以後與錢貨兼用違者準法罪之

二十二年三月詔曰布帛不可以尺寸爲交易菽粟不可以抄勺買有無故古之爲錢以通貨弊蓋人所作非天實生項者耕織爲資乃稍賤而傷本磨鑄之物却以少而致用項雖官鑄所入無幾約工計本勞費又多公私之間給用不贍求言其弊豈無變通往者漢文之時已有放鑄之令雖見非於賈誼亦無廢於賢君况古往今來時異事反經費之義安有定耶

終然自拘必無足用且欲不禁私鑄其理如何公卿百寮詳議可否朕將親覽擇善而從

因中書侍郎平章事張九齡奏

也秘書監崔沔議曰夫國之錢時所通用若許私鑄人必竟爲各徇所求小如有利漸忘本業本計斯貧是以賈生之陳七福規於更漢令太公之創九府將以貧殷人况依法則不成違法乃有利謹按漢書文雖除盜鑄錢令而不得雜以鉛鐵爲他巧者然則雖許私鑄不容姦錢錢不容姦則鑄者無利鑄者無利則私鑄自息斯則除令之與不除爲法正等能謹於法而節其用令行而詐不起事變而姦不生斯所以

稱賢君也今若聽其私鑄嚴斷惡錢官必得人人皆知禁誠則漢政可侔猶恐未若皇唐之舊也今若稅銅折役則官治可成計估度庸則私錢無利易而可久簡而難誣謹守舊章無越制度且夫錢之爲物貴於通貨利不在多何待私鑄然後足用也左監門錄事參軍劉秩議曰古者以珠玉爲上幣黃金爲中幣刀布爲下幣管子曰夫三幣握之則非有補於煖也捨之則非有損於飽也先王以守財物以御人事而平天下也是以命之曰衡衡者使物一高一下不得有嘗故與之在君奪之在君是以人戴君如日月親

君如父母用此術也是謂人主之權今之錢卽古之下幣也陛下若捨之任人則上無以御下下無以事上其不可一也夫物賤則傷農錢輕則傷賈故善爲國者觀物之貴賤錢之輕重夫物重則錢輕錢輕由乎物多多則作法收之使少少則重重則作法布之使輕輕重之本必由乎是奈何而假於人其不可二也夫鑄錢不雜以鉛鐵則無利雜以鉛鐵則惡不重禁不足以懲息方今塞其私鑄之路人猶冒死以犯之况啓其源而欲人之從令乎是設陷穽而誘之入其不可三也夫許人鑄錢無利則人不鑄有利則人去南畝者衆去南畝者衆則草萊不懇草萊不懇又隣於寒餒其不可四也夫人富溢則不可以賞勸貧餒則不可以威禁故法令不行人之不理皆由貧富之不齊也若許其鑄錢則貧者必不能爲臣恐貧者彌貧而服役於富室富室乘之則益恣昔漢文之時吳濞諸侯也富埒天子鄧通大夫也財侔王者此皆鑄錢所致也必欲許其私鑄是與人利權而捨其柄其不可五也陛下必以錢重而傷本工費而利寡則臣願言其失以効愚計夫錢重者猶人鑄日滋於前而鑪不加於舊又公錢重與銅之價頗等故盜鑄者

破重錢以爲輕禁寬則行禁嚴則止止則棄矣此錢之所以少也夫鑄錢用不贍者在乎銅貴銅貴之由在於採用者衆矣夫銅以爲兵則不如鐵以爲器則不如錫禁之無害陛下何不禁於人禁於人則銅無所用銅無所用則銅益賤銅賤則錢之用給矣夫銅不布下則盜鑄者無因而鑄無因而鑄則公錢不破公錢不破則人不犯死刑錢又日增不復利矣是一舉而四美兼也伏惟陛下熟察之黃門侍郎平章事裴耀卿黃門侍郎李林甫河南少尹蕭炟等皆曰錢者通貨有國之權是以歷代禁之以絕姦濫今若一啓此門但恐小人棄農逐利而濫惡更甚於事不便時公卿羣官皆建議以爲不便事旣不行但勅郡縣嚴斷惡錢而已

十月詔貨幣兼通將以利用而布帛爲本錢刀是末賤本貴末爲弊則深法教之間宜有變革自今已後所有莊宅以馬交易並先用絹布綾羅絲綿等其餘市買到一千以上亦令錢物兼用違者科罪

二十六年於宣潤等州置錢監

天寶初兩京用錢稍好米粟豐賤數載之後漸又濫惡府縣不許好錢加價迴博令好惡通富商姦人漸

收好錢潛將往淮南每一錢貨得私鑄惡錢五文假託官錢將入京私用京城錢日加碎惡鵝眼鐵錫古文縱環之類每一陌重不過三斤

十一年正月勅曰泉貨之用所以通有無輕重之權所以禁踰越故周立九府之法漢備三官之制求言適便必在從宜如聞京城行用之錢頗多濫惡所資懲革絕其訛謬然安人在於存養化俗期於變通法若從寬事堪持久宜令所司即出錢三數十萬貫分於兩市百姓間應交易所用錢不堪久行用者官為換取仍限一月日內使盡庶單貧無患商旅必通其

有過限輒敢違犯者一事以上並依條件處分是時京城百姓久用惡錢制下之後頗相驚擾時又令於龍興觀南街開場出左藏庫內排年錢許市人博換貧弱者又爭次不得俄又宣勅除鐵錫銅炒穿穴古文餘並許依舊行用久之乃定

天寶之制諸州凡置三十爐楊潤宜鄂尉各十爐益柳各五爐洋州三爐每爐役丁匠三千人每年除六月七月停作餘十月作十番每爐各用銅二萬一千二百九十九斤錫價約七百五十文工匠在外每爐計鑄錢三千三百貫約一歲計錢二十二萬七千餘貫

肅宗乾元元年七月詔曰錢貨之興其來已久蓋代有沿革時為重輕周興九府實啓流泉之利漢造五

銖亦弘改鑄之法必令大小兼適母子相權事有益於公私理宜循於通變但以兵戈未息帑藏猶虛卜式獻助軍之誠弘羊與富國之算靜言立法諒在便人御史中丞第五琦奏請改錢以一當十別無新鑄不廢舊錢與實三官之資用收一倍之利所謂於人不擾從古有經宜聽於諸監別鑄一當十錢其文曰乾元重寶其開通元寶者亦依舊行用所有私鑄捉搦處置卽條件奏聞

二年八月又鑄大錢其文依乾元重寶而重其輪以別之一當五十詔曰九府陳規百王不易或以輕爲重蓋取適時以重爲輕用爲救弊則以形分龍馬勢寫刀龜子母相沿變通斯在今國步猶阻帑藏未充重歛乃人日不堪薄征則軍賦未足是以須令改鑄務於濟時自聞行用已來頗亦公私弘益今可於絳州諸爐加樣起鑄更增新郭不變舊文每以一錢用當五十利豐費約實允事宜其錢以二十斤成貫自餘錢監並聽依舊享滋厚利足以富國人安俗阜朕復何憂仍令鑄錢使卽勾當起鑄新錢或有奸濫所由奏法勿至寬容各仰州縣明示錢樣切須捉搦勿使違犯在京官寮比無俸料桂玉之費將何以堪宜

取絳州新錢給冬季俸料卽仰所由申請計會支給且多難之際家國當同頃者急於軍戎所以久虧祿俸眷言憂恤嘗愧於懷今甫及授衣畧爲賙給庶資時要宜悉朕懷於是新鑄與乾元開通元寶錢三品並行焉而穀價騰貴米斗至七十餓死者相枕於道乃擡舊錢以一當十減乾元錢以一當三十緣人厭錢價不定人間擡加價錢爲虛錢長安城中競爲盜鑄寺觀鐘及銅像多壞爲錢奸人豪族犯禁者不絕京兆尹鄭淑請擒捕之少不容縱數月間榜死八百餘人人益無聊中外皆以爲變法之弊封奏日聞貶

第五琦爲忠州長史

三年二月詔曰泉府之設其來尚矣或時改作則制有輕重往以金革是殷邦儲稍闕屬權臣掌賦變法非良遂使貨物相沿穀帛騰踴求之輿頌弊實由斯夫易柱調絃政之要者今欲仍從舊貫漸罷新錢又慮權行轉資艱急如或猶循所務未塞其源實恐物價虛騰黎元失業靜言體要用籍良圖且兩漢舊規典章沿革必朝廷會議共體至公蓋明君不獨專法當從衆議庶遵行古之道俾廣無私之論宜令文武百官九品以上並於尚書省集議訖委中書門下詳

擇奏聞

世欽若等曰史不載尚書省集議之文

上元元年六月詔曰因時立則須議新錢且欲從權知非經久如聞官爐之外私鑄頗多吞併小錢踰濫成弊抵罪雖衆禁姦未絕况物價日起人心不安事籍變通期於折衷其重稜五十價錢宜減作三十支行用其開元舊錢宜十支行用乾元當十錢宜依前行用仍令京中及畿縣內依此處分諸州待後進止七月詔重稜五十價錢先令畿內減至三十價行用其天下諸州並准此

十二月詔應典貼住宅店舖田地碾磴等先爲實錢典貼者令還以實錢贖先以虛錢典貼者令虛錢贖其餘交關並依前用給賞價錢由是錢有虛實之稱代宗寶應元年五月甲午改行乾元錢以一當二乾元重稜大錢以一當十丙申改行乾元大小錢並以一當一其私鑄重稜錢不在行用之限初度支使第五琦奏鑄乾元重寶錢以一當十以贍國用又以乾元重寶錢奏加重稜以一當五十行之僅半歲犯私鑄者日有數百府縣不能禁朝廷以錢貨大弊仍奏悉依開元錢以一當一人甚便之

大曆四年正月關內道鑄錢等使戶部侍郎第五琦

上言請於絳州汾陽銅源兩監增置五爐鑄錢許之
七年十二月禁天下新鑄造銅器唯鏡得鑄其器舊
者聽用之不得貨鬻將廣錢貨資國用也

德宗建中元年九月戶部侍郎韓洄上言江淮錢監
歲共鑄錢四萬五千貫輪於京師度功用轉送之費
每貫計錢二千是本部利也今商州有紅崖冶出銅
益多又有雒源監久廢不理請增工鑿山以取銅與
雒源故監置十爐鑄之歲計出錢七萬二千貫度功
用轉送之費貫計錢九百則利浮本矣其江淮七監
請皆罷之又天下銅鐵之冶是曰山澤之利當歸於

王者非諸侯方岳所宜有今諸道節度都團練使皆
占之非宜也諸總隸鹽鐵使皆從之

二年八月諸道鹽鐵使包佶奏江淮百姓近日市肆
交易錢交下麓惡揀擇納官者三分纔有二分餘並
鉛錫銅盪不數斤兩致使絹價騰貴惡錢漸多訪聞
諸州山野地窖皆有私錢轉相貿易姦濫漸深今後
委本道觀察使明立賞罰切加禁斷

四年六月判度支侍郎趙贊以嘗賦不足用及請採
連州白銅鑄大錢以一當十權其輕重詔從其說贊
熟計之自以爲非便皆寢不復請

大曆七年十二月十五日勅文一切禁斷年月深遠違犯尚多臣請自今已後應有銅山任百姓開採一依時價官爲收市除鑄鏡外一切不得鑄造及私相買賣其舊器物先在人家不可收集破損者仍許賣入官所貴銅價漸輕錢免銷毀伏請委所在觀察使與臣屬吏會計處置詔曰可

三月勅陌內欠錢法當禁斷慮因捉搦或亦生姦使人易從切於不擾自今以後有人交關用欠陌錢者宜但令本行頭及居停主人牙人等檢察送官如有容隱兼許賣物領錢人糺告其行頭主人牙人重加科罪府縣所由祇承人等並不須干擾若非因買賣自將錢於街衢行一切勿問

七月張滂奏所在錢貨伏請不許壅塞以通商賈從之

十年六月勅今後天下鑄造買賣銅器並不須禁止

其罷物每斤價置不得過一百六十文委所在長史及巡院同勾當訪察如有銷錢爲銅者以盜鑄錢罪論

十四年十二月鹽鐵使李若初奏諸道州府多以近日泉貨數少繒帛價輕禁止見錢不令出界致使課利有關商賈不通請指揮見錢任其往來勿使禁止從之

憲宗元和元年二月以錢少禁用銅罷
八月靈武節度使李樂奏黃河堤岸推得古文錢三千三百其形甚小方孔三足

二年二月詔曰錢貴物賤傷農害工權其輕重須有通變比者鉛銅無禁鼓鑄有妨其江淮諸州府收市鉛銅等先已令諸道知院官勾當緣令初下未盡頒行宜委諸道觀察等使與知院官專切勾當事畢日仍委鹽鐵使據所得數類會奏聞

四月禁鉛錫錢

三年五月鹽鐵使李巽上言得湖南院申柳州平陽高亭兩縣界有平陽冶及馬跡曲木等古銅坑約二百八十餘井差官檢覆實有銅錫今請於柳州舊桂陽監置爐兩所採銅鑄錢每日約二十貫計一年鑄

成七千貫有益於人從之

六月詔曰泉貨之法義在通流若錢有所壅貨當益賤故藏錢者得乘人之急居貨者必損已之資今欲着錢令以出滯藏加鼓鑄以資流布使商旅知禁農桑獲安義切救時情非欲利若革之無漸恐人或相驚應天下商賈先蓄見錢者委所在長吏令收市貨物官中不得輒立程限逼迫商人任其貨易以求便利計周歲之後此法徧行朕當別立新規設蓄錢之禁所以先有告示許其方圓意在他時行法不貸又天下有銀之山必有銅鑛銅者可資於鼓鑄銀者無益於生人權其輕重使務專一其天下自五嶺以北見採銀坑並宜禁斷恐所在坑戶不免失業各委本州府長吏勸課令其採銅助官中鑄作仍委鹽鐵使作法條流聞奏

六年二月制曰夏貢有差先乎任土周幣殊等實在使人近日所徵布帛並先定物樣一例作中估受納精麤不等退換者多轉將貨賣皆致折損其諸道留使留州錢數內絹帛等但有可用處隨其高下約中估物價優饒與納則私無棄物官靡逋財其所納見錢仍許五分之一中量徵二分餘三分兼納實估足段

錢以準貨本約其輕重制之不均遂權百物由是競爲蓄聚漸變流通粟帛轉賤農桑益廢若無釐革其弊難堪公私交易十貫錢已上卽須兼用疋段委度支鹽鐵使及京兆尹卽具作分數條流聞奏茶商等公私便換見並錢須禁斷

三月河東節度使王鐸奏請於當管蔚州界加置爐鑄銅錢漸廢錫錢詔河東道自用錫錢已來百姓不堪其弊若蔚州鼓鑄漸致銅錢則公私之間皆得克用宜委所司子細計料量借錢今積漸加至五爐

七年二月詔蔚州鑄錢令度支量支錢三萬貫充本
是月詔曰錢重物輕爲弊頗甚詳求適變將以便人所貴緡貨通行里閭寬息宜令百寮各隨所見作利害狀以聞

五月詔自今已後諸州府有請以破鐘再鑄宜令所在差人監頗不得令銷錢毀器別有加添

是月兵部尚書判戶部王紹戶部侍郎判度支盧坦鹽鐵使王播等奏伏以京都時用多重見錢官中支計近日殊少蓋緣此來不許商人便換因茲家有滯藏所以物價轉輕錢多不出臣等今商量伏請許令商人於戶部度支鹽鐵三司任便換見錢一切依舊

禁約伏以此來諸司諸使等或有便商人錢多留城中逐時收貯積藏私室無復通流伏請自今已後嚴加禁約詔從之

七月度支戶部鹽鐵等使奏先令差所由招召商人每貫加饒官中一百文換錢今並無人情願伏請依元和五年例敵貫與商人對換從之

八年四月勅以錢重貨輕出內庫錢五十萬貫令兩常平收市布帛每端足佐加十之一

十二年四月詔曰泉貨之設古有嘗規將使重輕得宜是資歛散有節必通其變以利於人今繒帛轉賤

公私俱弊宜出見錢五十萬貫令京兆府揀擇要便處開場依市價交易選擇清幹官吏專切勾當仍各委本司先作處置條件聞奏必使事堪經久法可通行又詔曰近日布帛轉輕見錢漸少皆緣所在壅塞不得通流宜令京城內文武官僚不問品秩高下并公郡縣主中使等已下至士庶商旅等寺觀坊市所有私貯見錢並不得過五十貫如有過此許從勅出後限一月內任將別物收貯如錢數校多處置未了任於限內於地界內州縣陳狀更請限縱有此色不得更過兩月若一家內別有宅舍店鋪等所貯錢並

須計同此數其兄弟本來異居曾經分析者不在此限如限滿後有違犯者白身人等宜令所司痛杖一頓處死其文武官僚及公主等並委有司聞奏當重科貶戚屬中使亦具名御聞奏其贖貯錢不限多少並勒納官數內五分取一分充賞錢數其賞錢止於五千貫此外察獲及人論告亦重科處并量賞告者時京師市里區肆所積聚方鎮錢如王鏐韓弘李惟簡少者不下五十萬貫於是竟置第宅以變其錢多者竟里巷傭僦以歸其直而高貲大賈多依倚左右軍官錢爲名府縣不得窮驗法竟不行

十四年六月勅應屬諸軍諸使有犯時用錢每貫除二十文足陌內欠錢有鉛錫者宜令京兆府枷項收禁牒報本軍本使府司差人就軍看決二十如情狀難容復有違拒者仍令府司聞奏
穆宗以元和十五年正月卽位閏正月詔曰當今百姓之困衆情所知欲減稅則國用不充依舊則人困轉甚貨輕錢重征稅暗加宜令百寮各陳意見以革其弊

八月中書門下奏伏惟今年閏正月十七日勅令百寮議錢貨輕重者今據羣官楊於陵等伏請天下兩

稅權酒鹽利等悉以布帛絲綿任土所產物乞稅並不徵見錢則物漸重錢漸輕農人且免賤賣疋帛者伏以羣官所議事皆至當深利公私請商量付度支據諸州府應徵兩稅供上都及留州留使舊額起元和十六年以後並改配疋斤兩之物爲稅額如大曆以前庸課調不計錢令其折納使人知定制供辦有嘗約仍元和十五年徵納布帛等估價其舊納虛估物與依虛估物廻計如舊納實估物并見錢卽於端疋斤兩上量加估價廻計變法在長其物價價長則永利公私初雖徵有加饒法行卽當就實此舊給用故利而不害仍作條件處置編入旨符其鹽利酒利本以權率計錢有銖兩兩稅之名不可除去錢額但舊額中有令納見錢者亦請令折納時估疋段上旣不專以錢爲稅人得以所產用輸官錢則貨幣必適其重輕隴畝自廣於蠶織便時惠下庶得其宜其土乏絲麻或地邊塞風俗旣異賦入不同亦請商量委所司裁酌隨便宜處置又羣官所議鑄錢或請收市人間銅罷令州郡鑄錢者昔漢朝亦令郡國鑄錢當開元以前未置鹽鐵使亦令州郡勾當鑄造今若兩稅盡納疋段或慮兼要通用見錢欲令諸道公私銅

罷各納所在節度團練防禦經畧使便據元勅給與價直并兩稅仍令本處軍人鑄鑄本請以畱州畱使年支用錢物充所鑄錢使充軍府州縣公用當處軍人自有糧賜亦較省本所資衆力并收衆銅天下併功速濟時用待一年後鑄罷盡停其諸州府有出銅錢可以開爐鑄處具申有司便出令同諸州監冶例每年與本充鑄如此則見錢稍廣物價漸增天下百姓日有所利軍國用度亦興無虧其收市銅罷期限并禁鑄造買賣銅物等待議定令有司條流聞奏其上都鑄錢及收銅器請續處分將欲頒行尚資周慮請令門下中書兩省尚書省御史臺并諸官商量重議聞奏從之

長慶元年六月詔公私便換錢物先已禁斷宜委京兆府切加覺察

九月勅泉貨之義所貴通流如聞比來用錢所在除陌不一與其禁人之必犯未若從俗之所宜交易往來務令可守其外內公私給用官錢從今以後宜每貫一例除墊八千九百二十文成貫不得更有加除及陌內欠少

敬宗寶曆元年十月河南尹王起奏准八月二十一

日勅不許銷鑄見錢爲佛像仍令京兆河南尹重立
科條奏聞令請犯者以盜鑄錢論制可

文宗太和三年六月中書門下奏元和四年閏三月
四日勅應有鉛錫錢並合納官如有人糺得一錢賞
百錢當時勅條貴在峻切今詳事實必不可行則有
人告一百貫錫錢須賞一萬貫銅錢執此而行是無
畔際昨因任清等犯罪施行不得遂酌事理量情科
賞或恐已後民間更有犯者宜立節文令可遵守臣
等商量自今已後有用鉛錫錢交易者一貫已下州
府常行杖決脊杖二十十貫以下決六十徒三年過

十貫已上集衆決殺其受鉛錫錢交易者亦准此處
分其所用鉛錫錢並納官其能糺告者每一貫賞錢
五十不滿一貫者准此計賞累至三百千仍且取當
處官錢給付其所犯人罪不至死者徵納家資充填
賞錢其元和四年閏三月四日勅便望刪去可之
四年十一月勅應私貯見錢家除合貯數外一萬貫
至十萬貫限一周年內處置畢十萬貫至二十萬貫
已下者限二周年處置畢如有不守期限安然蓄積
過本限卽任人糺告及所由覺察其所犯家錢並准
元和十二年勅納官據數五分取一分充賞糺告人

賞錢數止於五千貫應犯錢法人色目決斷科貶並
准元和十二年勅處分其所由覺察亦量賞一半事
竟不行

五年二月鹽鐵使奏湖南管内諸州百姓私鑄告到
錢伏緣衡道數州連接嶺南山洞深遠百姓依模監
司錢樣競鑄造到脆惡奸錢轉將賤價博易與好錢
相和行用其江西鄂岳桂管嶺南等道應有出銅錫
處亦慮私鑄濫錢並請委本道觀察使條流禁絕勅
旨宜依

八年三月鹽鐵使王涯奏請於蔚州置飛狐鑄錢縣
以變河東管内錫鐵之弊從之

開成三年四月河東節度使斐度奏管内蔚州飛狐
縣鑄錢侵害百姓請廢院令道自鑄便充每年甲價
詔曰鼓鑄之利合歸有司制置已成難亟更改其飛
狐依前令度支收管其甲價便以新鑄錢充其所由
工匠令院司與觀察使計會具挾名申不得廣占人
戶侵擾州縣

六月帝御紫宸殿問宰臣曰幣輕錢重如何宰臣楊
嗣復曰此已多年但且禁銅不可廣變法廣變法卽
必擾人李珣曰今請加爐鑄錢他法不可先有格令

州府禁銅爲器當今以銅爲器而不知禁所病者制
勅不曾下經年而州縣因循所以制令相次而見之
爲嘗今自淮而南至於江嶺鼓鑄銅器列而爲肆州
縣不禁市井之人逐錐刀之利以一緡範爲他器鬻
之集利不啻數倍是則禁銅之令必在嚴峻斯其要
也

武宗會昌六年二月勅緣諸道鼓鑄佛像鍾磬等新
錢已有次第須令舊錢流布絹價稍增文武百寮俸
料宜起三月一日並給見錢其半先給虛估疋段對
估時價支給勅比緣錢重幣輕生人轉困今加鼓鑄
必在流行通變救時莫切於此宜申先甲之令以誠
居貨之徒京城及諸道起今年十月以後公私行用
並取新錢其舊錢權停三數年如有違犯同用鉛錫
惡錢例科斷其舊錢並納官事竟不行

哀帝天祐二年四月勅准向來事例每貫抽除外以
八百五十文爲貫每陌八十五文如聞坊市之中多
以八十爲陌更有除折今後委河南府指揮市肆交
易並須以八十五文爲陌不得更有改移

後唐莊宗同光二年二月詔曰錢者古之泉布蓋取
其流行天下布散人間無積滯則交易通多貯藏則

士農困故西漢興改幣之制立告緡之條所以權蓄賈而防大奸也宜令所司散下州府嘗須檢察不得令富室分外收貯見錢又工人銷鑄爲銅器兼沿邊州鎮設法鈐轄勿令商人搬載出境

三月知唐州駢晏平奏市肆間點檢錢帛內有錫蠟小錢揀得不少皆是江南綱商挾帶而來詔曰帛布之幣雜以鉛錫就中江湖之外盜鑄尤多市肆之間公行無畏因是綱商挾帶舟楫往來換易好錢藏貯富室實爲蠹弊須有條流宜令京城諸道於坊市行使錢內點檢雜惡鉛錫錢並宜禁斷沿江州縣每有舟楫到岸嚴加覺察若私載往來並宜收納

明宗天成元年八月中書奏訪聞三京諸州府所賣銅器價貴多是銷鎔見錢爲器以邀厚利勅旨宜令遍行曉諭嚴加禁制如元舊破損銅器及碎銅卽許鑄造器物仍生銅器物每斤價定二百文熟銅器物每斤二百文如違省價買賣之人依盜鑄錢律科斷十一月勅諸道州府納勒見錢素有條制若全禁斷交匪通規宜令遍指揮三京及諸道州府及諸城門所出見錢如五百已上不得放出如稍有違犯卽准元條指揮其沿淮州縣鎮卽准先條勅命處分

十二月勅行使銅錢之內如聞挾帶蠟錢若不嚴設條流轉恐私加鑄造須行止絕以息姦欺應中外所使銅錢內蠟錢卽宜毀棄不得輒更行使如違其所使錢不限多少並納入官仍科深罪

二年七月度支奏三京鄴都并諸道州府市肆買賣所使見錢舊有條流每陌八十文近訪聞在京及諸道街坊市肆人戶不顧條章皆將短陌轉換長錢但恣圖欺殊無畏忌若不條約轉啓倖門請更各降指揮凡有買賣並須使八十陌錢從之

十月右司員外郎湯薰奏先以銅器貴市人多銷錢以爲器下令禁之令不行又降之乃再行前勅亦不能禁

三年十二月青州上言北海掘得鐵錢二百萬

四年四月禁鐵蠟錢時湖南純使蠟錢青銅一錢折當一百商估易換法不能止

八月工部員外郎孫洽奏准律馮錢作銅最爲大罪望加禁絕

九月勅先條流三京諸道州府不得於市使錢內夾帶鐵錫錢雖自約束仍聞公然行使自此有人於錢陌中捉到一文至兩文所使錢不計多少納官所犯

人准條流科罪

長興元年正月鴻臚少卿郭在徽奏請鑄造新錢或一當十或一當三十或一當五十兼進錢譜一卷仍於表內徵引故幽州節度使劉仁恭爲鐵錢泥錢事勅旨劉仁恭頃爲燕帥不守藩條輒造泥錢號爲山庫殊非濟物一向害人醜狀尋除惡名猶在郭在徽旣居班列合識規章豈可顯對明庭遽陳弊事仍緣舊譜更撰新文加以一當十真謂將虛作實據茲見解宜加懲責可降授衛尉少卿同正仍勒依舊篆字其所進錢譜納在史館其擅造到官數錢圖並令

焚毀

二年三月勅諸道州府累降勅令不得使鐵蠟錢如有違勅行使者所使錢不計多少並沒納入官所犯人具姓名以聞近日依前有無良之輩所使錢內夾帶鐵蠟錢須議再行止絕宜令諸道州府嚴切條理密差人嘗於街坊察訪如有衆私鑄瀉及將銅錢銷鑄別造物色捉獲勘究不虛並准前勅處分

三年三月河府奏重開廢銅冶

末帝清泰二年十二月詔御史臺曉告中外禁用鈔錢如違犯准條流處分

晉高祖天福三年二月勅朕以歷代鑄錢濟時爲寶久無監務已絕增添邇來趨利之人違法甚衆銷鎔不已毀蠹日滋禁制未嚴姦弊莫止旣無添而有損耗國以困民將致豐財須行峻法宜令鹽鐵使禁止私下打造鑄馮銅器速具條流事件聞奏

十一月勅國家所資泉貨爲重減耗漸虧於日用增加自致於時康近代已來中原多事銷蠹則甚添鑄無聞朝廷合議於條章寰海必臻於富庶宜令三京鄴都諸道州府曉示無問公私應有銅者並許鑄錢仍以天福元寶爲文左環讀之委鹽鐵司鑄樣頒下

諸道令每一銖重二錢四參十錢重一兩或慮諸人接便將鉛鐵鑄造雜亂銅錢仍令三京鄴都諸道州府依舊禁斷尚慮逐處銅數不多宜令諸道應有久廢銅冶處許百姓取便開鍊永遠爲主官中不取課利其有生熟銅仍許所在中賣入官或任自鑄錢行用其陳許鑄錢外則不得接便別鑄造銅器如有違犯者並准三年三月三十日勅條處分

十二月勅先許鑄錢仍每一錢重二銖四參十錢重一兩切慮逐處銅闕難依先定銖兩宜令天下無問公私應有銅欲鑄錢者一任取便酌量輕重鑄造因茲

不得入錫并鐵及令缺漏不堪久遠用使仍委鹽鐵司明曉示准元勅指揮

四年七月勅先令天下州郡公私鑄錢近聞以鉛錫相參缺簿小弱有違條制不可久行今後官私鑄造私下禁依舊法

十一月建錢爐於藥川爲石豹之冶

漢隱帝乾佑初始使七十七陌錢是時膳部郎中羅周胤上言曰錢刀之貨今古通行從古自來鑄造不息長無積聚蓋被銷鎔若不峻設隄防何以絕其奸宄臣請勅三京鄴都諸道州府凡器物服玩鞍轡門

戶民間百物舊用銅者今後禁斷不得用銅諸郡邑州府鄺市已成銅器及腰帶幘頭線及門戶飾許勅出後一月並令納官官中約定銅價支給候諸處納畢請在京置鑄錢盡俾銅盡爲錢以濟軍用除錢外只令鑄鏡鏡亦官鑄量尺寸定價其餘並不得用銅如敢固違請行條法以杜姦源疏奏不報

周太祖廣順元年三月勅銅法今後官中更不禁斷一任興販所有一色卽不得瀉破爲銅器貨賣如有犯者有人糾告捉獲所犯人不計多少斤兩並處死其地方所由節級決脊杖十七放隣保人鬻杖十七

放其告事人給與賞錢一百貫文

世宗顯德二年九月勅國家之利泉貨為先近朝已
來久絕鑄造至於私下不禁銷鎔歲月漸深奸弊尤
甚今採銅興冶立監鑄錢與使公私宜行條制起今
後除朝廷法物軍器及鏡并寺觀鐘磬鈸相輪火珠
鈴鐸外其餘銅器一切禁斷應兩京諸道州府銅像
器物及諸色裝鈸所用銅限勅到五十日內立須毀
折送官其私下所約到銅據斤兩給付價錢如出限
輒有隱藏及埋窖使用者一兩至一斤所犯人並加
等第刑責至五斤已上不計多少所犯人處死其銅

鏡今後官中鑄造於東京置場貨賣許人收買於諸

處興販初世宗謂侍臣曰今以錢貨之弊將立監鑄

毀佛與利而有難色夫佛聖人也廣其善道以化人
心心能奉道佛則不遠存其像也非重佛之至也行
其道乃奉佛之深也今與利所以濟人也濟人即佛
道也况聞大聖捨頭目之驗若朕身可濟民亦將不
惜也

放其告事人給與賞錢一百貫文

世宗顯德二年九月勅國家之利泉貨為先近朝已
來久絕鑄造至於私下不禁銷鎔歲月漸深奸弊尤
甚今採銅興治立監鑄錢與使公私宜行條制起今
後除朝廷法物軍器及鏡并寺觀鐘磬鈸相輪火珠
鈴鐸外其餘銅器一切禁斷應兩京諸道州府銅像
器物及諸色裝鉸所用銅限勅到五十日內立須毀
折送官其私下所約到銅據斤兩給付價錢如出限
輒有隱藏及埋窖使用者一兩至一斤所犯人並加
等第刑責至五斤已上不計多少所犯人處死其銅

鏡今後官中鑄造於東京置場貨賣許人收買於諸

處興販初世宗謂侍臣曰今以錢貨之弊將立監鑄

毀佛興利而有難色夫佛聖人也廣其善道以化人
心心能奉道佛則不遠存其像也非重佛之至也行
其道乃奉佛之深也今與利所以濟人也濟人即佛
道也况聞大聖捨頭目之驗若朕身可濟民亦將不
惜也

冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

邦計部 二十

平糴 常平

平糴

孟子曰犬彘食人食而不知檢塗有餓莩而不知發
蓋譏其不以法度簡歛也是知善為國者當平豐之
歲為凶荒之儲所以順天道備寇賊而紓農人務政

本也夫世有饑穰天之行也邦之經費既不可闕民之資奉於是乎在或上熟而不收惡歲而亡備烏謂夫能通其變者也若乃權其輕重制其物宜則平糶之法存焉所以上操其柄下得其利農夫不困國用嘗足者亦繇是焉古之知治道者嘗從事於斯矣歷代而下咸可述焉

管仲齊大夫也桓公問於管子曰吾欲守國財而無稅於天下而因可乎仲對曰昔武王為巨橋之粟貴

糶之數武王既勝殷得巨橋粟欲使糶貴巨橋倉在廣平郡曲周縣立重泉之戍

戍名也重文恭切假設此成今日民自有百鼓之粟

者不行民舉所聚粟以避重泉之戍而國穀二什倍

巨橋之粟亦二什倍武王以巨橋之粟二什倍而市

繒帛雜絲曰繒軍五歲無籍衣於人以巨橋之粟亦二什

倍而衡平也黃金終身無籍於人桓公又曰齊西水潦

而民饑齊東豐庸而糶賤欲以東之賤被西之貴為

之有道乎管子曰今齊西之粟釜五鉅為釜百泉則鉅二

十也斗二升八合曰鉅烏侯切泉錢也齊東之粟釜十泉則鉅二錢

也請以令籍人三十泉得以五穀菽粟決其籍若此

則西出三斗而決其籍齊東出三釜而決其籍然則

釜十之粟皆實於倉廩西之人饑者得食寒者得衣

若此則東西之相被遠近之準平矣

君下令稅人三十錢准以五穀令齊

東之人納三釜以賑西之人則東西俱平矣管子智用無窮以區區之齊一匡天下本仁祖義成其霸業所行權術因機而發非為嘗道也故別篇云偏行不去盡也桓公又曰糶賤寡人

恐五穀之歸於諸侯寡人欲為萬人藏之為此有道

乎管子曰今者夷吾道市有新成困京者二家

大國曰京

君請式璧而聘之

式用也璧玉也聘問也使玉人刻石為璧尺者萬泉八寸者八千七

寸者七千是也賜之以璧仍存問也

行令半年萬人舍其業而為困京

以藏菽粟者過半

魏文侯相李悝曰

悝音魁

糶甚貴傷人

此人謂士工商

甚賤傷

農人傷則離散農傷則國貧故甚貴與甚賤其傷一

也善為國者使人無傷而農益勸今一夫挾五口理

田百晦歲收晦一石半為粟百五十石除十一之稅

十五石餘百三十五石食人月一石半五人終歲為

粟九十石餘有四十五石三十為錢千三百五十

除社閭嘗新春秋之祠用錢三百餘千五十衣人率

用錢三百五人終歲用千五百不足四百五十

州四百五

十不足不幸疾病死喪之費及上賦歛又未與此此農

夫所以嘗困有不勸耕之心而令糶至於甚貴者也

是故善平糶者必謹觀歲有上中下熟上熟其收自

四餘四百石

平歲百畝收百五十石今大熟四倍收六百石計人終歲長四百石官糶二百

石此為糴 三舍一也 中熟自三餘三百石 自三四百五十石也

其二百石此為 糴二而舍一 下熟自倍餘百石 自倍收三百石終

謂中分百石之一 五十石云下熟糴以 小饑則收百石 平歲百畝之收

小饑收百石收 三分之二也 中饑七十石 收二分 大饑三十石 收五

分之二也 以此準 故大熟則上糴三而舍一中熟則

糴二下熟則糴一使人適足價平則止小饑則發小

熟之所斂 官以斂 中饑則發中熟之所斂大饑則發

大熟之所斂而糴之故雖遇饑饉水旱糴不貴而人

不散取有餘以補不足也行之魏國國以富强

晉武帝欲平一江表時穀賤而布帛貴帝欲立平糴

法用布帛市穀以為糧儲議者謂軍資尚少不宜以

貴易賤泰始二年帝乃下詔曰夫百姓平豐則用奢

凶荒則窮匱是相報之理也故古人權量國用取贏

散滯有輕重平糴之法理財均施惠而不費之善政

者也然此事久廢天下希習其宜加以官蓄未廣言

者異同財貨未能通達其制更令國寶散於穰歲而

上不收貧弱困於荒年而國無備豪人富商挾輕資

蘊重積以管其利故農夫苦其業而未作不可禁也

今者省徭務本並力墾殖欲令農功益登耕者益勸

而猶或騰踴至於農人並傷今宜通糴以克儉法主

者平議具爲條制然事竟未行

南齊武帝永明五年詔曰善爲國者使民無乏而農
益勸是以十一而稅周道克隆開建嘗平漢載惟穆
岱畎絲枲浮汝來貢杞梓皮革必緣楚徃自水德將
謝喪亂弘多師旅歲興饑饉代有貧室盡於課調泉
具傾於絕域軍國器用動資四表不因厥產咸用九
賦雖有交貿之名而無潤私之實民咨塗炭實此之
繇昔在開運星紀未周餘弊尚重農桑不殷於曩日
粟帛輕賤於當年工商罕兼金之儲匹夫多饑寒之
患良田園法久廢上弊稍寡所謂民失其資能無匱
乎凡下貧之家可蠲三調二年京師又四方出錢億
萬糴米穀絲綿之屬平和其價以優出首遠邦嘗市
雜物非土俗所產者皆悉停之必是歲賦攸宜都邑
所乏可見直和而勿使逋刻

後魏鹿念前廢帝普泰中爲右光祿大夫兼度支尚
書河北五州和糴大使

後周武帝建德三年正月詔以往歲年穀不登民多
乏絕令公私道俗凡有貯積粟麥者皆准口聽畱以
外盡糴

唐則天證聖元年三月二十一日勅州縣軍司府官

等不得輒取和糶物亦不得遣人替

玄宗開元二年閏二月十八日勅年歲不稔有無須通所在州縣不得閉糶各令當處長吏簡較

十六年九月詔曰如聞天下諸州今歲普熟穀價至賤必恐傷農加錢收糶以實倉廩縱逢水旱不慮阻饑公私之間或亦爲便令所在以嘗平本錢及當處物各於時價上量加三五錢百姓有糶易者爲收糶事須兩和不得限數配糶訖具所用錢物及所收糶物數具申所司仍令上佐一人專簡較

二十五年九月戊子勅曰適變從宜有國嘗典恤人濟物爲政所先今歲秋苗遠近豐熟時穀旣賤則甚傷農事資均糶以利百姓宜令戶部郎中鄭昉殿中侍御史鄭章於都畿據時價外每斗加三兩錢和糶粟三四百萬石所在貯掌江淮漕運固甚煩勞務在安人宜令休息其江淮間今年所運租停其闕輔委度支郎中兼侍御史王翼准此和糶粟三四百萬石應須船運等卽與所司審計料奏聞

二十六年三月丙申勅曰如聞寧慶兩州小麥甚賤百姓出糶又無人糶衣服之間或慮難得宜令所司與本道支使計會每斗加於時價一兩錢糶取二萬

石變造麥飯貯於朔方軍城

二十七年九月勅曰理國者在乎安人安人者在乎足食以古先哲后立法濟時使家有三載之儲國有九年之蓄雖遇水旱終保康寧則堯湯之代錄此道也朕以薄德丕承睿圖身雖在於九重心每同於兆庶而微誠克遂上帝降祥今歲物已秋成農郊大稔豈但京坻之積有同水火之饒宜因豐穰預爲收貯濟人救乏孰先于茲宜令所司速計料天下諸州倉有不克三年者宜量取今年稅錢各委所錄長官及時每斗加於時價一兩錢收糶

天寶四載五月詔曰如聞今載收麥倍勝嘗歲稍至豐賤卽慮傷農處置之閒事資通濟宜令河南河北諸郡長官取當處嘗平錢於時價外別加三五錢量事收糶大麥貯掌其義倉亦宜准此仍委採訪使勾當便勘覆具數一時錄奏諸道有糧儲少處各隨土宜如堪貯積亦准此處分

肅宗上元元年九月勅先緣諸道開糶頗有處分如聞所在米粟尚未流通宜令諸節度觀察各於管內捉搦不得輒令閉糶

代宗大曆八年十一月癸未勅度支江淮轉運三十

萬石米價并脚價充關內和糶時京師大稔穀價驟賤大麥斗至八錢粟斗至二十錢帝勤卹萬姓思以贍之以每歲漕輓四十萬石米至上郡乃量遠近費減至十萬石三十萬石米價充關內近加價和糶以利關中人權也庚子詔京官職田一切官爲收糶令度支估以聞度支奏估直五萬貫詔加至八萬貫以來估時賤寵百官也

九年五月庚申以時屬年豐理國之本莫先兵食乃詔度支支七十萬貫諸道轉運使支五十萬貫充和糶

十一年六月十三日勅自今已後所在一切不得閉糶及隔截權稅

德宗興元元年閏十一月詔曰江淮之間連歲豐稔迫於供賦頗亦傷農收其有餘濟彼不足宜令度支於淮南浙東浙西道加價和糶米三五十萬石差官船運於諸處減價出糶貴從權便以利於人

貞元元年正月詔諸州府不得輒有閉糶

二年十月度支奏京兆河南河中同華陝虢晉絳鄜坊丹延等州府秋夏兩稅青苗等錢物悉折糶粟麥所在儲積以備軍食京兆府兼給錢收糶每斗於時

價外更加十錢納於大倉詔可其奏自是每歲行之以贍軍國

十一月度支奏請於京兆府明年夏秋稅二十二萬四千貫文又請度支給錢添成四十萬貫令京兆府今年內收糶粟麥五十萬石以備軍食詔從之

三年閏五月度支奏河南河中府及同華晉絳陝虢鄜坊丹延等州今年夏稅各送上都及畱州畱都府錢八十一萬貫請量取三十萬貫折糶豆麥等貯納仍委和糶使兵部郎中姚南仲勾當從之

四年九月詔京兆府於時價外加和糶差清強官先給價直然後貯納續令所司自搬載送太倉並差御史訪察有違勅文當重科貶先是多被折物或估踰時價或先歛而不訓追集停擁割斂運納遠近怨苦故有是詔

八年十月以西北邊穀賤詔令度支增價糶和以實邊儲凡積米三十三萬斛

九年正月詔曰分災救患法有嘗規通商惠人國之令典自今宜令州府不得輒有閉糶仍委鹽鐵使及觀察使訪察聞奏

十六年十月勅京兆府今年和糶粟一百萬數內宜

減三十萬

憲宗元和七年七月戶部侍郎判度支盧坦奏今年冬諸州和糴貯粟澤潞四十萬石鄭滑易定各一十五萬石夏州八萬石河陽一十萬石太原二十萬石靈武七萬石振武豐州鹽州各五萬石凡一百六十六萬以今秋豐稔必資蓄備其澤潞石易定鄭滑河陽委本道差判官和糴各於時價每斛加十文所募人知勸農國有嘗備從之

八年九月癸丑權判度支兵部尚書王紹奏請折糴粟京兆府二十五萬石同州五萬石華州三萬石陝州五萬石虢州三萬石河中府三萬石絳州二萬石河南府六萬石河陽節度管内十萬石准舊仍各於本州處中旬時估每斛加饒五之一京兆府量加五之二以當府秋稅青苗錢折納仍委戶部以不折估疋段據數俱還從之

穆宗長慶元年三月勅春農方興種植是切其京西京北和糴使宜勤停先是度支以邊儲無備請置和糴使經年無序徒擾邊人故罷之

七月十八日大赦制近邊所置和糴皆給實價如聞頃來積弊頗甚美利蓋歸於主掌善價不及於村閭

或虛招以奉於強家或廣僦用盜於游客若不嚴約
弊何可除宜委度支精擇京西京北應供軍糧并和
糴院官并營田水陸轉運切加訪察仍作條流檢括
速具奏聞

四年七月乙丑丁卯勅近日訪聞京城米價稍貴須
有通變以便公私宜令戶部應給百官俸料其中一
半合給正段者廻給官中所糴粟每斗折錢五十文
其正段委別收貯至冬糴粟填納大倉時人以爲甚
便

八月詔於關內及關東折糴粟一百五十萬石用備
饑歉其和糴價以戶部錢充收貯晁日仍委戶部管
繫尋嘗不得支用

敬宗寶曆元年八月勅度支於兩畿及鳳州邠涇廊
坊同華河中陝州河陽等道共和糴折糴聚二百萬
斛命祠部郎中崔忠信等分道主之以是歲大稔故
也

十二月戊辰勅如聞河東振武今年熟令博糴米十
萬斛搬送靈武收貯其價以戶部錢充

文宗太和三年九月詔以河南河北諸道頻年水旱
重以兵役而徐汴管内遭水潦如聞江淮諸郡所在

豐稔困於甚賤不免傷農州縣長吏苟思自便條約不令出界雖無嚴榜以避詔條而商旅不通米價懸異致令水旱之處種食無資昔春秋之時列國異政分災救患猶載冊書况今朝典大行遠近一統禁錢閉糶具在赦文宜令御史臺諫御史一人於河南巡檢但每道每州界首物價不等米商不行卽時潛自約勒不必更待文榜爲驗便具事狀及本貫刺史縣令察判名聞如河南通商旅之後淮南諸郡米價漸起展轉連接之處直至江西湖南荆襄已來並須約勒依此舉勘聞奏仍各令觀察使審詳前後赦條與御史切加訪察不得容蔽

四年七月甲子內出綾絹三十萬疋付戶部充和糶八年八月戊申詔曰歲有歉穰穀有貴賤權其輕重須使通流非止救災亦爲利物同州諸縣至河中晉絳京西北豐熟之處宜令近京諸道許商興販往來不得止遏

開成元年閏五月己卯帝御紫宸殿謂宰臣曰京兆府請開場收麥何如李固言曰但優饒百姓則易糶今年百姓雖放兩稅亦須聽其收貯自爲歲計但情願出糶卽加於時價收之鄭覃曰不强其所不欲加

價收糶人自樂輸

十月戶部請和糶粟一百萬石

三年九月丙辰朔中書門下奏請配諸道收糶粟一百萬石以備凶年甲申詔令戶部差官京西東都河中其糶粟六十萬石各於當處收貯以備水旱

宣宗大中六年五月勅自收闕隴便討黨項邊境生人皆失活業連屬艱食遂不寧居兼軍儲未得殷豐切在多贍助今年京畿及西北邊稍似時熟卽京畿人家競搬運斛斗入城收爲蓄積致使邊塞粟麥依前踴貴兼省司和糶亦頗艱難其弊至深須有釐革其京西北今年夏秋斛斗一切禁斷不得令入京畿兩界其年六月勅近斷京兆北斛斗入京如聞百姓多端以麵造麴入城貿易所費亦多切宜所在嚴加覺察不得容許

懿宗咸通七年八月戶部奏請開和糶勅曰自數年江淮頗爲饑歉今年稼穡稍似豐穰國家比爲傷農是開和糶如聞積弊繼有多端善價不及鄉閭美利皆歸司局徒爲名目不益公私委戶部自此擇人深須峻法稍循前弊必罪所司史官曰和糶之文累朝承弊

大和中華州刺史宇文鼎戶部員外郎盧允中右司員外判戶部姚康以分使和糶錢八萬貫其巡司李孚楊洵美各杖一百允中等悉配邊蓋此法未得中也惟白居易元和時爲右拾遺上疏論和糶事其理最當辭去臣伏見有司以今年豐熟請令畿內及諸州和糶將收錢穀當利農夫以臣所觀有害無利何者凡曰和糶是官出錢人出穀兩和商量然後交易也比來和糶事殊不然但令府縣之官散配人戶促力程限嚴加徵催苟有稽遲卽被捉搦迫感鞭撻甚於賦稅和糶之名乃爲虛設故曰有害無利也今若有司出錢開場自糶比於時價稍較饒利誘人人若見利自然遠近爭來利害之間可以比辨苟除前之弊行此之宜是真得和糶利人之道也二端取捨伏惟聖旨裁之必不得已卽不如折糶者折青苗稅錢使直納斛斛免令賤糶別納見錢在農人亦甚爲利况度支和糶多是雜色正帛百姓多須轉賣然將納稅錢至於給付不免侵侷貿易不免損折所失過半其弊可知今若量折稅錢納斛斛既無賤糶粟米之費又無轉賣正段之勞利歸於人美歸於上則折糶之便豈不昭然錄是而論則配戶不如開場和糶不

如折糴亦甚明矣臣久處村閭曾爲和糴之戶親被
感迫寔不堪命臣近爲畿尉曾領和糴之司親自鞭
撻所不忍觀臣頃者嘗疏此人病聞於天聰疎遠賤
微無因上達今幸居禁職列在諫官苟有他聞猶合
諫獻况備諳此事深知此弊臣若緘默隱而不言不
惟上辜聖恩實亦下負夙願猶慮愚誠不至聖鑒未
廻卽望令左右可親信者一人潛問鄉園百姓和糴
之與折糴孰利而與孰害乎則知臣言不敢苟耳或
陛下以勅命已行難於移改以臣愚懇則又不然夫
聖人之舉事也唯務使人唯求利物若損益相半則
不必遷移若利害相懸則事須追改不獨於此其他
亦然

十月二十三日御史臺奏今後如有所在閉糴者長
吏必加貶降本判官錄事參軍並停見任書下考仍
勒所在州縣各於版榜寫錄此條懸示百姓每道委
觀察判官每州府委錄事參軍勾當逐月具不閉糴
事繇申臺從之

後唐莊宗同光三年閏十二月十九日勅今歲自京
已東水潦爲患物價騰踴人戶多於西京收糴斛斗
近聞京西諸道州府逐斗皆有稅錢遂不通行乃同

閉糶宜令各下京西諸道州府凡閉糶斛斗不得輒有稅率及經過水陸關坊鎮縣妄有邀詰

四年正月壬戌詔曰輦轂之中郊甸之內時物踊貴人戶饑窮訪聞自陝已西遐及邠鳳積年時熟百穀

價和縱未能別備於貢輸亦宜廣通於和糶近聞輒有稅索已曾降勅指揮尚恐關鎮阻滯行塗增長物

價仰所在長吏切如檢御以濟往來推救災卹患之心明奉國憂人之道又京圻之內自張全義制置已

數十年每聞開墾荒蕪勸課稼穡曾無歉歲甚有餘糧公私貯蓄及多收藏未肯出糶更俟厚價頗失衆

情宜令中書門下條流應在京及諸縣有貯斛斗並令減價出糶以濟公私如不遵行卽仰聞奏別具檢

括仍委河南府切詳勅命處分
明宗天成二年八月乙酉中書舍人張文寶上言今

歲時雨不愆秋苗倍熟應大熟處望下勅收糶以備歉歲

末帝清泰元年七月詔鳳州禁糶出外界
晉高祖天福二年十一月大理少卿路阮上言臣聞

却敵者兵強兵者食兵不强無以驅除禍亂食不足無以贍濟國家方今海內未平寰中多事制叛則必

攻必討壯國在足食足兵臣伏見天下諸州府舊穀尚賤新穀又登既漸豐饒例難糶貨臣請國家每隆大計須作預防時當小稔之年可設無窮之備伏請取天下州府錢帛數逐年支計外委逐處長吏於津要處差清白官收糶粟一色別厥積貯以備荒年若在豐穰之日未見優長如逢饑饉之時方明利濟疏奏不納時輦下養兵數廣於前衣食又倍之猶是合諸藩上供不足以充費間以畝稅並折徵縑帛食廩曾無兼年之蓄至廢帝嗣位大蝗起率百姓口食天下一空俄致戎人南收幸其國虛故也

周太祖廣順元年四月勅天災流行分野代有苟或閉糶豈是愛人宜令沿淮渡口鎮鋪不得止淮南人糶易

三年七月勅沿淮諸州點檢淮南人所糶糧食如是以驢騾為馱及人負擔即仰放過不得以舟車輦運過淮先是淮南大旱井泉涸竭太祖愍之命許博羅至是聞吳人收糶入官以備軍食遂詔止輦運淮

嘗平

夫歲有凶穰故穀有貴賤今有緩急則物有重輕始自列國李愷起平糶之法至於漢世壽昌建嘗平之

制裁之得宜馭之有道雖復天災流行水旱作沴而穀有嘗價民無饑色其後迫於羣議乃從中輟永平之歲遵用舊典而糴益賤廩庾充積旣而罷焉晉氏之後南北更主或建置有初或評論靡決名稱之際因革或殊經制之方損益小異汔于隋室復有義倉社倉之名唐祚延久條式咸著朱梁五代干戈未息揚雄奏議亦頗及之原其立法之意誠以均節貨幣之高下防虞稼穡之豐歉調盈虛而御國用謹聚散而濟民命管子所謂多則賤寡則貴散則輕聚則重真得治財之術哉夫爲邦者不可以不務也

漢宣帝五鳳中大司農中丞耿壽昌奏言故事歲漕關東穀四百萬斛以給京師用卒六萬人宜糴三輔弘農河東上黨太原郡穀足供京師可以省漕足過半帝從之壽昌遂白令邊郡皆平倉以穀賤時增其價而糴以利農穀貴時減價而糴名曰嘗平倉以給北邊民便之帝廼下詔賜壽昌爵關內侯元帝卽位天下大水關東尤甚二年齊地饑民多餓死諸儒多言嘗平倉可罷帝從其議

後漢明帝卽位天下安寧民無橫徭歲比登稔永平五年作嘗滿倉立粟市於城東粟斛直錢三十府廩

還積一云永平十一年明帝欲置常平倉公卿議者多以為便屯騎校尉劉般對以嘗平倉外有利民之名而內實侵刻百姓豪右因緣為奸小民不能得其平置之不便帝乃止

晉武帝泰始四年立嘗平倉豐則糴儉則賣以利百姓

咸寧二年起太倉於城東嘗平倉於東西市宋沈曇慶為右丞時歲有水旱曇慶議立嘗平倉以救民急太祖納其言而事不行

南齊永明中天下米穀布帛賤武帝欲置嘗平倉市積為備六年下詔兼尚書右丞李珪之等參議出上庫錢五千萬於京師市米買絲綿綾絹布揚州出錢

千九百一十萬南徐州三百萬各於郡所市糴南豫

州二百萬市絲綿綾絹布米菽麥江州五百萬市米

胡麻荊州五百萬郢州三百萬皆市絹布米大小豆

大胡麻荊州米兼粳粟湖州二百萬市米布臘司州

二百五十萬西豫州二百五十萬南兖州二百五十

萬雍州五百萬皆市絹綿布米南兖州兼大麥大豆

使臺傳並於所在市易

後魏孝文太和十二年詔羣臣求安民之術有司上

言請折州郡嘗調九分之二京都度支歲用之餘各

立官司豐年糴貯於倉時儉則加私之一糴之於民

如此民必相力田以買絹積財以取官粟年登則嘗積歲歉則直給帝覽而善之尋施行焉自此公私豐贍雖時有水旱不爲患也

二十年十二月置嘗平倉

東魏孝靜天平中嘗調之外隨豐稔各處折絹糴粟以充國儲於本州緣河津濟皆官倉貯積以擬漕運自是之後倉廩之實雖有水旱凶饑之處皆仰開倉以振元元之衆

北齊武成河清三年定令諸州郡嘗別置富人倉初立之日准所領中下戶口數得支一年之糧逐當州穀價賤時斟量割當年義租充入穀貴下價糴之賤則還用所糴之物依價糴貯

後周太祖初爲魏相創制司倉掌辨九穀之物以量國用國用足蓄其餘以待凶荒不足則止餘用用足則以粟貸人春頒之秋斂之

隋開皇三年陝州置嘗平倉京師置常平監

五年五月詔置義倉時度支尚書長孫平見天下州縣多罹水旱百姓不給奏令民間每秋家出粟麥一石以下貧富爲差等儲之闔里以備凶年名曰義倉因上書曰臣聞國以民爲本民以食爲命勸農重穀

先王令軌古者三年耕而餘一年之積九年作而有三年之儲雖水旱為災而民無菜色皆繇勸導有方蓄積先備者也去年亢陽闕右饑餒陛下運山東之粟置嘗平之官開發倉廩普加賑賜大德鴻恩可謂至矣然經國之道義資遠算請勅諸州刺史縣令以勸農積穀為務帝深嘉納自是州里豐衍民賴焉云一
長孫平請令諸州百姓及軍人勸課當社共立義倉收穫之日隨其所得勸課出粟及麥於當社造倉窖貯之即委社司執帳簡會每年收積勿使損敗若時或不熟當社有饑饉者即以此穀調給
十五年以義倉貯在人間多有費損下詔曰本置義倉止防水旱百姓之徒不思久計輕爾費損於後乏

絕又北境諸州異於餘處雲朔夏綏靈鹽簡豐鄴涼并瓜等州所有義倉雜種並納本州若人有旱歉少糧先給雜種及遠年粟

十六年正月詔秦壘成康武文芳宥旭洮岷渭紀河廓幽隴涇寧原敷丹延綏銀扶等州社倉並於當縣安置

二年又詔社倉准上中下三等稅上戶不過一石中戶不過七斗下戶不過四斗
仁壽二年九月置嘗平官

唐高祖武德元年九月四日令州縣始置社倉

是年九月二十二日詔曰朕祇膺靈命撫字黎民方
緝隆平躋之仁壽田畝之賦一切蠲除錙銖之律悉
皆停斷是以特建農圃用督耕耘思俾齊民既庶且
富鐘庾之量異同水火宜置嘗平監官以均天下之
貨市肆騰踴則減價而出田畝豐羨則增價而收觸
類長之去甚去泰庶使公私俱濟家給人足仰止并
兼宣通擁滯

五年十二月廢嘗平監官

太宗貞觀二年四月制天下州縣並置義倉先是每
歲水旱皆以正倉出給無倉之處就食他州百姓流
移或致窮困左丞戴胄上言水旱凶災前聖之所不
免國無九年之儲蓄禮經之所明誠今喪亂以後戶
口凋殘每歲納租未實倉廩隨卽出給纔供當年若
有凶災將何賑恤故隋開皇立制天下之人節級輸
粟名爲社倉終於文皇得無饑饉及大業中年國用
不足並取社倉之物以充官費故至末途無以支給
請自王公以下爰及衆庶計所懇田稼穡頃畝每至
秋熟准其見苗以理勸課盡令出粟稻麥之鄉亦同
此稅各納所在爲立義倉若年穀不登百姓饑饉所
在州縣隨便取給太宗曰旣爲百姓預作儲貯官爲

舉掌以備凶年朕非所須橫生賦歛利民之事深是
可行宜下所司議立條制至是戶部尚書韓仲良奏
王公已下墾地畝納二升其粟麥稅稻之屬各依土
地貯之州縣以備凶年制可之自是倉儲衍溢億兆
賴焉

十三年十二月十四日詔於雒相幽徐齊并秦蒲等
州置嘗平倉

高宗永徽二年閏九月初六日勅義倉據地稅子實
是勞煩宜令衆戶出粟率上上戶五石餘各有差

六年八月京西二市初置嘗平倉 以大雨道路不通京師米貴

顯慶二年十二月三日京西嘗平倉置平署官員 自

宗以至高宗則天數十年間義倉不許雜用其後公私窮迫漸貸義倉支用自中宗神龍之後天下義倉費用殆盡

玄宗開元二年九月詔曰天下諸州今年稍熟穀價
全賤或慮傷農嘗平之法行自往古苟絕欺隱利益
實多宜令諸州加時價三兩錢糴不得抑歛仍交相
付領勿許懸欠蠶麥時熟穀米必貴即令減價出糴
豆等堪貯者熟亦宜准此以時出入務在利人江嶺
淮浙劔南地皆下濕不堪貯積不在此例其嘗平所
須錢物宜令所司支料奏聞並委長官專知改任日

迺相付受且以天災流行國家代有若無糧儲之備必致饑饉之憂縣令親人風俗所繫隨當處豐約勸課百姓未辦三載之糧且貯一年之食每家別爲倉窖非蠶忙農要之時勿許破用仍委刺史及按察使簡較覺察不得容其矯妄

四年五月勅曰天下百姓皆有正條正租州縣義倉本備饑年賑給若緣官事使用還以正倉却填近年已來每三年一度以百姓義倉造米遠送交納仍勒百姓私出脚錢卽并正租一年兩度打脚雇男鬻女折舍賣田力極計窮遂卽逃竄勢不獲已情實可矜自今已後更不得以義倉回造已上道者不在停限以後若不熟之少者任所司臨時具奏聽進止其脚並以官物充

六年三月詔曰德惟善政政在養人必將厚生阜俗利物弘義朕奉若天命副膺王業思一物失所以百姓爲心間者河北河南頗非善熟之人糧食固應乏少頃雖分遣使臣已領巡問猶慮鰥獨不能自存凡立義倉用爲歲備今舊穀向沒新麥未登蠶月務困田家作苦不有惠恤其何以安宜問彼困儲時令貸給况京坻轉積歲月滋壞因而變造爲利弘多將以

散滯收贏理財均施所司明作條件俾便公私
七年六月勅關內隴右河東河北五道及荆揚襄河
南夔綿益彭蜀資漢劍茂等州並置嘗平倉其本上
州三千貫中州二千貫下州一千貫每糴具本利與
正倉帳同申

十六年十月勅自今歲普熟穀價至賤必恐傷農加
錢收糴以實倉廩縱逢水旱不慮阻饑公私之間或
亦爲便宜令所在以嘗本錢及當處物各於價上量
加三錢百姓有糴平易者收糴事須兩和不得限數
配糴訖具所用錢物及所糴得物數具申所司仍令
上佐一人專勾當

二十九年制曰本制倉儲用防水旱朕每念黎庶嘗
憂匱乏承前有遭損之州皆待奏報然始賑給近年
亦分命使臣與州縣相知處置尚慮道路應遠徃復
淹滯以此恤人何救懸絕自今已後若有損處應須
賑給宜令州縣長官與採訪使勘會量事給訖奏聞
朕當重遣使臣宣尉按覆

天寶四載五月詔曰如聞今載收麥倍勝嘗歲稍至
豐賤卽慮傷農處置之間事資通濟宜令河南河北
諸郡長官取當處嘗平錢於時價外肆別加三五錢

量事收糴大麥貯掌其義倉亦宜准此仍委採訪使
勾當便勘覆具數一時錄奏諸道有糧儲少處各隨
土宜如堪貯積亦准此處分

六載三月二十二日太府少卿張瑄奏准四載五月
八日并五載三月十六日勅節文至貴時賤價出糴
賤時加價收糴若百姓未辦錢物者任准開元二十
八年七月九日勅量事除糴至粟麥熟時徵納臣使
司商量且糴舊糴新不同別用其餘糴者至納錢日
若粟麥雜種等時價甚賤恐更廻易艱辛請加價便
與折納

代宗廣德二年正月諸道轉運使專判度支戶部侍
郎第五琦奏天下諸州望置嘗平倉及庫使司商量
置本錢隨當處米物時價賤則加價收糴貴則減價
糴賣

德宗建中元年七月勅夫嘗平者嘗使穀價如一大
豐不爲之減大儉不爲之加雖遇災荒人無菜色自
今以後忽米價貴時宜量出官米十萬石麥十萬石
每日量付兩市行人下價糴貨

三年九月戶部侍郎趙贊上言曰伏以舊制置倉儲
粟名曰嘗平軍興已來此事浸廢因循未舉垂三十

年其間或因凶荒流散餒死相食者不可勝紀古者
平準之法使萬室之邑必有萬鐘之藏千室之邑必
有千鐘之藏春以奉耕夏以奉耘雖有大賈富家不
得豪奪吾人者蓋謂能行輕重之法也自陛下登極
來許京城兩市置嘗平官糴鹽米雖輕頻年少雨米
價不復騰貴此乃即日明驗實要推而廣之當軍興
之時與承平或異事須兼儲布帛以備時須臣今商
量請於兩郡并江陵成都揚汴蘇洪等州府各置嘗
平輕重本錢上至百萬貫下至十萬貫隨其所宜量
定多少唯貯斛斗足段絲麻等嘗候物貴則下價出
賣物賤則加價收糴權輕重以利疲人從之贊於是
條奏諸道津要都會之所皆置吏閱商人財貨計錢
每貫稅二十文天下所出竹木茶漆皆十一稅之以
充嘗平本時軍用稍廣嘗賦不足所稅亦隨得而盡
終不能爲嘗平

憲宗元和元年正月制歲時有豐歉穀價有重輕將
備水旱之虞在權聚歛之術應天下州府每年所稅
地子數內宜十分取二分均充嘗平倉及義倉仍各
逐穩便收貯以時糴糶務在救人賑貸所宜速須聞
奏

六年二月制如聞京畿之內舊穀已盡宿麥未登宜以嘗平義倉粟二十四萬石貸借百姓諸道州府有乏少糧種處亦委所在官長用嘗平義倉米借貸淮南浙西宣歙等道元和二年四月賑貸並宜停徵容至豐年然後填納
十三年正月戶部侍郎孟簡奏應天下州府嘗平義倉等斛斛請准舊例減估出糴但以名數奏申有司更不收管州縣得專達以利百姓從之

穆宗長慶二年十月詔江淮諸州旱損頗多所在米價不免踊貴宜委淮南浙西浙東宣歙江西福建等道觀察使各於本道有水旱處取嘗平義倉斛斛據時估減半價出糴以惠貧民

四年三月制曰義倉之制其來日久近歲所在盜用没入致使小有水旱生人坐委溝壑永言其弊職此之繇宜令諸州錄事叅軍專勾當苟爲長吏遺制卽許驛表上聞考滿之日戶部差官交割如有欠負與減一選如欠少者量加一選欠數過多戶部奏聞節級科處

文宗太和七年八月詔曰如聞今歲所在豐稔其義倉斛斛先有借用處委戶部勾當並須及時填足

八年九月詔淮江浙西等道仍歲水潦遺殿中侍御史任畹馳往慰勞以比年賑貸多爲奸吏所欺徒有其名惠不及下宜委所在長吏以軍州自貯官倉米減一半價出糴務及貧弱如無貯蓄處卽以嘗平義倉米糴田苗全損處全放其年青苗錢餘亦量議蠲減

九年二月中書門下奏嘗平義倉本虞水旱以時賑卹州府不詳文理或申省取裁或奏候進止自今已後應遭水旱處先據貧下戶及鰥寡憊獨不濟者便開倉准元勅作等第賑貸訖具數申報有司如或水旱尤甚米麥翔貴亦任准元年勅或減價出糴熟時糴填委諸道觀察使各下諸州重令知悉

三月制曰朕以寡德託於兆人之上雖兢兢業業思理不怠而政道多闕和氣用傷仍歲水旱黎人艱食爲之父母斯心鬱陶如聞魏博六州阻饑尤甚野無青草道殣相望及山南東道陳許鄆曹濮淮南浙西等道皆困於饑疫慮乏鐘餉其魏博宜賜粟五萬石山南東道陳許鄆曹濮等三道各賜糙米二萬石充賑給委度支逐便遣淮南浙西兩道委長吏以嘗平義倉粟賑賜應諸道有饑疫處軍糧積蓄之外其屬

度支戶部雜穀並令減價出糶以濟貧人其有宰牧
非才貪殘爲害及承前積弊須有條流或寃獄留滯
速宜疎決者並委觀察使糾察詳訪具狀聞奏用弭
天青以副朕焦勞之慮

開成元年八月戶部奏應諸州府所置嘗平義倉伏
請起今後通公私田畝別納粟一升逐年添貯義倉
歛之至輕事必通濟歲月稍久自致充盈縱逢水旱
之災永絕流亡之慮勅從之

十一月陳許觀察使杜棕奏陳許蔡三州嘗平義倉
斛斗除元數外當使添置粟一十萬石分貯三州以
備水旱

十二月鹽鐵轉運使奏據江淮留後盧錮以江淮諸
州人將阻饑請於來年運米數內量留收貯至春夏
百姓饑乏之際減價出糶收其直待熟償之無損于
官有利于人帝嘉之詔留嘗運米三十萬石

宣宗以會昌六年卽位五月赦節文嘗平義倉斛斗
已出百姓太和中又於嘗數外每畝配率一升稱防
災沴其所徵嘗平義倉正數都無商量如聞此色在
諸州縣皆兩徵已困之人何堪重斂自今已後宜停
徵太和中每畝率配之數仍令所在長吏分明曉示

以絕奸欺

大中六年四月戶部奏天下州府收管嘗平義倉斛
斗今日已後如諸道應遭災荒水旱便委長吏清強
官審勘如實是水旱處便任開倉先貧下不濟戶給
貸訖具數分析申奏并報臣本司切不得妄給與富
豪人戶其所使斛斗仍仰錄事參軍至當年秋熟後
專勾當據數追收填納不令違欠如州府無水旱妄
有給使又不及時填貯其錄事參軍本判官重加殿
罰其長吏具銜奏聽進止所冀得濟疲民兼免欠闕
從之

後唐明宗天成二年六月中書舍人張文寶請復嘗
平倉

四年九月左補闕張昭遠奏切見今秋物價絕賤百
姓隨地畝細配錢物名目多般皆賤糴供輸極傷農
業既未能減放貯請加估折納斛斗稍便於民又國
朝已來備凶年之法州府置嘗平倉饑歲以賑貧民
請於天下最豐熟處折納斛斗以倉貯之依嘗平法
出納則國家嘗有粟而民不匱也疏奏不報

長興元年五月右司郎中盧導奏請置嘗平義倉以
備凶歲

漢隱帝乾祐二年太子詹事曹名昇上言國以民為本民以食為天時或水旱為災蟲蝗害稼既無九年之畜寧救萬姓之饑天災流行古今代有而前代縱逢災歉免至流亡蓋以分災恤民素有儲備臣請依古法置嘗平倉請於天下京都州府租賦五斛斗上每斗別納一升別倉貯積若凶災之處出貨貧民豐年即納本數庶幾生聚永洽綏懷

冊府元龜

冊府元龜

巡按福建監察御史臣李嗣京訂正

知閩縣事臣曹鼎臣參閱

知建陽縣事臣黃國琦較釋

邦計部 二十一

屯田

夫千里餽糧士有饑色樵蘇後爨師不宿飽屯田之利繇是興矣自漢武創制置吏卒五六萬人充國上狀條便宜十有二事新莽偽政則立田禾將軍東漢永平亦命宜禾都尉魏晉而下無代無之是皆因成

營田因田積穀兼兵民之力省飛輓之勞比夫負海轉輸率三十鍾而致一石者其利豈不博哉然而輪臺之耕龜茲日來迫吾國車師之墾匈奴日必爭此地或攻擾田疇或蕩搖邊戍募民敢徙徒垂空言調吏而行復致胥怨若乃任峻為典農之官所在積粟鄧艾著濟河之論資食有儲斯皆不越中區近在宇下厥功易就人靡告勞故魏氏之致富饒晉人之能尅敵者用此道也

漢武帝太初末貳師將軍李廣利伐大宛之後西域震懼多遣使來貢獻漢使西域者益得職謂得拜於

是自燉煌西至鹽澤徃徃起亭而輪臺渠犁皆有田卒數百人置使者較尉領護言統領保護營田之事以給外國

使者謂收其所種五穀以供之及匈奴昆邪王降後度河自朔方以西至今居今音零徃徃通渠置田官吏卒五六萬人

稍蠶食地接匈奴以北其地相接不絕是時軍旅連出師行

十二年海內虛耗征和中貳師將軍李廣利以軍降匈奴帝既悔遠征伐而搜粟都尉桑弘羊與丞相御史奏言故輪臺東捷枝渠犁皆故國地廣饒水草有溉田五千頃以上處温和田美可益通溝渠種五穀與中國同時熟其旁國少錐刀貴黃金綵繒可以易

穀食宜給足不可乏

言以錐刀及黃金綵繒與此旁國易穀食可以給田卒不憂乏

糧臣愚以為可遣屯田卒詣故輪臺以東置校尉三人分護各舉圖地形通利溝渠務使以時益種五穀

張掖酒泉遣騎假司馬斥候屬較尉事有便宜因騎

置以聞騎置今之驛馬也田一歲有積穀募民壯健有累重

敢徙者詣田所累謂妻子家屬就畜積為本業畜讀日蓄益墾漑

田稍築列亭連城而西以威西國輔烏孫為使臣謹

遣徵事臣昌分部行邊嚴勅太守都尉明燧火選士

馬謹斥候蓄芟草願陛下遣使使西國以安其意臣

昧死請帝乃下詔深陳既往之悔不復出軍

昭帝即位初用桑弘羊前議以杆彌太子賴丹為校

尉將軍田輪臺與渠犁地皆相連龜茲貴人姑翼龜茲

讀曰丘慈謂其王曰賴丹本臣屬吾國今佩漢印綬來迫

吾國而田必為害王即殺賴丹而上書謝漢

始元二年八月調故吏將屯田張掖郡調調發也故吏前為官職

者令其部率習射戰士于張掖為屯田也

元鳳四年平樂監傅介子既殺樓蘭王漢乃立尉屠

耆為王尉屠耆樓蘭王弟先為質於漢更名其國為鄯善王自請天

子曰身在漢久今歸單弱而前王有子在恐為所殺

國中有伊循城其地肥美願漢遣一將屯田積穀令

臣得依其威重於是漢遣司馬一人吏士四十人田

伊循以填撫之

填音竹
刃切

其後更置都尉

宣帝地節二年詔遣侍郎鄭吉及校尉司馬熹

許吏切

將免刑罪人田渠犁積穀欲以攻車師至秋收穀吉

熹發城郭諸國兵萬餘人自與所將田士千五百人

共擊車師攻交河城破之王尚在其北石城中未得

會軍食盡吉等且罷兵歸田渠犁收秋畢復發兵攻

車師王輕騎奔烏孫吉即迎其妻子置渠犁車師東

奏事至酒泉有詔還田渠犁及車師益積穀以安西

國侵匈奴吉始使吏卒三百人別田車師得降者言

單于大臣皆曰車師地肥美近匈奴使漢得之多田

積穀必害人國不可不爭也果遣騎來擊田者吉迺

與校尉盡將渠犁田士千五百人往田匈奴復益遣

騎來漢田卒少不能當保車師城中匈奴將即其城

下謂吉曰單于必爭此地不可田也圍城數日迺解

後嘗數千騎往來守車師去渠犁千餘里間以山河

北近匈奴漢兵在渠犁者孰能相救願益田卒公卿

議以為道遠煩費可且罷車師田者詔遣長羅侯

嘗惠

也將張掖酒泉騎出車師北千餘里楊威武車師旁

胡騎引兵去迺得出歸渠犁凡三校尉屯田

匈奴傳云宣帝

時西域共擊匈奴取車師國匈奴收其餘東不敢居故地而漢益遣屯士分田車師地以實之

其後匈奴遣左右奧鞬各六千騎與音郁鞬音居言切與左人將再

擊漢之田車師城者不能下

神爵三年日逐王畔單于將眾來降護鄯善以西使

者鄭吉迎之既至漢封日逐王為歸德侯使吉并護

北道故號都護都護之起自吉置也匈奴益弱不得近西域于

是徙屯田于北胥鞬地枝莎車之地也屯田校

尉始屬都護都護治烏孫壘城去陽關二千七百三

十八里與渠犁田官相近土地肥饒于西域為中都

護治焉

趙充國為後將軍討叛羌度其必壞欲罷騎兵屯田

以待其弊上奏曰臣聞兵者所以明德除害也故舉

得於外則福生於內不可不慎臣所將吏士馬牛食

月用糧穀十九萬九千六百三十斛鹽千六百九十

三斛芟橐二十五萬二百八十六石芟乾芻也橐禾稗也石百二十

斤難久不解繇役不息又恐它夷卒有不虞之變卒讀

倅曰相因並起為明主憂誠非素定廟勝之策且羌虜

易以計破難用兵碎也故臣愚心以為擊之不便計

度臨羌東至浩疊羌虜故田及公田民所未墾可二

千頃以上其間郵亭多壞敗者臣前部士入山伐材

刊行定龜 邦計部 卷之五十三 五

本大小六萬餘枝皆在水次願罷騎兵留池刑應募

及淮陽汝南步兵與吏私從者合凡萬二百八十一

人用穀月二萬七千三百六十三斛鹽二百八斛分

屯要害處冰解漕下繕鄉亭浚溝渠繕補也浚深治也治湟

陝以西道橋七十所令可至鮮水左右田事出賦人

二十晦田事出謂至春人出營田也賦謂班與之也晦古敵字也至四月草生發

羣騎及屬國胡騎伉健各千倅馬什二就草倅副也什二者

千騎則與副馬二百匹也伉音口浪切為田者游兵以充入金城郡蓋

積畜省大費畜讀日器今大司農所轉穀至者足支萬人

一歲食謹上田處及罷用簿唯陛下裁許帝報曰皇

帝問後將軍言欲罷騎兵萬人留田即如將軍之計

虜當何時伏誅兵當何時得決熟計其便復奏充國

上狀曰臣聞帝王之兵以全取勝是以貴謀而賤戰

戰而百勝非善之善者也故先為不可勝以待敵之

可勝蠻夷習俗雖殊於禮義之國然其欲避害就利

愛親戚畏死亡一也今虜亡其美地薦草薦稠草愁於

寄託遠遯骨肉心離人有畔志而明主般師罷兵般音

班還也萬人留田順天時因地利以待可勝之虜雖未

即伏辜兵決可朞月而望羗虜瓦解前後降者萬七

百餘人及受言去者凡七十輩此坐支解羗虜之具

册府元龜 邦計部 卷之五百三十一 六

也臣謹條不出兵畱田便宜十二事步兵九校吏士萬人畱屯以為武備因田致穀威德並行一也又因排折羗虜令不得歸肥饒之墜古地貧破其眾以成

羗虜相畔之漸二也居民得並田作不失農業三也

軍馬一月之食度支田士一歲罷騎兵以省大費四

也至春省甲士卒循河湟漕穀至臨羗以賑羗虜亦

示揚威武傳世折衝之具五也以閑暇時下所伐材

日閑繕治郵亭充入金城六也兵出乘危徼幸不出

令反畔之虜竄於風寒之地離霜露疾疫瘰墮之患

離遭也墮謂因寒疾而墮指者也坐得必勝之道七也亡經阻遠追

死傷之害八也內不損威武之重外不令虜得乘間

之執丸也又亡驚動河南大开小开皆羗種在河南也使

生它變之憂十也治湟陜中道橋令可至鮮水以制

西域信威千里信讀從枕席上過師十一也橋成軍行安易

若於枕席上過也大費既省錄役豫息以戒不虞十二也畱

屯田得十二便出兵失十二利臣充國材下犬馬齒

衰不識長冊唯明詔博詳公卿議臣採擇帝復賜報

曰皇帝問後將軍言十二便聞之虜雖未伏誅兵決

可期月而望期月而望者謂今冬邪謂何時也將軍

獨不計虜聞兵頗罷且丁壯相聚攻擾田者及道上

計部

屯兵復殺畧人民將何以止之又大开小开前言曰
我告漢軍先零所在兵不往擊久留得亡按五年時
不分別人而并擊我 此謂本始五年伐先零不分別
大小开本意是以大小开有此

言也其意嘗恐今兵不出得亡變生與先零為一將軍

孰計復奏克國奏曰臣聞兵以計為本故多算勝少

算先零羗精兵今餘不過七八千人大地遠客分散

饑凍罕开莫須又頗暴畧其羸弱畜產畔還者不絕

皆聞天子明令相捕斬之賞臣愚以為虜破壞可日

月與遠在來春故曰兵决可期月而望竊見北邊自

燉煌至遼東萬一千五百餘里乘塞列隧有吏卒數

千人虜數大衆攻之而不能害今留步士萬人屯田

地執平易多高山遠望之便部曲相保為塹壘木樵

樵與譙同謂為高樓以望敵也按聯不絕 此按謂用木自相貫穿以

耳也周禮按人掌王馬之政六廐成按蓋用闕成闕

養馬也說文解字云按木因也亦謂以木相貫遮闌

禽獸也便兵弩飭鬪具燹火幸通執及并力以逸待勞

兵之利者也臣愚以為屯田內有亡費之利外有守

禦之備騎兵雖罷虜見萬人留田為必禽之具其土

崩歸德宜不久矣從今盡三月虜馬羸瘦必不敢指

其妻子於它種中遠涉河山而來為寇又見屯田之

士精兵萬人終不敢復將其累重還歸故地 累重謂
妻子也

累音力瑞切 重音直用切是臣之愚計所以度虜且必瓦解其處

不戰而自破之策也至于虜小寇盜時殺人民其原

未可卒禁臣聞戰不必勝不苟接刃攻不必取不苟

勞衆誠令兵出雖不能滅先零豈能令虜絕不爲小

寇曹讀曰但則出兵可也卽今同是而釋坐勝之道從乘

危之執往終不見利空內自罷敝罷讀曰疲 敝與弊同貶重而

自損非所以視蠻夷也又大兵一出還不可復留湟

中亦未可空如是繇役復更發也且匈奴不可不備

烏桓不可不憂今久轉運煩費傾我不虞之用以澹

一隅澹古瞻字 贍給也臣愚以爲不便按尉臨衆幸得承威

德奉厚幣拊循衆羌諭以明詔宜皆鄉風鄉讀曰嚮雖其

前辭嘗曰得亡按五年宜亡它心不足以故出兵臣

竊自惟念奉詔出塞引軍遠擊窮天子之精兵散車

甲於山野雖亡尺寸之功媮得避嫌之便媮苟且也 嫌亦嫌字

而亡後咎餘責此人臣不忠之利非明主社稷之福

也臣幸得奮精兵討不義久留天誅罪當萬死陛下

寬仁未忍加誅令臣數得熟計愚臣伏計熟甚不敢

避斧鉞之誅昧死陳愚惟陛下省察克國奏每上輒

下公卿議臣初是克國計者什三中什五最後什八

有詔詰前言不便者皆頓首服丞相魏相曰臣愚不

習兵事利害後將軍數畫軍冊其言嘗是臣任其計
 可必用也帝於是報充國曰皇帝問後將軍上書言
 羗虜可勝之道今聽將軍將軍計善其上留屯田及
 當罷者人馬數將軍強食慎兵事自愛帝以破羗強
 弩將軍數言當擊又用充國屯田處離散恐虜犯之
 於是兩從其計詔兩將軍與中郎將功出擊強弩出
 降四千餘人破羗斬首二千級中郎將功斬首降者
 亦二千餘級而充國所降復得五千餘人詔罷兵獨
 充國留屯田

元帝時置戊巳校尉屯田車師前王庭

戊巳中央鎮
覆四方又開

渠播種以為職故稱戊巳
時車師有前王後王國也

王莽遣尚書大夫趙並使勞北邊還言五原北假膏

壤殖穀

北假地名也膏壤言
其土肥美也殖生也

為田禾將軍發戍卒屯田北假以助軍

後漢光武建武五年馬援家屬隨隗囂質子恂歸雒

陽居數月而無它職任授以三輔地曠土沃而所將

賓客猥多乃上書求屯田上林中帝許之

六年討虜將軍王霸屯田新安

時太中大夫張純
將兵屯田南陽

七年詔驃騎大將軍杜茂引兵北屯田晉陽廣武以

備胡寇

廣武縣名
屬太原郡

明帝永平十六年北征匈奴取伊吾盧地今伊州置宜禾都尉以屯田遂通西域于闐諸國
章帝建初二年復罷屯田伊吾盧

順帝永建元年復朔方西河上郡既而激河浚渠為屯田省內郡費歲一億計遂令安定北地上郡及隴西金城嘗儲穀粟令周數年內右扶風韓皓代馬賢為校尉明年犀苦詣皓自言求歸故地皓復不遣因轉湟中屯田置兩河間以逼羣羌皓後坐徵張掖太守馬續代為校尉兩河間羌以屯田近之恐必見圖乃解仇詛盟各自警備續欲先示恩信乃上移屯田

還湟中羌意乃安

六年以伊吾盧膏腴之地傍近西域匈奴資之以為鈔暴復令開設屯田如永元時事置伊吾司馬一人陽嘉元年以湟中地廣更增置屯田五部復為十部復置玄菟郡屯田六部

靈帝中平中傅燮為漢陽太守廣開屯田列置四十餘營

魏太祖初興值董卓之亂百姓流離穀石至五十餘萬人多相食既破黃巾欲經畧四方而苦軍食不足羽林監頴川棗祗及韓浩建置屯田議太祖乃下令

曰自遭荒亂率乏糧穀諸軍並起無終歲之計饑則
 寇畧飽則棄餘瓦解流離無敵自破者不可勝數袁
 紹之在河北軍人仰食桑椹表術在江淮取給蒲羸
 民人相食州里蕭條公曰夫定國之術在於強兵足
 食秦人以急農兼天下孝武以屯田定四域此先代
 之良式也是以騎都尉任峻為典農中郎將乃募民
 屯田許下得穀百萬斛於是開置芍陂屯田芍音鵠
 州郡列置田官淮南郡吏倉慈為綬集都尉數年中所在積穀倉
 廩皆滿官渡之戰軍國之饒起於棗祗而成於任峻
 時太祖欲廣置屯田以司空掾國淵典其事淵屢陳
 損益相土處民計民置吏明功課之法五年中倉廩
 豐實百姓競勸樂業

劉馥為鎮北將軍都督河北諸軍事脩廣戾渠陵大
 堰水溉灌薊南北三更種稻邊民利之

梁習為并州刺史摠故部曲於上黨取大材供鄴宮
 室習表置屯田都尉二人領客六百夫於道次耕種
 菽粟以給人牛之費

齊王正始中司馬宣王秉政奏穿廣漕渠引河入汴
 溉東南諸陂始大佃於淮北初宣王欲廣田畜穀為
 滅吳之資乃使鄧艾行陳項東至壽春艾以為田良

水少不足盡地利宜開河渠引水澆溉以通漕運之道乃著濟河論以喻其指又以為昔破黃巾因為屯田積穀許都以制四方今三隅已定事在淮南每大軍征舉運兵過半功費巨億以為大役陳蔡之間上下田糧可省許昌左右諸稻田并水東下令淮北二萬人淮南三萬人分休且田且守水豐嘗收三倍於西計除衆費歲完五百萬斛以為軍資六七年間可積三千萬斛於淮上此則十萬之衆五年食也以此乘敵無不克矣宣王善之皆如艾計施行復以減賊之要在於積穀乃大興屯守廣開淮陽百尺二渠又

脩諸陂於潁之南北萬餘頃自是淮北倉庾相望壽陽至於京師農官屯兵連屬焉

蜀後主建興中諸葛亮為丞相出師侵魏據五丈原每患糧不繼使已志不申是以分兵屯田為久駐之基耕者雜於渭濱居民之間而百姓安堵

吳大帝赤烏中新都都尉陳表吳郡都尉顧承各率所領都人會佃毗陵男女各數萬口

晉安平王孚魏明帝時為度支尚書以關中連遭賊寇穀帛不足遣冀州農丁五千屯於上邽秋冬習戰陣春夏脩田桑繇是關中軍國有餘待賊有備矣

扶風王駿武帝初爲鎮西將軍都督雍梁等州勸督農桑與士卒分役已及僚佐并將帥兵士等人限田十畝具以表聞詔遣普下州縣使各務農事

羊祜爲都督荊州諸軍事率營兵出鎮南夏時吳石城守去襄陽七百餘里每爲邊害祜患之竟以詭計令吳罷守於是戍邏減半分以墾田八百餘頃大獲其利祜之始至也軍無百日之糧及至季年有十年之積

束皙大康中爲張華司空賊曹屬時欲廣農哲上議曰伏見詔書以倉廩不實關右饑窮欲大興田農以蕃嘉穀此誠有虞戒大禹盡力之謂然農穰可致所繇者三一曰天時不讐二曰地利無失三曰人力咸用若必春無霖霖之潤秋繁滂沱之患水旱失中雩穰有請雖使羲和平秩后稷親農理疆畛於原隰勤薦藜於中田猶不足以致倉庾盈億之積也然地利可以計生人力可以課致詔書之旨亦將欲盡此理乎今天下千城人多游食廢業占空無田課之實較計九州數過萬計可申嚴此防令監司精察一人失課負及郡縣此人力之可致也又司州十郡土狹人繁三魏尤甚而猪羊馬牧布其境內宜悉破廢以供

無業業少之人雖頗割徙在者猶多田多苑牧不樂
曠野貪在人間故謂北土不宜畜牧此誠不然案古
今之語以爲馬之所生實生冀北大賈牂羊取之清
渤放豕之歌起於鉅鹿是其效也可悉徙諸牧以充
其地使馬牛猪羊齒草於空虛之田游食之人受業
於賦給之賜此地利之可致者也昔騅馭在垆史克
所以頌魯僖却馬務田老氏所以稱有道豈利之所
以會哉又如汲郡之吳澤良田數千頃貯水停滲人
不墾植聞其國人皆謂通泄之功不足爲難瀉鹵成
原其利甚重而豪强大族惜其魚捕之饒構說官長
終於不破此亦谷口之謠載在史篇謂宜復下郡縣
以詳當今之計荆揚兗豫汙泥之土渠塢之宜必多
此類最是不待天時而豐年可獲者也以其雲雨生
於畚重多稔生於決泄不必望朝隰而潢潦臻崇山
川而霖雨息是故兩周爭東西之流史起惜漳渠之
浸明地利之重也宜詔四州刺史使謹案以聞又昔
魏氏徙三郡人在陽平頓丘界今者繁盛合五六千
家二郡田地逼狹謂可徙還西州以充邊土賜其十
年之復以慰重遷之情一舉兩得外實內寬增廣窮
人之業以闢西郊之田此又農事之大益也

荀崧爲北中郎將徐州刺史監徐兗二州揚之晉陵
軍事北鎮淮陰屯田于東陽之石龜

殷浩爲中軍將軍北征許雒開江西鵲音劉田千餘頃

以爲軍儲

元帝爲晉王課督農功詔二千石長吏以入穀多少
爲殿最其非宿衛要任皆宜赴農使軍各自佃作卽
以爲廩

後趙石季龍謀伐昌黎使典農中郎將王典率衆萬
餘屯田于海濱自幽州東至白狼大興屯田

宋毛脩之爲冠軍將軍領南郡相高祖將伐羗先遣
脩之復芍陂起田數千頃

王弘爲會稽王司馬道子驃騎參軍主簿時農務頓
息末役繁興弘以爲宜建屯田陳之曰近面所諮立
屯田事已具簡聖懷南畝事興時不可失宜早督田
畷以要歲功而府資役單刻控引無所雖復厲以重
勸肅以嚴威適足令囹圄充積而無救於事實也伏
見南局諸冶募吏數百雖資以廩贍收入甚微愚謂
若廻以配農必功利百倍矣然軍器所須不可都廢
今欲畱銅官大冶都邑小冶各一所重其功課一一
准揚州求取亦當無乏餘者皆罷之以充東作之要

又欲二局田曹各立典軍募吏依治比例并聽取山
湖人此皆無損於私有益於公者也其中亦應疇量
分判番假及給廩多少自可一以委之本曹親局所
統必當練悉且近東曹板水曹參軍納之領此任其
人頗有幹能自足了其事耳頃年以來斯務弘廢田
蕪廩虛實亦繇此弘過蒙飾擢志輸短効豈可相與
寢默有懷弗聞耶至於當否尊自當裁以遠鑒若所
啓謬允者伏願便以時施行庶歲有務農之勤倉有
盈廩之實禮節之興可以垂拱待也

南齊桓崇祖爲豫州刺史平西將軍明帝使入關參
虜消息還勅崇祖曰卿視吾是守江東而已邪所少
者食卿但努力營田自然平殄殘醜遂勅崇祖脩治
芍陂田

祖冲之爲長水校尉領冗從僕射冲之造安邊論欲
開屯田廣農殖明帝建武中使冲之巡行四方興造
大業可以利百姓者會連有事竟不行

徐孝嗣建武末爲尚書令是時連年虜動軍國虛乏
孝嗣表立屯田曰有國急務兵食是同一夫輟耕於
事彌切故井陌疆里長轂成於周朝屯田廣置勝戈
富於漢室降此已還詳畧可見但求之自古爲論則

賒卽以當今宜有要術竊尋緣淮諸鎮皆取給京師
費引旣殷漕運艱澀聚糧待敵每苦不周利害之基
莫此爲急臣比訪之故老及經彼宰守淮南舊田觸
處極目陂澗不脩咸成茂草平原陸地彌望尤多今
邊備旣嚴戍卒增衆遠資餽運近廢良疇士多饑色
可爲嗟嘆愚欲使刺史二千石躬自履行隨地墾闢
精尋灌溉之源善商肥确之異州郡縣戍主帥已下
悉分番附農今水田雖晚方事菽麥二種益是北土
所宜彼人便之不減粳稻開創之利宜在及時所啓
允合請卽使至徐兗司豫爰及荆雍各當境規度勿
有所遺別立主曹專司其事田器耕牛臺詳所給歲
終言最明其刑賞此功克舉庶有弘益若緣邊足食
則江南自豐權其所饒畧不可計奏御見納時帝已
寢疾兵事未已竟不施行

梁陳慶之爲都督南北司豫諸軍事罷義陽鎮兵停
陸轉運江湖諸州並得休息開田六千頃二年之後
倉廩充實高祖每嘉賞之

夏侯夔爲豫州刺史時積歲寇戎人頗失業夔乃帥
軍人於蒼陵立堰溉田千餘頃歲收穀百餘萬石以
充儲備兼贍貧人境內賴之

裴邃爲竟陵太守開置屯田公私便之後又爲西戎
拔尉北梁秦二州刺史復開創屯田數千頃倉廩盈
實省息邊軍民人吏獲安

後魏東平公儀秦王翰之子道武命督屯田於河外
自五原至稠陽外務農稼大得人心

薛虎子爲開府徐州刺史時州鎮戍兵資絹自隨不
入公庫任其私用嘗苦饑寒虎子上表於孝文曰臣
聞金湯之固非粟不守韓白之勇非糧不戰故自用
兵已來莫不先積聚然後圖并兼者也今江左未賓
鯨鯢待戮若不委粟彭城以強豐沛則何以拓定江

關掃一銜霍竊惟在鎮之兵不減數萬資糧之絹人
十二疋卽日隨身用度無準未及代下不免饑寒論
之於公無毫釐之潤語其私則橫費不足非所謂納
民軌度公私相益也今徐州左右水陸壤沃清汴通
流足盈漑灌其中良田十萬餘頃若以兵絹市牛分
減戍卒計其牛數足得萬頭興力公田必當大獲粟
稻一歲之中且給官食半兵芸殖餘兵尚衆且耕且
守不妨捍邊一年之收過於十倍之絹暫時之耕充
於數年之食於後兵資唯須內庫五稔之後穀帛俱
溢匪直戍士有豐飽之資於國亦有吞敵之勢昔杜

預田宛葉以平吳克國耕西零以強漢臣雖識謝古
人任當邊守庶竭塵露有增山海孝文納之

范紹爲寧遠將軍義陽太守時朝廷有南討之計發
河北數州田兵二萬五千人通緣淮戍兵合五萬餘
人廣開屯田八座奏紹爲西道六州營田大使加步
兵校尉紹勤於勸課頻歲大獲

宋弁爲黃門郎隨車駕南討詔弁於豫州都督所部
及東荆潁鄴皆減戍士營農水陸兼作

杜纂爲積弩將軍旣平南陽又詣赭陽武陽二郡課
種公田隨供軍費

北齊斛律羨爲幽州道行臺僕射導高粱水北合易
京東會於潞因以灌田邊儲歲積轉漕用省公私獲
利焉

嵇暉孝昭皇建中爲平州刺史暉建議開幽州督亢
舊陂長城左右營屯歲收稻粟數十萬石北境得以
周贍又於河內置懷義等屯以給河南之費自是稍
止轉輸之勞

隋郭衍文帝開皇中爲朔中總管所部有嘗安鎮北
接蕃境嘗勞轉運衍乃選沃饒地置屯田歲剩粟萬
石民免轉輸之勞

趙仲卿爲朔州總管開皇三年突厥犯塞吐谷渾寇邊軍旅數起轉輸勞弊帝乃令仲卿於長城已北大興屯田以實塞下又於河西勒百姓立堡營田積穀京師置嘗平監

煬帝大業中劉權從征吐谷渾帝令權過曼頭赤水置河源郡積石鎮大開屯田畱鎮西境

唐高祖武德初竇靜爲并州大總管府長史時突厥爲邊患師旅歲與軍糧不屬靜上表請於太原多置屯田以省餽運議者以人物凋零不宜動衆書奏不省靜復上書辭甚切於是徵靜入朝與裴寂蕭瑀封

德彛等爭不能屈竟從靜議歲收數十萬斛高祖善之六年秦王又奏請益置屯田於并州界高祖從之竇軌爲益州道行臺左僕射擊臨洮羗破其部衆軌度羗胡終爲後患於松州置屯田以備後舉

太宗貞觀初張儉爲朔州刺史廣營屯田歲致數十萬斛邊糧益饒及遭喪儉勸百姓相贍遂免饑餒州境獨安

張公謹爲代州都督上表請屯田以省轉運

高宗顯慶中劉仁軌爲帶萬州刺史鎮守百濟於是漸營屯田積糧撫士以經畧高麗

則天天授初婁師德爲簡較豐州都督知營田事則天下書勞曰卿受委北垂總司軍任往還靈夏簡較屯田收粟既多京坻遽積不煩和糴之費無復輸運之艱兩軍及其鎮兵數年咸得支給勤勞之誠久而彌著覽以嘉尚忻悅良深長壽元年召拜夏官侍郎判尚書事明年拜鳳閣鸞臺平章事則天謂師德曰王師外鎮必藉邊境營田卿須不憚劬勞更充使簡較又爲河源積石懷遠等軍及河蘭鄯廓等州簡較營田大使

郭元振長安中爲京州都督隴右諸軍州大使元振令甘州刺史李漢通開置屯田盡其水陸之利舊涼州粟麥斛至數千及漢通牧率之後數年豐稔遂斛至數十錢積軍糧可支數十年

中宗時王峻爲桂州都督桂州舊有屯兵嘗運衡永等州糧以饋之峻始改築羅郭奏罷屯兵又堰江水開屯田數千頃百姓賴之

玄宗開元二十五年夏四月庚戌詔曰陳許豫壽等四州本開稻田將利百姓度其收穫甚役功庸何如分地均耕令人自種先所置屯田宜并定其地量給逃還及貧下百姓

代宗大曆五年詔諸州置屯田並停特畱華同澤等三州屯乃悉以度支之務委于宰臣

李承大曆末爲淮南淮西黜陟使奏於楚州置嘗豐堰以禦海潮屯田墾鹵歲收十倍至德宗初嚴郢爲京兆尹宰相楊炎不習邊事請於豐州屯田發關輔人開陵陽渠人頗苦之郢嘗從事朔方曉其利害乃具五城舊屯及募兵倉儲等數奏曰按舊屯沃饒之地今十不耕一若力可墾闢不俟浚渠其諸屯水利可種之田甚廣蓋功力不及因致荒廢今若發兩京關輔人於豐州浚渠營田徒擾兆庶必無其利臣不

敢遠引他事請以內園植稻明之且秦地膏腴田稱第一其內園丁皆京兆人於當處營田月一替其易可見然每人月給錢八千糧食在外內園使猶僦募不占奏令府司集事計一丁歲當錢九十六千米七斛二斗計所僦丁三百每歲合給錢二萬八千八百貫米二千一百六十斛不知歲終收穫幾何臣計所得不補所費况二千餘里發人出塞屯田一歲方替其糧穀從太原轉餉運直至多又每人須給錢六十三千米七斛二斗私出資費數又倍之據所收必不登本而關輔之人不免流散是虛畿甸而無益軍儲

與天寶已前屯田事殊臣雖至愚不敢不熟計惟當省察疏奏不報郢又上奏曰伏以五城舊屯其數至廣臣前已挾名聞奏訖其五城軍士若以今日所運開渠之糧貸諸城官田至冬輸之又以所送開渠功直布帛先給田者至冬令據時估輸穀如此卽闢輔免於徵發五城豐厚力農闢田比之浚渠十倍之利也時炎方用事郢議不省卒開陵陽渠而竟棄之

劉怱爲雄武軍使廣屯田節用以辦理稱

李元諒貞元中爲隴右節度於涇州及良原收軍田粟數萬石初將刈獲涇原節度劉昌遣兵數千屯於潘原以禦蕃寇自是邊軍頗有積儲

李復爲義成軍節度使請於白馬衛南置屯田數百畝以資軍食時人悅之

孟元陽起於陳許軍中理戎整肅勤公事善部署曲環之爲節度使元陽爲大將環使董作於西華屯元陽盛夏芒屨立稻田中須役者退而後就舍故其田無歲不稔軍中足食

憲宗元和三年六月以東都防禦使舊苑內營田六百五十頃至六年令河南府收管營種歲終具所得聞奏其營田兵罷之

穆宗以元和十五年正月卽位二月詔諸道除邊軍營田處其軍糧旣取正稅米分給其所管田自爲軍中費用不合取百姓營田并以墾地廻換百姓肥濃地其軍中如要營田任取食糧健卒而不得輒妄招召

敬宗長慶四年七月靈武節度使奏於特進渠新置營田六百頃

寶曆元年楊元卿爲滄景節度使詔以所置屯田有裨國用命兼充當道營田使是冬元卿上言營田收粟二十萬斛請什度支充軍糧

崔弘禮爲河陽節度使上言於秦渠下闢荒田三百頃歲收粟二萬斛從寶曆二年減去度支所給數文宗太和中殷侑爲滄齊德等州觀察使上言當管河北兩州百姓耕牛見管戶一萬三千六百九十四除老弱單獨外其間大半力堪營種去年緣無耕牛百姓掘草根充糧一年虛過饑餓相繼轉死道路臣去年躬親勸責酌量人力於一萬三千戶內每戶請牛一具支絹綾五疋計三萬疋餘二千戶不得牛營田不敢不奏詔曰滄州營田已有次第耕牛欠數頗有奏論方及春農實資濟恤宜更賜綾絹一萬疋其

來年將士糧米便勒本道自供

六年二月戶部尚書判度支王起奏靈武邠寧田土寬廣又復肥濃悉堪種蒔承前但逐年旋支錢收糴悉無貯積與本道計會立營田從之

七年四月以宣武軍先置營田別加田卒至是勅罷其卒計所停糧五萬七千餘斛節度使楊元卿奏請於營田頃畝之內加稅小麥三萬九千餘斛以代給其糧而畱其卒詔許之

開成元年三月戊午度支奏請停京西營田

武宗會昌六年五月赦節文靈武天德三城封部之內皆有良田緣無居人久絕耕種自今已後天下囚徒合處死刑憤非巨蠹者特許生全并家口配流此三道仍令本軍鎮各收管安存兼接借農具務使耕植

宣宗大中三年八月勅曰原州威州秦州武州並六關訪聞土地肥饒水草豐美如有百姓要墾闢耕種五年內不加稅賦五年後量定戶籍便爲永業其京城有犯事合流役囚徒從今後一切配十處收管者十處者謂原州秦州威州武州驛藏關石門關木峽關六盤關制勝關石峽關

後唐莊宗同光三年三月西京奏制置三白渠起置營田務一十一

明宗天成二年八月戶部員外郎知詔誥于嶠上言請邊上兵士起置營田數趙克國諸葛亮之術庶令且戰且耕望致輕徭

十二月左司郎中盧損上言以今歲南征運糧糜費唐鄧復郢地利膏腴請以下軍官健興置營田庶減民役以備軍行

長興元年七月前洋州節度副使程义徽陳利見請於瀛莫兩州界起置營田以備邊因授义徽莫州刺史充兩州營田使

晉張希崇爲靈州兩使留後先是州界與戎人交處每歲以戍兵運糧經五百里有剽攘之患希崇及開故屯田諭邊士使播種軍食大濟壘書褒之因正授戎節

冊府元龜

冊府元龜

巡按福建監察御史臣李嗣京 訂正

知閩縣事 臣曹鼎臣參閱

知建陽縣事 臣黃國琦較釋

邦計部 二十二

權酤 關市 絲帛

權酤

周官萍氏之職掌幾酒謹酒之事蓋所以察其過多
失時而使民節用也漢初或歲之不登人至艱食慮
其糜穀乃申禁止天漢之年爰建權法官設酤釀籠

冊府元龜

巡按福建監察御史臣李嗣京 訂正

知閩縣事 臣曹鼎臣 參閱

知建陽縣事 臣黃國琦 較釋

刑部 二十二

權酷 關市 絲帛

權酷

周官萍氏之職掌幾酒謹酒之事蓋所以察其過多失時而使民節用也漢初或歲之不登人至艱食慮其糜穀乃申禁止天漢之年爰建權法官設酷釀籠

取其利其後郡國舉士議以當罷公車上書稱其非便布在方策論之詳矣若乃稽古立政因時創制災沴薦作寶穀而貴農游惰尚衆懲奸而革弊於是頒一切之法崇務本之道斯可矣至於析秋毫之心計峻金科之刑典茲固異夫成周設官之旨也

漢景帝中三年夏旱禁酷酒

後元年夏令民得酷酒

武帝天漢三年二月初權酒酷 權音較以木渡水曰權謂禁民酷釀獨官

開直如道路設木為權獨取其利也權者步渡橋兩雅謂之石杠今之畧杓是也禁開其事總利入官而下無繇以得有若渡水之權因立名焉酷音工獲切杓音酌

昭帝元始六年二月詔有司問郡國所舉賢良文學

民所疾苦議罷鹽鐵權酷七月罷權酷官令民得以

律占租 律請當上租者家長身各以其物占占不以實家長不身自書皆罰金二斤沒入所不自

占物及買錢縣官也占謂自隱度其實定其辭也占音章贍切下文言占各數其義並同今猶謂獄訟之辨曰占皆其意也蓋武帝時賦歛繁多律外而取今始復舊 賣酒升四錢時桑弘

牟為御史大夫與丞相田千秋共奏罷酒酷

元帝時賈捐之上書言文帝時人賦四十丁男二年

而一事至武帝民賦數百造鹽鐵酒權之利以佐用

度猶不能足而人困矣

王莽時羲和魯匡言酒酷獨未幹 幹謂主領也 酒者天之

美祿帝王所以願養天下饗祀祈福扶衰養疾百禮

之會非酒不行故詩曰無酒酤我

小雅伐木之詩也酤買也言王於族

人恩厚要在燕飲無酒則買而飲之

而論語曰酤酒不食二者非相反

也夫詩據承平之世酒酤在官和旨使人可以相御

也

旨是美也御是進也

論語孔子嘗周衰醜酒酤在民薄惡不

誠是以疑而弗食今絕天下之酒則無以行禮相養

放而亡限則費財傷民請法古今官作酒以二千五

百石為一均率開一盧以賣

盧者賣酒之區也以其一邊高形如鍛家盧故

取各

讎五十釀為準一釀用麴米二斛麴一斛得成

酒六斛六斗各以其市月朔米麴三斛并計其賣而

參分之

參三也

以其一為酒一斛之平除米麴本賈計

其利而什分之以其七入官其三及糟醎灰炭

醎酢漿也

給工器薪樵之費義和置命士督五均六幹郡有數

人皆用富賈雒陽薛子仲張長叔督臨菑姓偉等

姓姓

名偉也

乘傳求利交錯天下因與郡縣通姦多張空簿

簿計簿也

府藏不實百姓愈病莽知民苦之復下詔曰夫

鹽食肴之將

將大也一說為食肴之將帥

酒百藥之長嘉會之好

鐵田農之本名山大澤饒衍之藏五均賒貸百姓所

取平印以給贍鐵布銅冶通行有無備民用也此六

者非編戶齊民所能家作

家謂家家自作也

必印於市雖貴

數倍不得不買豪民富賈卽要貧弱先聖知其然也
故幹之每一幹爲設科條防禁犯者辜至死奸吏猾
民並侵衆庶各不安生

後漢和帝永元十六年二月詔兖豫徐冀四州比年
雨多傷稼禁酤酒

順帝漢安二年十月禁酤酒

桓帝永興二年九月丁卯詔以水旱禁郡國不得賣
酒祠祀裁足

魏國初建時科禁酒

蜀先主時以天旱禁酒釀者有刑

晉孝武帝太元八年十二月庚午以寇難初平開酒
禁

安帝隆安五年以歲饑禁酒

義熙三年二月巳丑大赦除酒禁

後趙石勒以百姓始復業資儲未豐於是重制禁釀
郊祀宗廟皆以釀酒行之數年無復釀者

宋文帝元嘉十二年六月禁酒

二十年正月乙亥南徐南豫州揚州之浙江江西並
禁酒

二十二年九月乙未開酒禁

南齊武帝永明十一年五月詔曰水旱成災穀稼傷
弊凡三調衆逋可同申至秋登京師二縣朱方姑熟
可權斷酒

陳文帝天嘉二年十二月甲申太子中庶子虞荔御
史中丞孔奐以國用不足奏立煮海鹽傳及權酷之
科詔並施行

後魏文成太安四年正月丙午始設酒禁是時年穀
屢登士民多因酒致醜訟或議王政惡其若此故一
切禁之釀酤皆斬之

獻文卽位開酒禁吉凶賓規則禁有日

東魏孝靜帝天平四年閏九月禁京師酤酒

元象元年四月開酒禁

北齊武成帝河清四年二月以年穀不登禁酤酒

後主天統五年十月壬戌詔禁造酒

武平六年閏八月辛巳開酒禁

隋文帝開皇三年以周末之弊官置酒坊至是罷酒
坊與百姓共之

唐高祖武德二年閏二月詔曰酒醪之用表節制於
歡娛芻豢之滋致肥甘于豐衍然而沉湎之輩絕業
亡資惰窳之民騁嗜奔慾方今烽燧尚警兵革未寧

年數不登市肆騰踊趨末者衆浮冗尚多肴羞麴蘖重增其費救弊之術要在權宜關內諸州官民具斷屠酷

高宗咸亨元年七月庚戌粟麥貴斷五熟雜食酷酒
玄宗先天二年十一月禁京城酷酒歲饑故也

肅宗乾元元年三月詔曰爲政之本期於節用今農工在務廩食未優如聞京城之中酒價尤貴但以麴蘖之費有損國儲游惰之徒益資廢業其京城內沽酒卽宜禁斷麥熟之後任依嘗式

二年十月禁沽酒除光祿供進祭祀及宴蕃客外一

切禁斷

代宗寶應二年三月以秦陵乾陵發引詔禁酷酒
廣德二年十二月詔天下州縣各量定酷酒戶隨月納稅除此之外不問官私一切禁斷

德宗以大曆十四年五月卽位七月罷天下權酒
建中三年閏正月初權酒天下悉令官釀斛收直一
千米雖賤不得減二千委州縣綜領醕薄私釀罪有
差以京師王者都特免其權貞元二年十二月度支
請於京城及畿縣行權酒之法每斗權一百五十其
酒戶並蠲免差役從之

憲宗元和二年正月制酤酒及雜權率並同禁斷
六年六月京兆府奏權酒錢除出正酒戶外一切隨
兩稅青苗錢據貫均率從之

十四年七月湖州刺史李應奏先是官酤代百姓納
權歲月既久為弊滋深伏望許令百姓自取酤登舊
額仍許入兩稅隨貫均出依舊例折納輕貸送上都
許之 權酒錢舊皆隨兩稅徵眾戶自貞元已來有土
者競為進奉故上言百姓困弊輸納不克請置
官坊酤酒以代之既得請則嚴設酒法閭閻之人舉
手觸禁而官收厚利以濟其私為害日久矣及李應
奏罷議者謂宰臣能因湖州之
請推為天下之法則其弊革矣

穆宗以元和十五年正月即位閏正月浙西觀察使
竇易直奏當道舊例官酤酒代百姓納權去年湖州
刺史李應奏請罷當州官酤代百姓納權庶戎鎮易
為安撫疲人免輸權利勅曰不酤官酒有益疲人管
內六州皆合一例宜並准湖州勅處分議者是李應
而非易直

長慶元年正月制權酒錢有已分配百姓處又置酒
店官酤并諸色權率切宜禁斷
三年王仲舒出為江西觀察奏罷犯權酒之罪以官
錢三萬貫代貧戶輸稅

文宗太和四年七月湖南觀察使韋詞奏前使王公

亮奏請權麴收其贏利將代上供臣到州察訪自停加配閭里稍安人戶逃者亦漸歸復但藏挾頗易挂陷頗多兼當州土宜少有麴麥州司遠處求糴般運甚難伏請却停權麴任商旅將至當州州司准權酒元勅及洪州鄂州流例於州縣津市官酤以代人戶配額可之

五年正月江西觀察使裴誼奏當道從太和元年觀察使李憲以軍用不足奏請禁百姓造酒官中自酤吏緣爲奸酒味薄惡老病生產盡不堪任公開俸門私謗盈路臣叨膺重寄合務使人請停官酤任自醞造臣請諸色方圓節儉與使軍用濟使人無怨咨可之

六月誼又奏洪州每年合送省權酒錢五萬貫文舊例百姓醞造其錢依前例隨百姓兩稅貫頭均納當管洪州停官店酤酒其錢已據數均配訖並不加配業戶從之

八年二月詔京邑之內本無權酤屬貞元用兵之後費用稍廣始定店戶等第令其納權况萬方所聚私釀至多禁令旣不可施權利自無所入徒立課額殊非惠人其長安萬年兩縣見徵權酒錢一萬五千一

十貫八百文若先欠者並宜放免其權酒錢起今亦宜停

武宗會昌六年九月勅揚州等八道州府置權麴并置官店酤酒代百姓納權酒錢并充資助軍用各有權許限揚州陳許江州襄州河東五處權麴浙西浙東鄂岳三處置官酤酒如聞禁止私酤過聞嚴酷一人違犯連累數家閭里之間不免咨怨宜從今以後如有私酤酒及買私麴者但許罪止一身并所由容縱任據罪處分鄉井之內如不知情並不得追擾其所犯之人任用重典兼不得沒入家產

梁太祖開平三年十一月勅許諸道州府百姓自造麴官中不禁

後唐明宗天成三年七月詔曰應三京鄴都諸道州府鄉村人戶自今年七月後於夏鼫田苗上每畝納麴錢五文足陌一任百姓自造私麴醞酒供家其錢隨夏秋徵納其京都及諸道州府縣鎮坊界內應逐年買官麴酒戶便許自造麴醞酒貨賣仍取天成二年正月至年終逐戶計算都買麴錢數內十分只納二分以充權酒錢便從今年七月後管數徵納權酒戶外其餘諸色人亦許私造酒麴供家卽不得裏私

賣酒如有固違便仰糾察勒依中等酒戶納權其坊
一任酷賣不在納權之限其麴勅命到後任便踏造
如賣麴酒戶中有去年曾賣麴今年因事不辨買麴
住開店者則與出落如覩新勅有情願開店投權者
則不計舊戶便令依見納錢中等戶例出權以後酒
戶中有無力開店賣酒亦許隨處陳狀其舊納麴錢
並宜停廢應諸處麴務據見管麴亦仰十分減八分
價錢出賣不得更請官木踏造

時孔循以麴法殺一家於雒陽或獻此議

以爲愛其人便於國故行之

長興元年二月赦書節文諸道州府人戶每秋苗一

畝上元徵麴錢五文今後特放二文只徵三文

二年五月詔曰酒醴所重麴藥是先頃緣賣價太高
禁條頗峻士庶因斯而抵犯刑名錄是以滋彰爰行
改革之文庶息煩苛之政各隨苗畝量定稅錢訪聞
數年已來雖犯法者稀而傷民則甚蓋以亂離日久
貧下戶多纔過昇平且勤稼穡各務耕田鑿井孰能
枕麴藉糟旣隨例以均攤遂抱虛而輸納漸成凋弊
深可憫傷况欲致豐財必除時病有利之事方切施
行無名之求尤宜廢罷但得日新之理何辭久改之
嫌應三京諸道州府苗畝上所徵麴錢等便從今年

夏並放其麴官中自造委逐州減舊價一半於在城
撲斷貨賣除在城居人不得私造外鄉村人戶或要
供家一任私造勅下之日人甚悅之

是年七月三司奏諸道州府申論先有勅命許百姓
造麴不來官場收買伏慮課額不追請准已前麴法
百姓與在城條法一例指揮從之仍據百姓已造到
麴令送納入官量支還麥本

周太祖廣順元年九月詔改麴法凡犯五斤已上者
處死先是漢法不計斤兩多少並處極刑至是始量
之

周世宗顯德四年七月詔曰諸道州府麴務今後一
依往例官中禁法賣麴逐處先置都務候勅到日並
仰停罷據見在麴數依時踏造候人戶將價錢據數
給麴不得賒賣抑配與人應鄉村人戶今後並許自
造米醋及買糟造醋供食仍許於本州縣界就精美
處酤賣其酒麴法條依舊施行先是自晉漢已來諸
道州府皆權計麴額置都務以酤酒民間酒醋例皆
醕薄世宗知其弊故令改法

關市

周禮司關掌國貨之節神農爲市致天下之人故出

入有征交易而退將俾人知禁而物有平也自漢興已還國用斯廣故察其過所謹其貨財譏訶偽遊以重其明禁增加賦算以給乎有司斯亦因時有為以助經費者也自茲厥後蓋無改焉

周文王治岐關市譏而不征開以譏察非嘗不征稅也

齊桓公踐位十九年施關市之征正賦五十而取一其

貨財五十一之一

漢文帝十年三月除關無用傳

景帝四年春復置諸關用傳出入

孝武元光六年初算商車

元狩四年冬初算緡錢先是公卿言商賈滋衆貧民

蓄積無有皆仰縣官異時算輶車賈人之緡皆錢有

差小請算如故緡絲也用以買錢每貫千錢出二十為算也諸賈人末作

貫貸買賣居邑貯積諸物貫賒也貨假與也及商以取利者

雖無市籍各以其物自占占之贍切占隱度也各隱度其財物多少而為各簿

送之於官率緡錢二千而算一計其有二千錢則出算一諸作有租乃

鑄以子力所作率緡錢四千而算一非吏比者三老

北邊騎士輶車一算此例也身非為吏之例非為三老非為北邊騎士而有輶車皆

令出一算商賈人輶車二算船五丈以上一算匿不自占

占不悉戍邊一歲沒入緡錢有能告者以其半畀之

有不輸稅令人得告以半與之也

太初四年徙弘農都尉治武關稅出入者以給關吏

卒食

漢書地理志弘農郡有故丞秦函谷關上黨郡有上黨關壺口關石研關天井關牂牁郡有牂牁關

蒲關進桑關巴郡魚復有江關都尉治燉煌郡有陽關玉門關代郡有五原關蒼梧郡有離水關荔平關

合浦郡有合浦關

天漢二年冬十一月詔關都尉曰今豪傑多遠交依

東方羣盜其謹察出入者

舊制入關皆用傳傳法因裂繻帛分半後復出合之

以為符信買符也郭丹從宛人陳兆買入關符既入關封符乞人也

後漢章帝元和二年冬十一月壬辰日南至初閉關

梁

易曰先王以至日閉關商旅不行又後漢書志河南有函谷關左右絕岸十丈中容車有轅轅關有

銅關弘農郡有潼關河南有武牢關中山有馬鞍關堂關陽安關南陽有武關

魏文帝初嗣魏王位下令曰關津所以通商旅設禁

重稅非所以便民其輕關津之稅皆復什一

晉元帝自過江凡貨賣奴婢馬牛田宅有文券率錢

一萬輪估四百入官賣者三百買者一百無文券者

隨物所堪亦百分收四名為散估又都西有石頭津

東有方山津各置津主一人直水五人以檢察禁物

及亡叛者其荻炭魚薪之類小津者並十分稅一以

入官其東路無禁貨故方山津檢察甚簡淮水北有

六市百餘所小市十餘所大市備置官司稅歛既重

時甚苦之

孝武寧康元年詔除丹陽竹格等四枿稅

晉書地理志河南郡

有函谷關成臯關鄂阪關弘農有函谷舊關上維有曉關汲郡有銅關武昌郡有益口關

宋孝武帝大明八年詔曰東境去歲不稔宜廣商貨

遠近販鬻來者可停道中雜稅其以仗自防悉勿禁

顧憲之字士思後廢帝元徽中為東中郎長史行會

稽郡事時齊武帝於餘姚立邸頗縱恣憲之至郡除

之西陵戍主杜元懿以吳興歲儉會稽年登商旅往

來倍歲西陵牛埭稅官格日三千五百元懿加至一

倍計年長百萬浦陽南北津及柳浦四埭乞為官領

櫛一年格外長四百許萬武帝以示會稽郡使陳得

失憲之議曰尋始立牛埭之意非苟通儲以納稅也

當以風濤迅險人力不捷屢致膠溺濟急以利物耳

既公私是樂故輸直無怨京師航渡即其例也而後

之監領各務已功互生理外或禁遏別道或空稅江

行或撲船倍價或力周而猶責凡如此類不經埭煩

牛者上詳被報蒙停格外十條從來喧訴始得暫弭

案吳興頻歲失稔今茲尤饑去乏從豐良繇饑棘或

徵貸買粒還拯親累或提携老弱陳力餽口埭司責

稅依俗弗降舊格新減尚未議登格外加倍將以何

術皇慈恤隱振廩蠲調而元懿幸災權利重增困瘼人而不仁古今共疾且比見加格置市者前後相屬非唯新加無贏並皆舊格有關愚恐元懿今啓亦當不殊若事不副言懼貽譴詰便百方侵苦爲公賈怨元懿稟性苛刻已彰往効任以物土譬以狼將羊其所欲舉腹心亦當獸而冠耳書云與其有聚斂之臣寧有盜臣言盜公爲損益徵歛民所害乃大也然掌斯任者應廉簡平則無害於人愚又以便宜者蓋謂使公宜於人也竊見頃之言便宜者非能於人力之亦用天分地者也率皆卽日不宜於人方來便於公

名與實反有乖政體見如此等誠宜深察山陰一縣課戶二萬其入貲不滿三千者殆將居半刻又刻之猶且三分餘一凡有貲者多是士人復除其貧極者悉皆露戶役民三五屬官蓋惟分定百端輸調又則嘗然比衆局簡較首尾尋續橫相質累者亦復不少一人被攝十人相追一緒裁萌千藥互起蠶事施而農業廢賤取庸而貴舉責應公瞻私口不暇給欲無爲非其可得乎死且不憚矧伊刑罰身且不愛何況妻子是以前檢未窮後巧復滋禁網徒峻猶不能悛竊尋人之多僞寔繇宋季軍旅繁興役賦殷重不堪

勤劇倚巧祈優積習生嘗遂迷忘反四海之大庶黎
 之衆心用參差難卒澄一化宜以漸不可疾責誠存
 不擾藏疾納滂務詳寬簡則稍自歸淳又被簡符前
 後年月久遠其事不存符旨既嚴不敢聞信縣簡送
 郡郡簡呈使殊形詭狀千變萬源聞者忽不經懷見
 者寔足傷駭兼親屬里伍流離道路時轉寒涸事方
 未已其士人婦女彌難厝衷不簡則疑其有巧欲復
 未知所安愚謂此條宜委縣簡保舉其綱領畧其毛
 目囊漏不出貯中庶嬰疾沉痾者重荷生造之恩又
 永興與諸暨雁唐寓寇擾公私之殘燼彌復特甚儻
 逢水旱寔不易思俗諺云會稽打鼓送恤吳興步擔
 令史會稽舊稱沃壤今猶若此吳興本是塔上事在
 可知因循餘弊誠宜改張武帝並從之錄是深以方
 直見知

後魏孝明孝昌三年閏十一月稅市出入者各一錢
 店舍爲五等前廢帝初卽位詔稅市及稅監之官悉
 廢之

北齊後主武平六年以軍國資用不足稅關市舟車

山澤鹽鐵店肆重輕各有差時黃門侍郎顏之推奏請開府鄧顥贊成之後

主大悅於是以其所入以供御府聲色之費軍國之用不在此

後周閔帝元年初除市門稅

宣帝大象二年復稅入市者人一錢

隋高祖初爲周相除入市之稅

唐太宗武德九年八月甲子卽位是月壬申詔曰遠至邇安昔王令典通財鬻貨生民嘗業關梁之設襟要斯在義止懲奸無取苛暴近代拘刻禁禦滋彰因山川之重阻聚珍奇而不出遂使商旅寢廢行李稽留上失博厚之恩下蓄無聊之怨非所以綏安百姓懷輯萬方化洽升平克隆至治者也朕君臨區宇情深覆育率土之內靡隔幽遐使公私往來道路無壅賒實交易中外匪殊思改前弊以諧民俗其潼關以東緣河諸關悉宜停廢其金銀綾等新物依格不得出關者並不須禁

高宗顯慶二年十二月十九日雒州置北市隸太府寺並不須禁雒州南面北面各置關
武后天授二年七月九日勅其雍州已西安置潼關卽宜廢省

三年四月十六日神都置西市尋廢

長安元年十一月二十八日廢京中市

二年二月有司表請稅關市鳳閣舍人崔融深以爲

不可上疏諫曰伏見有司稅關而事條不限工商但
是行旅盡稅者曰臣謹案周禮九賦其七曰關市之
賦竊惟而縱繁雜巧通末遊欲令此徒止抑所以減
增稅賦臣謹商度今古料量家國竊將爲不可稅謹
條事跡如左伏惟聖旨擇焉往古之時醇樸未散公
田籍而不稅關防護而不征中代已來澆風驟進彘
麻疲弊稼穡辛勤於是各徇通財爭趨作巧求徑捷
之欲速忘歲計之無餘遂使田萊日荒倉廩不積蠶
織休廢弊緼闕如饑寒猥臻亂離斯瘼先王懲其若
此所以稅關者也唯歛出入之商賈不稅往來之行
人今若不論商人通取諸色事不師古法乃任情悠
悠末代於何瞻仰濟濟盛朝自取嗤笑雖欲憲章姬
典乃是違背周官臣知其不可一也臣謹按易繫辭
稱庖羲氏沒神農氏作以日中爲市致天下之人聚
天下之貨交易而退各得其所班志亦云財者帝王
聚人守位養成羣生奉順天德理國安人之本有士
農工商四人有業學以居位曰士闢土殖穀曰農作
巧成器曰工通財鬻貨曰商聖王量能授事四人陳
力受職然則四人各業久矣今復安得動而搖之蕭
何又云人情一定不復動搖傳又云曹參相齊國安

集大稱賢相參去屬其後相曰以齊獄市爲寄慎勿擾也後相曰理無大於此者乎參曰不然夫獄市所以并容也今君擾之姦人安所容乎吾是以先之夫獄市兼受善惡若窮之姦人無所容竄久且爲亂秦人極刑而天下叛以道化其本不欲擾其末臣知其不可二也四海之廣九州之雜關必據險路市必憑要津若乃富商大賈豪宗惡少輕死重氣結黨連羣暗鳴則彎弓睚眦則挺劍小有失意且猶如此一旦變法定是相驚乘茲困窮或致騷動便恐南走越北走胡非唯流逆齊人亦是攬擾殊俗人如邊徼之地

寇賊爲隣與胡之旅歲月相繼儻因科賦致有猜疑一從散亡何以制禁求利雖切爲害方深而有司上言不識大體徒欲益帑藏助軍國殊不知軍國益擾帑藏逾空臣知其不可者三也孟軻有云古之爲關也將以禦暴今之爲關者將以爲暴今行者皆稅來者同流且如天下諸津舟航所聚旁通巴漢前指閩越七澤十藪三江五湖控引河雒兼包淮海弘舸巨艦千舳萬艘交貨往還昧旦永日今若江津河口致鋪納稅稅則簡覆覆則遲留此津纔過彼鋪復止非唯國家稅錢更遭主司僦賄船有大小載有多少量

物而稅觸途淹久統論一日之中未過十分之一因此擁滯必致吁嗟一朝失利則萬商費業萬高費業則人不聊生其間或有輕取任俠之徒斬龍刺蛟之黨鄱陽暴虐之客楚中悍壯之夫居則藏鏹出便踈劍加之以重稅因之以威脅一旦獸窮則搏鳥窮則攫執事者復何以安之哉臣知其不可者四也五帝之初不可詳已三王之後厥有著聞秦漢相承典章大敝至如關氏之稅史籍有文秦政以雄圖武力捨之而不用也漢武以霸畧英才去之而勿取也何則關爲禦暴之所市爲聚人之地稅市則人散稅關則

暴興暴興則起異圖人散則懷不軌夫人心莫不背善而樂禍易動而難安一市不安則天下之市搖矣一關不安則天下之關動矣况澆風久扇變法爲難徒欲禁末遊規小利豈知失玄默亂大倫魏晉眇小齊隋齷齪亦所不行斯道存也臣知其不可五也今之所稅關市者何也豈不以國用不足邊寇爲虞一行斯術與有殷瞻然微臣敢借前箸以籌之伏惟陛下當聖期御玄籙與天地合其德日月合其明役使衆靈宰制羣動沉璧于維刻石于嵩鑄寶鼎以窮姦坐明堂而布政頌聲洋溢和氣網緼三皇不足四五

帝不足六神化廣洽至德潛通東夷覲驚應時平殄南蠻纒動計日歸降西域五十餘國廣輪一萬餘里城堡清夷亭候靜謐以爲患者唯有二蕃今吐蕃請命邊事不起卽日雖尚屯兵久後終成弛析獨存默啜假息孤恩惡貫禍盈覆亡不暇征役日已省矣繁費日已稀矣然猶下明制遵太僕愛人力惜人財王侯舊封妃主新禮所有支料咸令減削此陛下以躬率人堯舜之用心也且關中河北水旱數年諸處逃亡今始安輯儻加重稅或慮相驚况承平歲積薄賦日久俗荷深恩人知自樂卒有變法必多生怨生怨則驚擾驚擾則不安中旣不安外何能禦文王曰帝王富其人霸王富其地理國若不足亂國若有餘古人有言王者藏於天下諸侯藏於百姓農夫藏於庾商賈藏於篋惟陛下許之必若師興有費國儲多窘卽請倍算商客加斂平人如此則國保富強人免憂懼天下幸甚臣知其不可者六也陛下留神繫表屬想政源冒茲炎熾早朝晏坐一日二日機務不遺先天後天靈心密應時之得失小臣何知率陳瞽詞伏祇惶惕疏奏帝納之遂寢其事

四年十一月又留神都西市

中宗景龍元年十一月勅諸非州縣之所不得置市其市嘗以午時擊鼓三百下而衆大會日入前七刻擊鉦三百下散其州縣領務少處不欲設鉦鼓聽之車駕行幸處卽於頓側立市差三官人權簡較市事是月又勅兩京市諸行自有正鋪者不得於鋪前更造偏鋪名聽用尋嘗一椽偏廂諸行以濫物交易者沒官諸在市及人衆中相驚動令擾亂者杖八十

玄宗開元十三年六月二十三日又廢其口馬移入

北市

二十年勅曰綾羅絹布雜貨交易皆通用如聞市肆必消見錢深非道理自今已後與錢貨兼用不遵者准法罪之

天寶八載十月五日西京廣遠營置西市華清宮置北市

肅宗乾元元年八月勅大散關宜依舊令鳳翔府收管

代宗寶應元年九月勅駱谷荆襄子午等路往來行客所將隨身器仗等今日已後除郎官御史諸州部統進奉事官任將器仗隨身自餘私客等皆須過所上具所將器仗色目然後放過如過所上不具所將

罷仗色目數者一切於守堤處勒留

大曆八年七月勅京城內諸坊市門至秋成後宜令

所錄勾當修補

十四年七月令王公百官及天下長吏無得與人爭

利先於揚州置邸肆貿易者罷之先是諸道節度觀

察使以廣陵當南北大衝百貨所集多以軍儲買販

別置邸肆名託軍用實私其利焉至是乃絕

德宗建中元年九月戶部侍郎趙贊條奏諸道津要

都會之所皆置吏閱商人財貨計錢每千稅二十文

二年五月以軍興十一而稅商

興元元年春正月癸酉德宗在奉天行在宮受朝賀

畢大機改元制曰其所加墊陌錢稅間架竹木茶漆

權鐵之類悉宜停罷

貞元二十一年二月赦文應緣官市並出正文帖依

時儻買賣不得侵擾百姓貞元以後京都多中官市

文告口含勅命皆以鹽估不中衣服絹帛雜紅紫之

物倍高其估尺寸裂以酬價謂之精供富商皆匿名

深居陳列坊閑唯麤厲苦旅市後又強驅入禁中傾

車蓋輦而去色少不井歐至血流者中人之出雖沽

漿賣餅之家無不徹擔塞門以伺其去蒼頭女奴輕

車各馬惴惴衢巷得免捕為幸京師之人嗟愁叫關

前後皆人也
憲宗元和九年五月豐州奏中受降城與靈州城接

界請置關從之

敬宗寶曆二年七月義成軍節度使李聽奏請於潁州置場稅商旅以贍軍從之

十月京兆尹劉栖楚奏術者數之妙苟利於時必以救患伏以前度甚雨閉門得晴臣請今後每陰雨五日卽令坊市閉北門以禳諸陰晴三日便令盡開門使啓閉有嘗永爲定式從之

文宗太和五年十月辛未戶部侍郎庾敬休奏劔南東川西川山南西道每年稅及陌除錢等伏以劔南道稅茶舊例委度支巡院勾當榷稅當司於上都召

商人便換太和元年戶部侍郎崔元畧與西川節度使商量取其穩便遂奏請稅茶事使司自勾當每年出錢四萬貫送省近年以來都不依元奏拜二道諸色錢物州府多逗遛不送皆不稟奉今請取江西例勾當於歸州置巡院所自勾當收管諸色錢物送省所與免有懸欠仍令巡官李瀆專往與德裕遵古量商制置續具聞奏從之

開成二年夏五月武寧軍節度使薛元賞奏泗口稅場先是一物貨稅今請停去雜稅唯留稅茶一色以助供軍詔曰惠人須在於必誠革弊宜圖於去本又

留茶稅惠則未終宜悉罷之每年特以度支戶部錢二萬貫賜供本軍及充驛料先是王智興逐帥自立故朝廷姑息之因請致稅於泗口以贍軍用往來過爲寇掠後之節帥多利其利不革前弊至是除元賞上於閣內遣令條奏及詔下往來之人遂絕怨咨武宗以開成五年正月卽位十二月勅京夜市宜令禁斷

會昌元年七月勅如聞十六宅置宮市已來稍苦於百姓成弊旣久須有改移自今已後所出市一物已上宜並依三宮置市不得令損刻百姓

宣宗大中五年八月勅中縣戶滿三千已上置市令一人史二人不滿三千戶已上者並不得置市官治要路須置舊來交易繁者聽依三千戶法置仍申省諸縣在州郭下並置市官

六年正月鹽鐵轉運使兵部侍郎裴休奏諸道節度使觀宗使置店停止茶商每斤收錫地錢并稅經過商人頗乖法理今請釐革橫稅以通舟船商旅旣安課利自厚

三月隴州防禦使薛逵奏伏奉正月二十六日詔旨令臣移禁故關訖聞奏者伏以汧源西境切在故關

昔有隄防殊無制置僻在重崗之上苟務高深今移
 要會之中實堪控扼舊絕泉井遠汲河流今則臨水
 挾山當川限谷危墻深塹充揚營壘之勢伏乞改為
 定戎關關吏鈐轄往來臣當界又有南路亦是要衝
 舊有水關亦請准前扼捉去正月二十七日起工今
 月十七日畢謹畫圖進上勅旨薛達新置關城得其
 要害形於圖畫願凡公忠宜依所奏

七年七月二十日廢州縣市印

梁太祖開平元年七月勅宜以關東為內仍以潼關

隸陝州初置河潼軍使命是月又改武牢關為虎牢

關仍置虎牢軍使

後唐莊宗同光二年二月庚午租庸使孔謙奏諸道
 綱運商旅多於私路苟免商稅不繇官路往來宜令
 所在關防嚴加捉搦山谷私由道路仍須郭塞以戢
 行人

三年八月戊寅免湖南陽地茶稅沿路稅錢

明宗天成元年四月詔曰省司及諸府置稅茶場院
 自湖南至京六七處納稅以至商旅不通及州使置
 雜稅務交下煩碎宜定合稅物色名目商旅即許收
 稅不得邀難百姓諸道鹽務破脚價極多獲少須有

條流以成規制又詔諸州雜稅宜定合稅物色名目不得邀難商旅租庸司先將係省錢物與人迴圖宜令盡底收納以塞倖門

四年七月兵部員外郎趙燕奏切見京城人買賣莊宅官中印契每貫抽稅契錢二十文其市牙人每貫收錢一百文甚苦貧民請行條理從之

長興元年正月許州奏准詔放過淮南客二百三十人通商也

九月燕人梁庭投匭陳狀云天下商稅處多不繇舊時關市制度以此倍擾農商亦請減除奸弊勅旨並許施行

二年八月勅應三京諸道州府商稅等多不係屬州府皆是省司差置場官朕自受命開基勵精布政將推誠而感物每屈已以從人况於列侯尤所注意豈可山河重寄並在藩方關市徵租獨歸省務加以所置職掌素處幽微向闔闔以肆威與王公而抗禮蓋已徃從權之事豈將來經久之規特議改更貴除繁屑自今已後諸商稅並委逐處州府撲斷依省司常年定額勾當辨集異除生事之端不爽豐財之理

晉高祖天福元年閏十一月壬午勅關防凡有征稅

省司曾降條流慮多時而或有隱藏因肆赦而再須條貫應諸道商稅仰逐處將省司合收稅條件文榜於本院前分明張懸不得收卷榜內該稅名目分數者卽得收稅如榜內元不該稅着係稅物色卽不得收稅宜令所在長吏嘗加覺察如敢有違條流不將文榜張懸將不合係稅物色收稅罔欺官法停住商賈者盡行具名申送

七年十一月宣旨下三司應有往來鹽貨悉稅之過稅每斤七文住稅每斤一十文其諸道州府應有屬州鹽務並令省司差人勾當旣而糴鹽雖多而人戶鹽錢又不放免至今民甚苦之

漢高祖乾祐元年詔曰軍國之費務在豐財關市之征資於行旅所宜優假俾遂流應天下商旅往來所在並須饒借不得妄有邀勒

隱帝乾祐二年國子司業樊倫上言三事其一耕桑未至國多游民關市之中稅物苛細請稍減省以惠疲民百姓賣物不多所歷關市並望除稅

三年六月太嘗少卿劉悅上言臣伏見買賣耕牛官中元無商稅近日關市場院不稟勅文悉是收稅歲計其利所入無多在於農民卽疲於市易請重降勅

文明行止絕勸人耕稼國之大計倉廩有積何莫由
斯太祖廣順元年十二月甲寅相州李筠乞除放黃
澤關商稅課利從之

二年十一月鄆州言奉詔已示諭商稅院不收絲麻
鞵等稅

三年正月澶州言於商稅舊額上添長錢二千八百
貫麴務添七千貫從今年三月一日納起詔褒之

三月詔曰青白池務素有定規祇是近年頗乖循守
比來青鹽一石抽稅錢八百文足陌鹽一斗白鹽一

石抽錢五百文鹽五升其後青鹽一石抽錢一千鹽

一斗訪聞改法已來不便商旅蕃人漢戶求利艱難

宜與優饒庶令存濟今後每有青鹽一石依舊抽稅

錢八百文以八十五爲陌鹽一斗白鹽一石抽稅錢

五百鹽五升此外更不得別有邀求如聞邊上鎮鋪

於蕃漢戶市易糶糶衆私抽稅今後一切止絕

管氏有言曰一婦不織天下必有受其寒然則藉其

蠶稅教以女工故夏書辨絲枲之貢周官述布帛之

利其所由來尚矣歷漢而下經制具存廣狹精粗不

中則禁之錦繡纂組有害則却之以庸為名用抑游
 情兼粟為貨以通有無苟輕重混淆則良楛雜糅必
 在明開塞之術防巧偽之源使桑土適均賦歛不濫
 然後數量可一風俗可齊致任土之宜來厥篚之美
 五十者可以衣而知榮辱斯亦商功利之一端也
 周武王時太公以布為貨廣二尺二寸為幅長四丈
 為疋後封齊以其地召海島鹵少五穀乃勸以女工
 之業其後俗漸多織作水紈綺繡純麗之物
 漢武帝時桑弘羊為治粟都尉領大農天子北至朔
 方東封太山巡海上旁北邊以歸所過賞賜用帛百
 餘萬疋皆取足大農其後請均輸帛五百萬疋

哀帝初即位詔齊三服官諸官織綺繡難成害女紅

之物皆止無作輸紅亦工也

後漢章帝建初二年詔齊相勿復送冰紈方空穀吹

綸絮冰言色鮮絮如冰方
空穀即今方目紗也

魏太祖定鄴都令戶絹二疋綿二斤餘皆不得擅興

藏彊賦弱

晉武帝時有司奏依舊調綿絹詔不肯又云有司奏
調房子睢陽

綿武帝
不許

惠帝永寧初雜中有錦帛四百萬

元帝渡江軍事草創蠻陬賧布不有嘗準府中所儲

數四千疋

宋孝武時齊庫上絹年調鉅萬疋綿亦稱此期限嚴峻人間買絹一疋二三千綿一兩三四百貧者賣妻子甚者或自縊死侍中陳懷文具陳人困由是薄有所減

江左自晉至陳其調丁男調布絹各二丈絲三兩綿八兩祿絹八尺綠綿三兩二分丁女並半之

後魏道武天興中詔採諸漏戶令輸綸綿自後諸逃戶占為紬繭羅縠者甚眾於是雜營戶帥遍于天下不隸守宰賦役不周戶口錯亂太武始光三年詔一切罷之以屬郡縣

孝文延興三年七月詔河南六州之民戶收絹一疋綿一斤先是舊制民間所織絹布皆幅廣二尺二寸長四十尺為一疋六十尺為一端令任服用後乃漸至濫惡不依尺度於是更立嚴制令一准前式違者罪各有差有司不檢察與同罪

太和八年戶增帛三疋先是天下戶以九品混通戶調帛三疋絮二斤絲一斤又入帛一疋二丈委之州庫以供調外之費至是增之以為官司之祿後增調外帛滿二疋所調各隨其土所出其司冀雍華定相秦維豫懷兗陝徐青濟濟南豫東兗東徐十九州貢

綿緇及絲幽平并肆岐涇荆涼梁汾秦安營幽夏光
鄆東秦西州萬年鴈門上谷靈丘廣寧平涼郡懷化
郡上郡之長平白水縣青州北海郡之膠東縣平昌
郡之東武平昌縣高密郡之昌安高密夷安黔陲縣
秦州河東之蒲坂汾陰縣東徐州東莞郡之莒諸東
莞縣雍州馮郡之蓮芍縣咸陽郡之雍寧夷縣北地
郡之三原雲陽銅關宜君縣華州華山郡之夏陽縣
徐州濟北郡之離狐豐縣東海郡贛榆襄賁縣皆以
麻布克稅十年給事中李冲上言准古法立隣里黨
三長其民調一夫一婦帛一疋民年十五以上未娶

者四人出一夫一婦之調奴任耕婢任績者八口當
未娶者四耕牛二十頭當奴婢八其麻布之鄉一夫
一婦布一疋下至于以此為降大率十疋為公調二
疋為私調外費三疋為内外百官俸

東魏孝靜天平元年遷都於鄴六方之眾萬餘人北
徙春秋二時賜帛以供衣服費嘗調之外逐豐稔之
處折絹糴以充國之儲
北齊文宣時天保中調絹以七尺為丈右僕射崔暹
言之乃依舊焉
武成河清三年定令率人一狀調一疋綿八兩凡十

斤綿折一斤作絲

後周太祖為西魏相創制六官司賦掌功賦之政凡令人自十八以至六十四與輕癯者皆賦之其賦之法有室者歲不過絹一疋綿八兩單丁者半之其非桑土有室者布一疋麻十斤單丁者又半之豐年則全賦中年半之下年一之皆以時徵焉若難阨凶札則不徵其賦

隋高祖開皇二年頒新令遵北齊之制丁男一牀桑土調以絹純麻土調以布絹純以疋加綿三兩布一端加麻三斤單丁及僕隸各半之

九年平陳高祖親御朱雀門勞凱旋師行慶賞白門外夾道列布帛之積達于南郭以次頒給所費三百餘萬段

十二年有司上言庫藏皆滿高祖曰朕既薄賦於人又大經賜用何得爾也對曰用處嘗少納處嘗多畧計每年賜用至數百萬段曾無減損於是更闢左藏之院構屋以受之

唐高祖初平京師傾府藏以賜勲人既而又患國用不給太原人劉義節進計曰今義師數千萬並在長安樵貴而布帛賤若伐街衢及苑中之樹為樵以易

布帛歲取數千萬疋立可致也又藏內繕給凡皆有餘軸之使申截取剩物以供雜費動盈十餘萬段矣高祖並從之大收其利武德七年定令每丁調隨其鄉土所產綾絹純各二丈布加五分之一輪綾絹純者兼調綿三斤輪布者麻三斤代宗大曆中詔曰王制命市納賈以觀人之好惡布帛精麤不中度廣狹不中量不鬻於市漢詔亦云纂組文繡害女紅也朕思以恭儉克己淳朴化人每尚素玄之服庶齊金土之價而風俗不一踰侈相高浸弊於時其來自久耗縑繒之本資錦綺之奢異彩奇文恣其誇競今師旅未戢黎元不康豈使淫巧之功更虧嘗制在外所織造大張錦獨軟錦瑞錦透背及竭鑿六破已上錦獨窠文紗四尺幅及獨窠吳綾獨窠司馬綾等並宜禁斷其長行高麗白錦雜色及嘗行小文子綾錦等任依舊例造其綾錦花文所織盤龍對鳳麒麟獅子天馬辟邪孔雀僊鶴芝草萬字雙勝及諸織羗橈文字等宜亦禁斷

憲宗元和八年四月以錢重貨輕出內庫錢五十萬貫命兩嘗平收市布帛每端疋於舊估加十之一

九年八月詔太府奏建州泉州壽州所納物麤惡短狹布帛有幅制度所存近日勸課不精竄濫方甚遂使女工都棄國用空虛若無所懲何以知懼刺史宜各罰一月課料錄事叅軍本縣令各罰一季課料本曹官罰一季課料仍書下考

十一年六月京兆府奏今年諸縣夏稅折納綾絹純紬絲綿等並請依本縣時價只定上中二等每疋加饒二百文綿每兩加饒十五文絲每兩加饒二十文其下等物不在納限小戶本錢不足任納絲綿斛斗須是本戶如有本戶輒合集買成疋段代納者所由

決十五枷項令衆

宣宗以會昌六年三月卽位十一月刑部尚書判度支崔元式奏准今年七月二日勅諸道所出次弱綾絹紗等宜令禁斷若舊織得行使仍委所在官中收納如輒更有織造行便買賣同罪須指射出次弱物州府令戶部度支鹽鐵二司同條流聞奏者省司先牒左藏庫勘到所出次弱疋帛州府名額伏以綾絹紗等州府所買機杼織造並合勘充煇練旣不堪衣着則虛費織功今欲委諸道節度觀察使刺史差清強官搜獲百姓織造濫惡疋段狹小機杼焚毀其惡

弱正段仍具收納數聞奏從之其向後犯者亦條流
有差

後唐明宗天成二年十二月中書舍人程遜上言以
民間機杼多有假偽虛費絲縷不堪爲衣請下禁止
庶歸朴素

漢隱帝乾祐三年左司員外郎盧振上言古先哲王
之制布帛不中度不鬻於市比來組織之物輕重皆
有定規近年已來織帛之家過爲疎薄徒勞杼軸無
益公私臣請三京鄴都諸道州府凡織造之家所織
綾羅縠帛諸物並須斤兩尺度合官定規程不得輒
爲疎薄所在官吏覺察禁止不得更然

周世宗顯德三年五月詔曰化民成俗須務真純蠹
物害能莫先浮僞織紉杼軸之製素有規程禪販貿
易之徒不許違越久無條理漸致澆訛苟所鬻之或
精則酬直之必重宜從朴厚用革輕浮應天下今後
公私織造到絹帛紬布綾羅錦綺及諸色疋段其幅
尺斤兩並須合向來制度不得輕弱假僞罔冒取價
如有已上物色等限一百日內並須破貨了絕如限
外敢有違犯織造貨賣者卽所在節級所由擒捉送
官十月詔曰舊制織造純紬絹布綾羅錦綺紗縠等

幅濶二尺五分不得夾帶粉藥宜令諸道州府嚴切指揮來年所納官絹每疋須及一十二兩河北諸州須及一十兩務要夾密停勻其長依舊四十二尺

册府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

邦計部 二十三

俸祿第一

國非賢不父賢非后不食古先哲王官設居方必先正位位定然後制祿三代相沿官倍於古周官太宰以八柄馭羣官其二曰祿秦漢而下命秩尤衆差定名數以月受俸下足以代耕上足以行義斯經世之

今與官人之達道雖百代孰能易哉若乃上無虛授
下無虛受賞之以禮報之以功使賢者無家食之歎
居官絕素餐之譏傳曰行爵出祿必當其位斯之謂
至治矣

周武王初定天下更立公侯伯子男凡五等諸侯之
上大夫卿下大夫上士中士下士凡五等天子之田
方千里公侯田方百里伯七十里子男五十里不能
五十者不達於天子附於諸侯曰附庸天子之三公
之田視公侯天子之卿視伯天子之大夫視子男天
子之元士視附庸皆象星辰之大小也不達謂不列
朝會也附庸者以國事附于大國

未能以其名通也視猶比也元善也善士
謂命士也此比殷所因夏爵三等之制也制農田百

畝百畝之分上農夫食九人其次食八人其次食七
人其次食六人下農夫食五人庶人在官者其祿以

是為差農夫皆受田於公田肥燒有五等收入不同
也庶人在官者謂府史之屬官長所除不命
於天子國君諸侯之下士視上農夫祿足以代耕也

中士倍下士上士倍中士下大夫倍上士卿四大夫
祿君十卿祿次國之卿三大夫祿君十卿祿小國之

卿倍大夫祿君十卿祿此班祿尊卑之差諸侯之下士祿食

九人中士食十八人上士食三十六人下大夫食七
十二人卿食二百八十八人君食二千八百八十人

次國之卿食二百一十六人君食二千一百六十人
 小國之卿食百四十四人君食千四百四十人次國
 之卿命於其君者如小國之卿天子之大夫為三監
 監於諸侯之國者其祿視諸侯之卿其爵視次國之
 君其祿取之於方伯之地方伯為朝天子皆有湯沐
 之邑於天子之縣內視元士

給齋戒自潔清
 之用湯沐用燔

漢高帝時因秦官號有御史大夫秩中二千石有兩
 丞秩千石博士秩比六百石廷尉有正左右監秩皆
 千石太子門大夫庶子秩皆六百石先先或馬秩比
 謁者是時三公號稱萬石其奉月各三百五十斛中

二千石者月各百八十斛二千石者百二十斛比二
 千石者百斛千石者八十斛六百石者七十斛比六
 百石者六十斛四百石者五十斛比四百石者四十
 五斛三百石者四十斛比三百石者三十七斛二百
 石者三十斛比二百石者二十七斛百石者十六斛
 斗食十一斛佐史奉八斛
 文帝二年置一丞相有兩長史秩千石

武帝建元三年置期門僕射秩比千石
元狩五年置丞相司直秩二千石
元狩五年置部刺史秩六百石

太初元年更名中大夫為光祿大夫秩比二千石太

係字不補

中大夫秩比千石又更名郎中令為光祿勳大行令

為大鴻臚大農中尉為執金吾自太常光祿衛尉太

僕太理鴻臚宗正司農少府執金吾皆中二千石丞

皆千石又更右內史為京兆尹左內史為左馮翊都

尉為右扶風自太子太傅將作少府詹事將行皇后卿

大長秩也典屬國水衡都尉左馮翊右扶風皆秩二千石

丞六百石是時司隸城門中壘屯騎步兵越騎長水

胡騎射聲虎賁射士校尉秩皆二千石奉車都尉駙

馬都尉秩比二千石前後左右將軍長史秩千石又

有議郎中郎侍郎郎中皆無員多至千人議郎中郎

秩比六百石侍郎比四百石郎中比三百石中郎有

五官左右三將秩皆二千石郎中有車戶騎三將主車

曰車郎主戶衛曰戶郎漢儀注郎中令主郎中左秩

右車將主左右車郎左右戶將主左右戶郎也皆比千石謁者秩比六百石有僕射謁請也白也僕主也秩比

千石郡守秩二千石有丞邊郡又有長史秩皆六百

石郡尉秩比二千石有丞秩皆六百石縣令長萬戶

以上為令秩千石至六百石減萬戶為長秩五百戶

至三百石皆有丞尉秩四百石至二百石是為長吏

吏理也主百石以下有斗食漢官名秩簿云斗食月俸十一斛佐史月奉八

斛一說斗食者歲俸不滿百而計日而食一斗二升故云斗食也

宣帝地節二年置西域都護有副校尉秩比二千石

帝又令中郎將騎都尉監羽林比二千石

三年置左右廷尉平秩皆六百石

神爵三年八月詔曰吏不廉平則治道衰今小吏皆

勤事而奉祿薄欲其母侵漁百姓難矣其益吏百石

以下奉十五 若食一斛則益五斗

元帝初元元年置戊己校尉有丞司馬各一人候五

人秩比六百石

成帝陽朔二年除八百石五百石秩 除八百就六百除五百就四百

也

綏和元年大司馬大司空祿比丞相更部刺史各牧

秩二千石二年益吏三百石以下俸凡比二千石以

上年老致仕者參分故祿與之終其身 參音三其時亦有俸錢之

差但本史不具耳故元帝時貢禹上書曰臣為諫大夫秩八百石俸錢月九千二百廩食太官又拜為光

祿大夫秩二千石俸錢月萬二千祿賜愈多家日以益富

哀帝元壽二年大司馬有長史秩千石

平帝元始元年更名虎賁郎置郎中將秩比二千石

後漢光武建武二十六年增百官俸有千石以下減

於西京舊制六百石以下增於舊秩是時太傅太尉

府長史一人千石東西曹掾比四百石餘掾比三百

石屬比二百石故曰公府掾比古元士三命者也或

曰漢初掾史辟皆上言之故有秩比命士其所不言

則為百石屬其後皆自辟除故通為百石 漢舊注曰公令史百

石自中興以後 司徒司空府長史千石大將軍府長

史司馬皆千石從事中郎六百石其領軍皆有部曲

大將軍營五部部較尉比二千石軍司馬比千石部

下有曲曲有軍候比六百石曲下有屯屯長比百石

太史令六百石丞三百石博士祭酒六百石博士比

六百石太祝令太宰令太子令高廟令世祖廟令陵

園令每陵食官令太卜令皆六百石五官中郎將及

左右中郎將虎賁中郎將羽林中郎將皆比二千石

五官及左右虎賁中郎比六百石五官左右虎賁侍

郎比四百石五官左右虎賁郎中比三百石左右僕

射左右陞長比六百石節從虎賁比二百石羽林郎

比三百石羽林左右監六百石奉車都尉駙馬都尉

比二千石騎都尉二千石光祿大夫比二千石太中

大夫千石中散大夫諫議大夫議郎常侍謁者皆六

百石謁者僕射比千石其給事謁者四百石灌謁者

郎中皆三百石公車司馬令南北宮衛士令左右都

候左右式道中候左右較令百軍中候考功令車府

令未央廡令六廡廷尉正左監右平鴻臚大行令公

主家令太倉令平準令導官令廩犧令太醫令太官

令守宮令上林苑令黃門及黃門令掖庭令永巷令

御府令祠祀令鉤盾令中藏府令內謁者令尚方黃

門穴從僕射符節令武庫令皆六百石公主家丞三

百石濯龍監直里監宦者丞從丞黃門署長玉堂署

長丙署長皆四百石永巷長比四百石宦者比三百

石永巷郎中三百石中黃門比百石侍中比二千石

中嘗侍千石宦者無員後增黃門侍郎六百石尚書

令御史中丞千石尚書治書侍御史六百石左右丞

侍郎四百石尚書令史符節令史二百石蘭臺令史

六百石執金吾太子太傅太嘗光祿衛尉太僕廷尉

大鴻臚宗正大司農少府諸卿皆中二千石丞千石

太子少傅將作大匠二千石太子家令太子僕千石

太子門大夫中庶子倉令食官令六百石洗馬比六

百石四雷石城門屯騎越騎胡騎射聲等校尉皆中二千石太子廡長中盾比二千石丞比六百石令相千

石丞尉四百石其六百石丞尉三百石長相四百石

及三百石丞尉皆二百石諸侯公主家丞秩皆比二

百石諸邊鄣塞尉諸陵校尉長皆二百石有嘗例者

不署秩司隸較尉比二千石京都尹郡太守二千石

依字奉補

屬國都尉使匈奴中郎將護烏桓較尉護羌較尉比

二千石州刺史六百石每縣邑道大者置令千石其

次六百石其次置長四百石其次三百石侯國之相

亦如之前漢雒陽令秩千石丞及孝廉左右尉四百石鄉三老游徼百石鄉

五千則皇子封王其郡為國王傅相皆二千石

殤帝延平元年中二千石俸月錢九千米七十二斛

二千石錢六千五百米三十六斛比二千石錢五千

米三十四斛千石錢四千米三十斛六百石錢三千

五百米二十二斛四百石錢二千五百米十五斛三

百石錢二千米十二斛二百石錢一千米九斛百石

錢八百米四斛八斗大將軍三公臘賜錢各二十萬

牛肉二百斤粳米百斛將進侯以下各有差立春之日遣使者

賜文官司徒司空帛三十疋九卿十五疋武官太尉

大將軍各六十疋執金吾諸較尉各三十疋武官倍

文官也

桓帝延熹三年九月詔無事之官權約俸豐年如故

獻帝建安八年頒賜三公下金帛錄是三年一賜以

為嘗例

晉武帝泰始三年九月詔曰古者以德詔爵以庸制

祿雖下士猶食上農外足以奉公忘私內足以養親

施惠今在位者祿不代耕非所以崇化之本也其議增吏俸

太康元年平吳之後定官品第一至第九各以貴賤占田品第一者占五十頃第二品四十五頃第三品四十頃第四品三十五頃第五品三十頃第六品二十五頃第七品二十頃第八品十五頃第九品十頃又得蔭人以爲衣食客及佃客品第六以上得衣食客三人第七第八品二人第九品及舉輦跡禽前驅錄基强弩司馬羽林郎殿中穴從虎賁殿中虎賁推持斧武騎虎賁持鋌穴從虎賁命中虎賁武士一人其應有個客者官品第一第二者佃客無過四十戶第三品三十五戶第四品三十戶第五品二十五戶第六品二十戶第七品十五戶第八品十戶第九品五戶其佃穀皆與大家量分

簡文帝咸安二年三月詔曰往者事故之後百度未充羣僚嘗俸並皆寡約益隨時之義也然退食在朝而祿不代耕非經通之制今資儲漸豐可籌量增俸宋高祖永初元年六月詔曰百官事殷俸薄祿不代耕雖國儲未豐要令公私周濟諸供給等減半者可悉復舊六軍見祿租不在此例其餘官僚或自本

俸素少者亦疇量增之

二年二月制中二千石加公田一頃

文帝元嘉二十七年正月制交寧二州假收郡縣俸

祿聽依臺除

二月以軍興減百官俸三分之一

三月淮南太守諸葛闡求減俸祿同內百官於是州

及郡縣丞尉並悉同減

孝武大明二年正月復郡縣田秩并九親俸祿

四年十月制郡縣減祿並先充公限

五年五月制帝室耆親官非祿官者月給錢十萬

八月制方鎮所假白收郡縣年限依臺除祿三分之

一不給送

六年二月復百官祿

前廢帝永光元年二月減州郡縣田祿之半

明帝泰始五年六月以軍興已來百官斷俸並給坐

食

南齊武帝永明元年正月詔經邦之寄寔資莅民守

宰俸祿益有嘗准往以邊虞告警故沿時損益今區

寓寧晏庶績咸熙忠勤簡能宜加優獎郡丞尉可還

田秩

又云齊氏衆官有僮
幹之役而不詳其制

七年正月詔曰諸大夫年秩隆重祿力殊薄豈所謂下車惟舊趨橋敬老可增俸評給見役

八年十二月詔尚書丞郎職事繁劇郵俸未優可量增賜祿

十年正月詔增內外有務衆官祿俸

明帝建武三年閏十二月詔今歲不須光新可以見錢爲百官供給

東昏侯永元元年正月詔三品清資以應食祿者二親或祖父母年登七十並給見錢

梁高祖天監初定九品令帝於品下注一品秩爲萬石第二第三品爲中二千石第四第五品爲二千石

大通元年正月詔曰朕思利兆民惟日不足氣象環周每弘優簡百官俸祿本有定數前代以來皆多評

准頃者因循未遑改革自今以後可長給見錢依時放出勿令逋緩

太清末侯景之亂國用嘗褊京官文武月別唯得廩食多逢帶一郡縣官而取其祿秩焉楊徐等大州比

令僕楊州督王畿理在建康徐州督重鎮京口並外官刺史最重者尚書令僕射官品第三寧

桂等小州比參軍班寧州理建寧今雲南郡桂州理始安今郡並與外官刺史最輕者府參軍

官品第六 丹陽郡吳郡會稽等大郡同太子詹事尚

書班

丹陽理建康吳郡會稽卽今郡並列郡重者詹事尚書官品等三

高源晉康等

小郡王班而已

高源晉康卽今郡並列郡軍輕者梁武帝定九品後其內官吏爲十班以

班多者爲貴同班者卽以居下爲劣則與品第高下不論當是其時更以清濁爲差耳本史旣畧不可詳

焉大郡六班小縣兩轉方至一班其州郡祿米絹布

絲綿當處轉臺傳倉庫若給刺史令等先准其所部

文武名物多少錄勅而裁凡如祿秩旣通所部兵士

給之其家得蓋少諸王諸主出閣就第婚冠所須及

衣裳服飾并酒米魚鮮香油紙燭等並定官給之王

主壻外祿者不給解任還京仍亦公給

後魏孝文太和八年六月詔曰置官班祿行之尚矣

周禮有食祿之典一漢著受俸之秩逮于魏晉不聿

稽往憲以經綸治道自中原喪亂茲制中絕朝政因

循未遑釐改朕永鑒四方求民之瘼夙興昧旦至於

憂勤故憲章舊典以班俸祿罷諸商人以簡民事戶

增調三疋穀二斛九斗以爲官司之祿均預調爲二

疋之賦卽兼商用雖有一時之煩終克永逸之益祿

行之後賍蒲一疋者死變法改度宜爲更始其赦天

下與之惟新初臨淮王他奏求依舊斷祿文明太后

令召羣臣議之中書監高閭表曰天生蒸民樹之以

君明君不能獨理必須臣以作輔君使臣以禮臣事

君

君以忠故車服有等差爵命有分秩德高者則位尊
任廣者則祿重下者祿足以代耕上者俸足以行義
庶民均其賦以展奉上之心君王聚其財以供事業
之用君班其俸垂惠則厚臣受其祿感恩則深於是
貪錢之心止竭効之誠篤兆庶無侵削之煩百辟備
禮容之美斯則經世之明典爲治之至術自堯舜已
來逮至三季雖優劣不同而斯茲弗改自中原運否
天下幅裂海內未一民數耗減國用不充俸祿遂廢
此則事出臨時之宜良非長久之道大魏應期紹祚
昭臨萬方九服旣和八表咸謐二聖欽明文思道冠
百代動遵禮式稽考舊章准百王不易之勝法述前
聖利世之高軌置立隣黨頒宣俸祿事設令行於今
已久苛慝不生上下無怨姦巧革慮闕覲絕心利潤
之厚同於天地以斯觀之如何可革又洪波奔激則
堤防宜厚姦悖充斥則禁網須嚴且饑寒切身慈母
不保其子家給人足禮讓可得而生但廉清之人不
必皆富豐財之士未必悉貧今始其俸則清者足以
息其濫竊貪者足以感而勸善若不班祿則貪者肆
其姦情清者不能自保難易之驗灼然可知如何一
朝便欲去俸淮南之議不亦謬乎帝從閭議

十月詔曰俸制已立宜時班行其以十月為首每季一請於是內外百官受祿有差

九年二月制皇子封王者皇孫及皇曾孫紹封者皇女封者歲祿各有差

十月詔均給天下民田諸宰人之官各隨近給公田刺史十五頃太守十頃治中別駕各八頃縣令郡丞

六頃更代相付賣者坐如律

十年十一月議定民依戶給俸

十八年十二月詔王公侯伯子男開國食邑者王食半公三分食一侯伯四分食一子男五分食一

十九年五月減闕官祿以裨軍國之用

孝明以延昌四年即位先是孝文時以軍國多事用度不足百官之祿四分減一及帝即位侍中領軍將

軍于忠既擅權欲以惠澤自固乃悉復所減之祿

東魏孝靜天平二年十二月詔文武百官量事各給祿

北齊文宣天保七年十一月制刺史今盡行兼不給

幹物是時官秩一品每歲八百疋二百疋為一秩從一品七

百疋百七十五疋為一秩二品六百疋百五十疋為一秩從二品五百

疋百二十五疋為一秩三品四百疋百疋為一秩從三品三百疋七十

五疋為四品二百四十疋六十疋為一秩從四品二百疋五十疋為一秩

疋為五品百六十疋四十疋為一秩從五品百二十疋三十疋為一秩

一秩六品百疋二十五疋為一秩從六品八十疋二十疋為一秩七品

六十疋十五疋為一秩從七品四十疋十疋為一秩八品三十六

疋九疋為一秩從八品三十二疋八疋為一秩九品二十八疋

七疋為一秩從九品二十四疋六疋為一秩祿率一分帛一分

以粟一分錢事繁者優一秩平者守本秩閑者降一

秩長兼試守者亦降一秩非執事不朝拜者皆不給

祿州郡制祿之法刺史守令下車各前取一時之秩

上上州刺史歲秩八十疋與司州牧同上中上下各

五十疋為差中上降上下百疋中中及中下亦以五

十疋為差下上降中下百疋下中下下亦各五十疋

為差上郡太守歲秩五百疋降清都尹五十疋上中

上下各以五十疋為差中上降上下四十疋中中及

中下各以三十疋為差下上降中下四十疋下中下

下各以三十疋為差上上縣歲百五十疋與鄴臨漳

成安三縣同上中上下各以十疋為差中上降上下

三十疋中中及中下各以五疋為差下上降中二十

疋下中下下各以十疋為差州自長史下逮于史吏

郡縣自丞以下逮于掾佐亦皆以帛為秩郡有尉減

丞之半皆以其所出嘗調課給之自一品以下至流外勲品各給事力一品至三十人流外勲品或以五人為等或以四人三人二人一人為等繁者加一等平者守本力閒者等一等諸州刺史守令以下幹及力皆聽勅乃給其幹出所部之人一幹輸絹十八疋幹身放之則白直充

武成河清四年以年穀不登詔減百官食廩各有差後周太祖為西魏相創制六官祿秩下士百二十五石中士以上至於上大夫各倍之上大夫是為四萬石卿二分孤三分公四分各益其一公因盈數為萬

石其元秩百二十石八秩至於七秩每二秩六分而下各去其一二秩一秩俱為四十石凡頒祿親年之上下畝至四釜為上年上年頒其正三釜為中年中年頒其半二釜為下年下年頒其一無年凶荒不頒祿

武帝保定二年四月詔曰比以寇難猶梗九州未一文武之官立功効者雖錫以茅土而未給租賦諸柱國等勲德隆重宜有優崇各准別制邑戶聽寄食他縣

隋高祖開皇元年十月頒新令自諸王已下至于都

督比給永業田各有差多者至一頃少者至四十畝
京官又給職分田一品給五頃每品以五十畝爲差
至五品則爲田三頃六品二頃其下每品以五十畝
爲差至九品爲一頃縣官亦各有職分田是時京官
正一品祿九百石其下每以百石爲差至正四品是
三百石從四品二百五十石其下每以五十石爲差
至正六品是爲百石從六品九十石以下每以十石
爲差至從八品是爲五十石食封及官不判事者并
九品皆不給祿其給皆以春秋二季刺史太守縣令
則計戶而給祿各以戶數爲九等之差大州六百二
十石其下每以四十石爲差至於下下則三百石大
郡三百四十石其下每以三十石爲差至於下下則
百石大縣一百四十石其下每以十石爲差至於下
下則六十石其祿唯及刺史二佐及郡守縣令
八年五月僕射高頴奏諸州無課調及有課調州管
戶數少者官人祿力乘前已來嘗出附近之州但判
官本爲收人役力理出所部請於所管戶內計戶徵
稅從之

唐高祖初爲隋相國罷外官給祿每十斛給地二十
畝

武德元年十二月因隋制文武官給祿正一品七百石從一品六百石正二品五百石從二品四百六十石正三品四百石從三品三百六十石正四品三百石從四品二百六十石正五品二百石從五品一百六十石正六品一百石從六品九十石正七品八十石從七品七十石正八品六十石從八品五十石正九品四十石從九品三十石並每年給諸給祿者三師三公及太子三師三少若在京諸司文武官職事九品以上并左右千牛備身左右太子千牛並依官給其春夏二季春給秋冬二季秋給凡京文武官每歲給祿總五十萬一千五百

百三十三石二斗自至德之後不給 其在外武官九品以上准官皆降

京官一等給其文武官在京官上者則不降諸給祿應給等

者正從一品各以五十石為一等二品三品等以三十石為一等四品五品皆以二十石為一等六品七品皆以五石為一等八品九品皆以二石五斗為一等 其俸錢之制京司諸官

初置公廨令行署及番官興易以充俸又制內外官

各給職分田京官一品十二頃二品一十頃三品九

頃四品七頃五品六頃六品四頃七品三頃五十畝

八品二頃五十畝九品二頃雍州及外州官二品十

二頃三品十頃四品八頃五品七頃六品五頃七品

四頃八品三頃九品二頃五十畝其統軍府及鎮戍

關津之官又節給量減京司及州縣又各公廨田課其營種以供公私之費

太宗貞觀二年二月詔官人得上考給一季祿六月制官人出使皆廩食妻子

十二月詔外官新到任多有匱乏准品計日給糧三年正月詔官人得上下考給一年祿

八年中書舍人高季輔上表曰仕以應務亦以代耕外官卑品猶未得祿旣離鄉井理必貧煎但妻子之戀賢達其猶累懷饑寒之加夷惠罕全其行爲政之道期於易從若不恤其匱乏難欲俾其清儉凡在末品中庸者多正恐巡察歲出輶軒繼軌不能肅其侵漁何以求其政術今戶口漸殷倉廩已實斟量給祿使得養親然後督以嚴科責其報効則庶官畢力物議斯免

十年正月詔有司收內外職田除公廨田園外並官收先給逃還貧下戶及欠丁田戶其職田以正倉粟畝率二升給之

十一年三月勅內外官職田恐侵百姓先令官收慮其祿薄家貧所以別給地子去歲緣有水旱遂令總停如聞卑官頗難支濟事須優恤使得自資宜准元

勅給其地子

十二年三月諫議大夫褚遂良以武德已後國家倉庫猶屬虛應京官料錢並給公廨本令當司令史番官興易給利計官員多少分給乃上疏曰爲政之本在於擇人不正其源遂差千里漢家以明經拜職或四科辟召必擇器任使量才命官然則市井子孫不居官吏大唐制令憲章古昔商估之人亦不居官位陛下近許諸司令史捉公廨本錢諸司取此色人號爲捉錢令史不簡性識寧論書藝但令身能估販家足貲財錄牒吏部卽依補擬大率人捉五十貫已下四十貫已上任居市肆恣其販易每月納利四千一百年凡輸五萬送利不違年滿受職有國家者嘗笑漢代賣官今開此路頗類於彼在今七十餘司大率司引九人更一二載後年別卽有六百餘人輸利受職伏惟陛下理致升平任賢爲政或文學高第或諸州進士皆策同片玉經若懸河奉先聖之格言慕昔賢之廉恥拔十取五量能授官然犯禁違公輒羅刑法况乎捉錢令史主於估販志意分毫之末耳目塵肆之聞輸錢於官以獲品秩荏苒年歲陛下能不用之乎此人習於性成慣於求利苟得無恥莫蹈廉隅

使其居職從何而可將來之弊宜絕本源臣每周遊人間爲國視聽京司僚庶爰及外官異口同辭皆言不便伏願勅朝臣遺其詳議帝納之是月勅並停改署胥士七千人以諸州上戶充准防閣例輸課二年一替計官員多少分給

十八年三月復京官職田以京兆及岐同華朔方等州空閑地及陂澤堪佃食者充之

二十一年二月令在京諸司依舊置公廨給錢充本置令史胥士等令廻易納利以充官人俸

二十三年九月勅諸王並宜食一千戶封

高宗永徽元年四月廢京官諸司捉錢胥士其官人俸料以諸州租脚充

八月詔文武五品以上解官充侍者宜准致仕例每給以半祿并賜縑帛

麟德二年八月詔文官五品已上同武職班給仗身以掌開幕士充之咸亨元年四月十二日停給

乾封元年八月詔京文武官應給防閣庶僕俸料始依職事品其課及賜各依本品凡京文武正官每歲供給俸食等錢總十五萬二千七百二十貫員外官不在此數外官則以公廨田收及利息錢等嘗食公用

之外充月料先以長官定數其州縣少尹長史司馬及丞各減長之半大都督府長史副都督別駕及判司准上佐以職田數爲加減其叅軍及博士判試判司主簿縣尉丞各三分之一諸內外員同正員者祿料賜會食料一事以上並同正員其不以同正員者祿賜食料亦同正員餘各給半職田並不給自乾元之後以嘗賦不給內外官俸祿各減其半矣內供俸及裏行不帶本官者祿俸食料防閣庶僕一事以上並同正官帶官者聽從多處給若帶外官者依京官給諸簡較及判試知試等官不帶內外者料度一事以上准員外官同正員例給若簡較及判試之處正官見闕者兼給雜用其職田不應入正官者亦給其侍御史殿中及監察御史知試並同供俸裏行例儀鳳三年八月詔廩食爲費同資於上農歲俸所頒並課於編戶因地出賦則沃瘠未均據丁收物則勞逸不等俾之富教其可得乎永念於斯裁懷釐創如聞文武內外官應給俸料課錢及公廨料度封戶租調等遠近不均貴賤有異輸納簡選事甚艱難運送脚錢損費實廣公廨出舉廻易典吏因此侵漁撫字之方豈合如此宜令王公已下百姓已上率口出錢

以充防閑庶僕邑士白直折衝府仗身并封戶內官人俸食等料既依戶次貧富有殊載詳職務繁簡不類率錢給用須有等差宜具條例并各逐便

中宗神龍二年七月制功臣段志玄屈突通蕭瑀李靖秦叔寶長孫順德劉弘基宇文士及錢九隴程知節龐卿暉竇琮苑君璋李子和張平高張公瑾梁雒仁安脩仁秦行師獨孤卿雲蘇定方李安遠鄭仁泰杜君綽李孟嘗等二十六家所食實封並依舊給景龍二年九月勅諸色應食實封家戶一定已後不得輒有移改

三年十月勅應食封邑者一百四十餘家應出封戶凡五十四州皆天下膏腴物產其安樂太平公主封又取富戶不在捐免限百姓着封戶甚於征行

冊府元龜

又知官有不...
其至十四...
三平十日...
冊府元龜

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事臣黃國琦 較釋

邦計部 二十四

俸祿第二

唐玄宗開元五年十月詔曰養老乞言人惟求舊尊
儒尚齒風化攸先其致仕官所請物宜令所司專定
一官勾當送至宅六年七月秘書少監崔涵議州縣
官月料錢狀曰養賢之祿國用尤先取之齊人未焉

剥下何用立本息利法商求資皇運之初務革其弊
託本收利以繩富家固乃一切權宜諒非經通彞典
頃以州縣典吏併捉官錢收利數多破產者衆散諸
編戶本少利輕人用不休時以為便付本收利息及
於人然則議國事者亦當憂人為謀恤下立計天下
州縣積數既多大抵皆然為害不少且五十之本七
分生利一年所輸四千二百兼筭勞費不啻五千在
於平人已為重賦富戶既免其徭貧戶則受其弊傷
人刻下俱在其中未若大率群臣通計衆戶據官定
料均戶出資嘗年發賦之時每丁量加升尺以近及
遠損有兼無合而籌之所增蓋少時則不擾簡而易
從庶乎流亡漸歸倉庫稍實則當咸出正賦罷所新
加天下坦然什一而稅上下各足不其遠矣
十年正月勅內外官職田除公廩田園外並官收又
令有司收天下公廩錢其官人料以萬戶稅錢充每
月准舊分利數給

是月甲子又勅王公已下視品國官及京官五品已
下每月別給伏身悉停凡京司文武職事官五品已

上給防閣一品 九十二人 二品 七十三人 三品 四十八人 四品 三十二人

五品 二十四人 六品以下給庶僕六品 五十七人 七品 四十八人 八品 三十二人

公主邑士八十人郡主六十人縣主四十人特封縣主二十人

京官任兩職者從多給凡州縣官皆有白直二品四十人

三品二十四人四品二十人五品十六人六品十人七品六人八

品五人九品四人凡諸親王府屬並給士力數如白直其

防閣庶僕白直士力納課者每年不過二千五百執

衣元不過一千文防閣庶僕舊制季分月俸食料雜

用即月分諸官應月給

乙丑命有司收内外官職田以給逃還貧下戶其職

田以正倉粟畝二升給之

六月初置職田本非古法爰自近制是以因循事有

變通應須刪改其内外官所給職田子從今年九月

已後並宜停給

十六年十一月勅文武百官俸料錢所給物宜依時

價給

十八年三月勅京官職田將令准令給受

其年九月御史大夫李朝隱奏請薄稅一年稅錢充

本依舊令高戶及典正捉隨月收供官人料錢

十九年四月勅天下諸州縣并府鎮戍官等職田四

至頃畝造帳申省仍依元租價對定六畝已下者依

舊定以上者不得過六畝

二十二年二月勅京官兼外州都督刺史大都督府長史俸料並宜兩給

二十四年六月勅百官料錢宜令為一色都以月俸為名各據本官隨月給付其貯米宜令入祿數同申

應合減折及申請時限並依嘗式一品三十一千月俸
八千食料一千八百防閣二品二十四千月俸六千
二千千雜用一千二百文

五百防閣一千五百千三品十七千月俸五千食料一
五百雜用一千文
千雜用四品一十一千八百六十七文月俸四千五百
九百文

文防門六千六十五品九千二百月俸三千食料六
七文雜用六百文
六百六品五千三百月俸二千三百食料四百庶
文

品四千五十月俸一千七百五十食料三百五十八
庶僕一千六百雜用三百五十五文

品二千四百七十五月俸一千三百食料三百庶僕
九品一千九百一十七月俸一千五百食料二百五
百文

二十九年二月勅外官職田委所司准例倉中受納
納畢一時分付縣官亦准此

三月勅京畿地狹人戶殷繁計丁給田尚猶不足兼
充百官苗子固難周濟其諸司官令分在都者宜令

所司具作定額計應受職田並於都畿給付其應退
地委採訪使與本州長官給貧下百姓其應給職田

亦委採訪使與所繇長官勘會同給仍永爲嘗式
天寶元年六月勅如聞河東河北官人職田既納地
租仍收桑課田樹兼稅人何以堪自今已後官人及
公廩職田有桑一切不得更徵絲課

二年十一月勅京官兼太守等官俸料兩給者停其
外官太守兼京官除准式親王帶京官任外官副大
將軍者副使知軍及政事京官兼內外官知政事據
文合兼給者餘並從一處給任逐穩便

三載

臣欽若等曰天寶自三年已後稱載

三月勅郡縣關職錢送納大

府寺自今已後納當郡充員外官料錢不足即收正

官料錢分若無員外官當郡分

五載三月勅郡縣官人及公廩白直天下約計一載
破十萬丁已上一丁每月戍錢二百八文每至月初
當處徵納送縣來徃數日功程在於百姓尤是重役
其郡縣白直計數多少請用料錢加稅充用其應差
丁充白直望請並停一免百姓艱辛二省國家丁壯
六載三月戶部奏諸道請實封人准長行旨三百戶
已下戶部給符就州請受三百戶已上附庸使送兩
京大府寺賜坊給付者今緣就州請受有損於人今
三百戶已下尚許彼請公私之間未免侵擾望一切

送至兩京就此給付郎公私省便侵損無繇又准戶部式節文諸食封人身歿已後所得封物隨其男數爲分承嫡者加一分至玄孫郎不在分限其封總入承嫡房一依上法爲分者如此則玄孫請物比於嫡男計數之間多較數倍舉輕明重理實未通望請至玄孫已下准玄孫直下一房許依令式餘並請停惟享祭一分百代不易自無爭競永賜勲庸無替十一載十二月勅諸郡員外官無闕職處均取正宜料給錢數不定頗爲勞煩自今已後闕料官收員外官依式取官錢准給

十二載十月勅兩京百官職田承前個人自送道路或遠勞費頗多自今已後其職田去城五十里內者依舊令個人自送入城自餘並限十月內便於所管縣并脚價貯納其脚價五十里外每畝各徵二文一百里外不得過三文並令百官差本司人請受十四載八月制曰王制下士視上農周政庶人倍祿者衣食既足則蕪耻乃知至如資用靡克或貪求不已敗名冒法實此之繇輦轂之下尤難取給其在西京文武九品已上正員官既親於職務可謂勤心自今後每月給俸食雜用防閣庶僕等宜十分率加二

分其同正員官加一分仍為嘗式

肅宗至德二年四月勅天下都府及縣官祿白直品子等課從今載正月一日以後並量給一半事平之後當續支遣

乾元元年外官給半料與職田京官不給料 至德已後內外

官無料錢 仍勅度支使量閑劇司給手力課員外官至是給之 一切無料

二年九月詔京官比無俸料桂玉之費將何以堪宜取絳州新錢給冬季料即仰所繇申請計會支給且艱難之際家國是同頃者急在軍戎所以久虧祿俸眷言憂恤常媿于懷今甫及授衣略為調給庶資時要宜悉朕懷

三年四月工部尚書李遵奏中外官職田者苗子准令依租分法並人新人水陸田十一月一日已後上者子並入官草准式當司官分其類遷改人乃有一年之中數處合得者按令云職分陸田限三月三十日已前水田限四月三十日夏田限九月三十日已後上者人前人已前上者入後人即是各以耕種時在職者為王此職既闕本是公田耕耘收刈已皆畢功新人方來何理領受請自今後水陸田並限六月

三十日宿麥限十二月三十日春麥限三月三十日
已前上者人新已後上者並草並人官若其年已得
前任苗子者草粟稻麥並不重受亦入官

上元元年十月勅京官職田准式並合佃人輸送至
京中間楊國忠奏去城五十里外貯納縣倉本官自
差人請受緣是暫時寄貯所繇觸途乾沒就中閑司
尤被抑屈公私不便因循累年自今已後京兆河南
府諸縣並令依舊送京輸納本官如邀頡停留并輒
受加耗請准所費及剩數計贓以枉法論至死者加
役流

代宗廣德二年正月稅天下地畝青苗錢給百官俸
料起七月給

十月宰臣等奏減百司職田租之半以助軍糧從之
永泰元年十月以師旅薦興急於饋運百寮上表請
納職田充軍糧許之

二年正月自今已後子孫襲實封宜減半永為管式
三月勅應請封家三分給二待兵革稍寧即當全給
五月諸道稅地錢使殿中侍御史常光裔等自諸道

使還初肅宗乾元已來屬天下用兵京司百官俸錢
減耗即帝位推恩庶寮下議公卿或以稅畝有苗者

公私咸濟乃分遣憲官稅天下地青苗錢以充百司課料至是得錢四百九十萬貫仍以御史大夫爲稅地錢物使歲以爲嘗均給百官

十一月詔曰京諸司官等自艱難已來不請祿料職田苗子又充軍糧頗聞艱辛須使均濟其諸州府縣官及拆衝府官職田據苗子多少三分每年宜取一分依當處時價迴市輕貨數內破脚差綱部領送上都納青苗錢庫其闕官職田據數盡送仍青苗錢與本道節度觀察都防禦等使會切勾當從今年職田並依此數徵收發遣其送物綱典計數准輕貨綱典

例處分

大曆二年正月詔京兆府及畿縣官職田宜令准外州府縣官例三分取一分

十月減京官職田錢一分充軍糧二分給大官

三年十一月加廊下百官厨料增舊五分之一是年通計京城諸司每月給手力資錢凡四萬七千五百四十六貫四十八並以天下青苗錢充初以嘗賦不給乃稅人墾田畝十有五錢資用窘急不暇成熟候苗青即征之故謂之青苗錢主其任者爲青苗使六年三月勅軍器公廩本錢三千貫文放在人上取

利充使以下食料紙筆宜於數內收一千貫文別納
店鋪課錢添公廨收利雜用

十二年四月度支奏給京百司文武官及京兆府縣
官每月料錢太師太傅太保太尉司徒司空侍中中

書令 每月各一百二十貫文 中書門下侍郎 各一百貫文 東宮三太

左右僕射 各八十貫文 東宮三少 各七十貫文 六尚書御史大

夫太嘗卿 各六十貫文 嘗侍宗正卿太子詹事國子祭酒

各五十貫文 左右丞及諸司侍郎給事舍人中丞賓客殿

中監秘書監司農等卿將作等監 各四十貫文 太子左右

庶子太嘗少卿 各四十貫文 課議諸司少卿少監 各三十貫文

國子司業內侍東宮三卿 各三十貫文 郎中侍御史司天

監少詹事諸王傳國子博士諭德中允中舍殿中秘

書太嘗宗正丞 各二十貫文 殿中侍御史著作郎大理正

都水使者總監內嘗侍給事中 各二十貫文 員外郎通事

舍人起居王府長史 各十八貫文 監察御史臺主簿補闕

王府司馬司天少監太子典內太嘗博士主簿宗正

主簿門下錄事主簿 各十五貫文 拾遺司議太子秘

書著作佐郎國子大學四門廣文等博士大理司直

詹事府及諸寺監丞謁者監中書門下主事 各十二貫文

洗馬贊善諸寺監主簿詹事府司直 各一十貫文 評事 各八

貫諸較正 各六貫文 諸奉御九成宮總監諸王諮議友諸

陵令 各九貫文 城門符寶國子助教六局郎王府掾屬

太嘗侍醫文學錄事參軍主簿記室諸衛及六軍長

史兩市令諸副總監武庫署令太公廟令 各五貫文 大

子通事舍人東宮三寺丞國子太學廣文助教內坊

丞諸直長內寺伯千牛衛及諸率府長史諸陵丞諸

陵署諸王府判司司竹溫泉監尚書都事都水及諸

摠監丞司天臺丞太子侍醫諸司上局署令及王府

國令苑四面副監公主邑司令 各四貫一百一十六文 國子四

門助教律醫學博士協律郎內謁者諸衛六軍左右

衛率府等衛佐諸王府參軍大農都省兵吏禮考功

主事春坊錄事司竹副監諸司中局署令都水主簿

諸司上局署及監廟邑司丞司天臺靈臺郎保章挈

壺正太嘗針醫及醫監尚藥局司醫 各四千四百大

祝奉禮省中諸行主事門下典儀御史臺殿中秘書

內侍省春坊詹事府主事諸寺監諸衛六軍諸司錄

事諸司中局署丞及大理獄丞諸司府作監事殿諸

司監錄事殿中省醫佐食醫奉輦司庫司廩奉乘鴻

臚寺掌客司儀太僕寺主乘內坊典直司天臺司辰

司曆監內侍省宮教博士東宮三等主簿太嘗大樂

冊計部

鼓吹丞醫正按摩呪禁卜筮博士及針醫卜助教國

子書筭博士及助教諸王國子丞尉諸總監主簿各

千九百一十七文 武官左右金吾大將軍各四十六貫文 六軍大將

軍左右金吾將軍各四十四貫文 諸衛大將軍六軍將軍各

十貫 諸衛將軍各二十貫文 諸衛及六軍中郎諸率府率

副率各一十一千五百六十七文 諸衛及六軍即將諸王府典軍

副典軍各九千二百文 諸衛及六軍司階千牛及左右備身

各五千三百文 諸衛及六軍中候太子千牛各四千一百一十六文 諸

衛及六軍司戈太子備身各二千四百七十五文 諸衛及六軍

執戟及長上各一千九百一十七文 京兆及諸縣官尹八十千文 少

尹兩縣令各五十貫文 奉先昭應醴泉等縣令司錄各四十五

貫文 畿令各四十貫文 判司兩縣丞各三十貫文 兩縣簿尉奉先

等縣丞各三十貫文 奉先等主簿尉諸畿縣丞各二十貫文 畿

簿尉各二十貫文 參軍文學博士錄事各一十貫文 凡百司文

武官共二千七百九十六員文官一千八百五十四

員武官九百四十二員每歲約計加一十五萬六千

貫准舊給數都當二十六萬貫文已來伏望准數起

六月一日納付勅旨依仍令所司起五月一日支給

待豐年無事即准嘗式處分時常襄與楊縮同掌樞

縮與袞奏請加之判度支韓滉與袞各驛私懷所加

俸料厚薄自已時少列各定月俸為三千五百滉怒

并計部 卷之五百六 十二

司集張參唯止給三十千袁惡少詹事趙甚遂給二十五千又太子洗馬實司經局長官文學為之貳袁有親戚任文學者給十二千而給洗馬十千其輕重任情時政多如此類

五月中書門下奏得蘇州刺史兼御史大夫知臺事

李涵東都河南江淮山南等道轉運使吏部尚書兼

御史大夫劉晏戶部侍郎專判度支韓滉等狀釐革

諸道觀察使都團練使及判官料錢等觀察使都如

兼使不在每月除刺史正俸料外每使每月請給一

百貫雜給准時價不得過五十貫文都團練副使每

月料錢八十貫文雜給准時價不得過三十貫文觀

察判官與都團練每月料錢五十貫文支使每月料

錢四十貫文推官每月料錢三十貫文巡官准觀察

推官例以上每員每月雜給准時估不得過二十貫

文如以州縣見任官充者月料雜給減半刺史知軍

事每月除正俸外請給七十貫文如帶別使不在加

限雜給准時估不得過三十貫文其州縣課其大都

史准七府尹例左右司馬刺史八十貫文別駕五十

五貫長史司馬各五十貫錄事參軍四十貫判司三

十貫參軍博士各一十五貫錄事市令等各一十三

貫縣令四十貫丞三十貫簿尉各二十貫謹具條件

如前其舊准令月俸雜料紙筆執衣白直但納資課

等色並在此數內其七府准四月二十八日勅文不該者並請依京兆府例處分其中州中縣以下三分減一分其額內釐務比正官減半其州縣官除差充推官巡官及司馬掌軍事外如更別帶職亦不在加給限勅旨宜依先是天下用兵州縣多以權宜立政官品雖一俸料不等大曆中四方無事宰臣元載王縉耽寵怙權苟以利已為便不循舊式江淮大州至有月給一千貫者山劍諸郡以地貧乏故雖上州刺史月給數十千而已至是懲革前失哀多益寡人稍知法

六月戶部侍郎判度支韓滉奏准今年四月二十八日恩勅加給京文武九品已上正員官月俸其同中書門下平章事不帶正官勅內元額應簡較官同平

章事並請同正官例就一高處給勅旨依

十二月勅京諸司闕官職田苗子自今以後宜并充脩當司廨宇用其草准式處分仍令分司監察御史勾當

德宗以大曆十四年五月即位七月以國用未贍其

宣王諱順宗名已下開府儀同三司光祿大夫俸皆罷

給又罷客省之廩每歲萬三十千斛永泰已後益多事四方奏事或

連歲不遣乃於銀臺門置客省以居之及上書言事忤旨者亦拘其中動十數歲嘗百餘人蕃戍將吏或貢計未報及失職未叙者又數十百人皆受度支廩給其費甚矣至是皆罷遣之人心悅服

八月勅内外文武官職田及公廨田准式州縣每年

六月三十日勘造白簿申省與諸司文解勘會至十月三十日徵收給付本官近來不守嘗規多不申報給付之際先付清望要官其閑慢卑官即被延引不付自今後准式各令送付本官又准式職田黃籍每三年一造自天寶九載以後更不造籍宜各委州縣每年差專知官巡覆仍造簿依限申交所司不得隱漏及妄破蒿荒如有違犯專知官及本典准法科罪建中三年閏正月勅文武百官每月料錢一百貫以上者三分減一八十貫已上者五分減一六十貫已上者七分減一四十貫已上者十分減一三十貫已下者不減待兵革寧後仍舊給

興元元年正月勅諸軍諸使諸道應赴奉天及進收京城將士等或百戰摧敵或萬里勤王扞國金城驅除大熟濟危難者其節著復社稷者其業崇我圖爾功特加彞典錫名疇賦永代無窮宜並賜名奉天定難功臣其有食實封者子孫相繼代代不絕十二月詔京官及畿官俸料所司准元數支結自巡幸奉天轉運路阻故百寮俸錢或至闕絕帝愍其貧乏故全給之

貞元元年五月禮部尚書李齊運奏當司本錢至少

厨食不免闕絕請准秘書省大理寺例取戶部闕職官錢二千貫文充本收利以助公厨可之

九月八日勅自今應徵息利本錢除生捉逃亡轉徵隣近者放免余並准舊徵收其所欠錢仍任各取當司闕官職田量事糶貨充填本數并已後所舉不得過二十貫

十二月詔曰百碎鄉士實惟股肱頃屬艱虞損家狗節累經寇難靡不困窮洎復上京薦遭歉歲官俸既簿公田不收外虧導從之儀內懷凍餒之戚朝列尚爾蒸人何堪軫于深衷良用愧惻應文武嘗參官等

宜共錫錢七萬貫委度支據班秩職事及所損職田多少量等級從今至明年四月以來隨月支結凡厥多士宜悉朕懷是時初復京邑蝗旱穀價翔貴人多困乏帝愍之故賜百官焉

三年十一月勅京官宜加給料錢初張延賞大減黜官負人人骨怨是年李泌作相請復之以從人欲因是罷去兼試額內占闕等官又奏請加百官俸料各擬品秩以定月俸而隨曹署閑劇加置手力資課雜給等帝皆許之人以爲便

四年正月中書門下奏京文武及京兆府縣官總三

千七十七員據元給及新加每月當錢五萬一千四

百四貫六百一十七文一年都當六十一萬六千八

百五十五貫四百四文 三十四萬八千五百貫四百文舊額二十六萬八千三百

五十五貫 新加 一千八百九十員文官二太 各二百三

各一百八 十貫文 侍中中書令 各一百六十 門下中書侍郎左

右僕射大子三大 各一百三十 六尚書御史大夫大子

三少 各一百 嘗侍太常宗正卿京兆尹 各九十 左右

丞諸司侍給舍中丞賓客詹事國子祭酒諸卿監內

侍監 各八十 諫議庶子大堂宗正少卿 各七十 司業

少詹事諸少卿少監內侍 各六十 諭德諸曹郎中東

宮三卿 各五十 員外郎起居侍御史王府長史著作

郎太子中舍人中允國子博士太嘗宗正殿中秘書

等丞大理正都水使者京都摠監內嘗侍 各四十 補

關殿中侍御史通事舍人 各三十 拾遺監察司天少

監王府司馬贊善洗馬奉御陵令內給事典內太嘗

博士司舍太嘗宗正御史臺主簿中書主書門下錄

事 各三十 太子文學秘書郎著作佐郎城門符寶郎

大學廣文四門博士大理司直大理詹事諸寺監丞

內謁者監中書門下主事 各二十 評事國子助教王

府諮議友同天正官正六局郎諸衛六軍長史諸寺

評事元龜 邦計部 卷之五百六 十七

及詹事主簿詹事司直太子通事舍人東宮三寺丞

太子文學廣文助教千牛衛及率府長史七品陵丞

都水丞諸直長各二十四四門助教協律郎諸衛及六

軍衛佐較書正字奉禮大稅尚書都事九成宮總監

各十六典儀都水主簿率府衛佐諸司主事御史臺

主事各十二諸寺監內侍省詹事府司天臺錄事主

事各八王府掾屬錄事參軍主簿侍御醫兩市令中

書武庫署令武成王廟令司天丞各十內坊丞內寺

主王府判司王府國令諸司上局署令太子侍醫公

伯邑司總監丞司竹溫泉監七品陵廟令司天臺主

簿各六律學博士內謁者王府參軍諸司中局署令

王府大農諸上局署丞邑司丞天靈臺郎保章挈壺

正京苑四面監大嘗醫博士及醫監八品陵廟令尚

藥局司醫司竹溫泉監丞各四諸司中局署丞大理

獄丞鴻臚掌客諸司監善監作監事錄事計官屬佐

食醫掌輦大僕主乘僕寺典乘軍衛率府親勳翊府

兵曹典膳兩令司天臺司農司曆監候內坊典直內

侍省宮教博士大嘗寺樂正及醫卜正九品陵廟丞

苑四面監丞王府國丞尉按摩呪禁筮博士及針醫

助教諸總監主簿國子書筭及律助教各三八百九

千文

邦計部

十六員武官七十二員四品 各一十七千三百五十七文 一百三十

六員五品 各一十千八百文 九十六員六品 各七千九百五十七文 九十

八員七品 各六千一百一十四文 一百三十六員八品 各三千七百一

十二文 五百五十八員九品 各二千八百七十五文五分 並雜給

較簿每貫加五百文支給一十員諸衛上將軍左右

衛本料各六十千加糧賜等 每月各糧米六斗鹽七合五勺手力七人資一

十千五文私馬五匹草三百束料九石七斗五升隨

身十五人糧米九石鹽一斗一升三合五勺春衣布

一十五端絹三十匹冬衣綿細二員左右金吾衛 並

一十五疋絹三十匹綿三十屯 此 一十二員左右武衛等本料五十五千文加糧料

等 每戶手力五人資七千五百私馬四匹草三百三

十六匹綿二十四屯 一十六員諸衛大將軍左右

衛左右金吾衛本料四十千五百續加等 唯上隨有

物隨 人減 計左右武衛等雜衛本料三十六千文續加等

每月各手力四人資二千私馬三匹草一百六十束

料四石九斗五升隨身一十八人糧米六石春衣布

一十端絹三十匹冬衣絹十 三十員諸衛將軍左右

匹絹三十四疋綿二十七屯 衛左右金吾衛本料三十六千續加

衛本料三十千續加 每月手力各三人資四千五百

石三斗隨身八人糧米四十八斗春衣布八端絹六

一十六匹冬衣絹八匹絹一十六匹綿十六屯 六

負統軍本料各六十五千續加等 春冬衣一副每月

五勺私馬五匹草料同金 六軍大將軍本料各六十

吾隨身餘唯諸衛上將軍

千文續加並准諸衛大將軍六軍將軍本料三十千文續加

唯左武善射生神策大將軍本料三十六千文續加

雜衛將軍射生神策大將軍本料三十六千文續加

私馬五匹草料唯上隨身十四人七人給衣不給料

七人給糧米四石三斗五升春衣布一十四

端絹二十八匹鞋十四量冬衣絕射生神策將軍本

料三十千文續加私馬三匹草料唯上隨身一十二

米三石六斗九升春衣布十二端絹二十四匹鞋

十二量冬衣絕十二匹絹二十四匹綿二十四屯鞋

十二京兆府縣官唯兩縣簿尉減五千文余並同右

中書門下准去年十一月二十八日勅京官宜加料

錢准勅商量謹件如前勅旨依

二月詔以中外給用除陌及闕官俸外官一分職田

停額內官俸及刺史執刀司馬軍事等錢令實參專

掌之以給京文武官俸料先是京官俸簿多不自贍

帝時命有司厚其月給自是京官益重頗優裕焉初

除陌錢隸度支帝以度支自有兩稅及塩鐵推酒錢

物以充經費是錢宜別貯之給京官俸料之餘以備

他用自此戶部別庫歲貯錢物僅三百萬貫京師俸

料所費不過五十萬貫其京兆和雜物價及度支給

諸軍冬衣或闕悉以是錢充之他用之外嘗貯僅二

百萬貫國計賴焉八月勅唯田令永業田職事官從

一品郡王各五十頃國公若職事官正二品各四十

戶部元龜 邦計部 卷之五百六 二十

頃郡公若職事官從二品各三十五頃縣公若職事官從三品各二十頃侯若職事官正四品各十四頃伯若職事官從四品各十一頃

五年四月以太子少傅兼禮部尚書蕭昕爲工部尚書前太子少詹事常建爲秘書監並致仕仍給半祿料後授致仕官者並宜准此舊例致仕官給半祿及賜帛其俸料悉絕帝念歸老之臣時命賜其半焉致仕官給半祿料自昕等始也

十二月詔郡縣主聳有正員官停者郡主每季給錢七十千縣主每季給五十千郡縣主聳已亡歿者亦准此支給先是其主聳或官罷者頗不自給帝務於敦睦故有是命

七年三月戶部奏伏以周漢故事有功卽加地有罪卽奪國旣明賞罰方申沮勸其犯除名以上罪有實封准法合除比來因循兼不申舉自今以後應實封人或緣罪犯其堂省及本軍本使本貫奏狀請令並標實封戶數本犯州各同奏勅下戶部以爲憑據其犯法罪三分望奪一分流罪奪一半除名以上罪卽准法悉除並以本犯條論不在減贖之限其奉特勅貶謫驗制詞內所犯無正條者伏請准流罪奪一半

勅旨依奏

十一月詔郡主聳簡較四品京官者月給三十千歲給祿粟百二十石縣主聳簡較五品京官者給俸二十千祿粟百石其正官欲從舉選者聽之如登朝不用此制

八年七月減山南西道州縣官俸

八月戶部奏准貞元七年三月二十日勅節文比來食實封人多不依令式皆身歿之後子孫自申請傳襲伏請自今以後并今日以前應食實封人並一年內准式具合襲子孫官品年名并母氏嫡庶於本貫

陳牒如無本貫即於食封人本任本使申牒如合襲人有罪疾及身死者亦限一周年內申牒請立以次合襲人仍俱家口陳牒請附籍帳本貫勘責當家及近親如實是嫡長即與責保准式附貫然後申省到後即取文武職事三品正貲一人充保勅旨宜依十年二月詔曰君臣之際義莫重焉每聞薨殂深用惻悼宜厚哀榮之禮以申終始之恩文武朝臣有薨卒者自今以後其月俸料宜全給仍更准本官一月俸料以爲賻贈若諸司三品已上官及尚書省四品官仍令有司舉舊令聞奏行弔祭之禮務從優備用

稱朕懷初左庶子雷威以是月朔卒有司以故事計其月俸以月數給之帝聞之故有是命以廣恩澤無幾有致仕官卒者有司以官雖致仕而朝朔望請悉同正官卒者給賻從之

十一年八月屯田奏諸州府送納内外文武官職田及公廩田四至白簿等前件簿書准天寶十四年八月十二日勅每年六月十三日勘造申省如建本判官牒吏部先用闕本典准法科處者伏以地段佃戶並無改移隨年造簿實有勞費今請令諸州府及畿内縣三年一送違限者准勅科處勅旨每年造簿事乃近煩三年一申又為大簡如外官並須勘造切慮因此擾人宜令應管京官職田等州府所造文簿二年一送餘依

十二年四月禮部尚書李齊運奏當司本錢至少厨食闕絕請准秘書省大理寺例取戶部闕職官錢二千貫文充本收利以助公厨可之

是年御史中丞王顏奏簡勘足數十王厨二十貫十六

正宅三百九十二貫門下省三千九百七十貫中書省五百

九百九貫集賢院四千四百六十貫崇玄館五百貫弘文館

七百二十六貫太清宮一千三百一貫尚書都

省 一萬二百一十五 吏部尚書銓 三千一百八十 東

銓 二千四百四十五 西銓 二千四百三十三 南曹 五百

八十 甲庫 二百八十四 功狀院 二千五百 流外銓 三百

急書 五百 主事 五百 白院 五千六百二 考功 一千五

六貫一百 司勳 二百二十 兵部 六十五 五百二十 貫 戶

部 六千貫五百 工倉部 四百二十七 貫 兵部 三百 刑

部 六十 禮部 三千五百二十七 文 工部 四千三百二十九

文 御史臺 一萬八千五百 東都御史臺 五十 西京觀

察使 五千四十六 三衛使 五百 軍器使 二千一百九

三十 監食使 七十四 貫 秘書省 四千七 殿中省 二百

太嘗寺 一萬四千二百五 大嘗禮院 一千七

光祿寺 一百五十六 衛尉寺 一千二百四 宗正寺 一

大理寺 五千九十二 大僕寺 三千 鴻臚寺

司農寺 五千六百五 貫 大倉諸色共

大府寺 二千二百八十 左藏庫將作

監 七百三十四 文 大府寺 一貫六百三十三 文 左藏庫將作

少府監 六百七十八 中尚 七百七 國子監 三

詹事府 一千七百一十六 家令寺 七

僕寺 四百 左春坊 一百八十四 右春坊 二

崇文館 八百一 司天臺 二百八 皇城留守 一千

右金吾衛 九千 右金吾引駕仗 三千三百

右金吾衛 九千 右金吾引駕仗 三千三百

文右街使 一千八百六十貫八百三十文 左金吾衛 九千九貫五百文 左金

吾引駕仗 六千一百二十貫文 左街使 三千九百一十六貫三百八十文 總監

三千 四萬八千八百八十貫文 京兆府 九貫二百二十四文 京兆府御廨院 二

五百 貫文

十四年六月判度支于頔請收百官闕職田以贍軍

須從之

十五年十二月詔今年十月三日詔權減諸道

刺史判軍事料及專知勾當加手力課并減縣官毛

力門倉獄子園子館鐸廨宇等錢宜一切却仍舊初

獻計者言收諸道軍事錢及手力資課等當得百數

十萬貫可以助軍興于頔時判度支又贊成之及筭

計大數止於三十萬貫而數中更有耗柝雜破總十

餘萬貫輿議甚以為不便帝臯張建封又相次表言

所得至微所失大體因此人心頗不安故命復封也

冊府元龜

冊府元龜

俸祿二

卷之五十四

冊府元龜

巡按福建監察御史臣李嗣京 訂正

知長樂縣事臣夏允彝參閱

知建陽縣事臣黃國琦較釋

邦計部 二十五

俸祿第三

唐順宗以貞元二十一年正月即位制百官及在城諸使息利本錢徵放多年積成深弊內外官料錢職田等厚簿不均兩稅及諸色推稅錢物重輕須有損並宜委中書門下與所司商量其利害條件以聞不

冊府元龜 邦計部

卷之五十四

得擅有閉糴禁錢務令通濟又詔停內侍郭忠政等
十九人正員官俸錢

七月中書門下奏勅釐革京百司息利本錢應徵近
親及重攤保并遠年逃亡等今年四月十七日勅本
利并放訖其本事須借錢添填都計二萬五千九百
四十三貫六百九十九文伏以百司本錢久無踈理
年歲深遠亡失頗多食料旣虧公務則廢事須添借
令可支持伏望聖恩許令准數支給仍請以在藏庫
度支除陌錢克勅旨宜依

憲宗元和二年正月尚書左丞鄭元請取河中羨餘
錢三千貫文充助都省厨本從之前爲河中節度因
有是請議者以爲省司公膳自有成制苟或不足當
更請於上不宜以前任羨財而私加之也

六月中書門下上言伏以聖政惟新事必歸本近又
踈理五坊戶邑令府縣却收萬情欣喜出望外臣
等敢不釐革舊弊率先有司上副聖情用弘至理其
兩省納課陪厨戶及捉錢人摠一百二十四人臣當
司並不收管望各歸府縣從之

五年六月戶部侍郎判度支李夷簡奏應給食實封
官自貞元十三年已後節度使兼宰相每百戶給八

百端匹若是絹更給綿六百兩節度使不兼宰相每百戶給四百端匹軍使及金吾諸衛諸軍大將軍每百戶給三百五十端匹至貞元二十一年七月六日勅應食實封其節度使宜令百戶給八百端匹若是絹兼綿六百兩伏以食封本因賞功封之多少視功之厚薄不以官位散要別制等差其節度使兼宰相請准舊例餘節度不兼宰相准貞元二十年已前例處分從之

六年四月御史臺奏諸使慮有捉利錢戶請同臺省例如有過犯差遣並任府縣處置從之

五月御史中丞柳公綽奏請諸司諸使應有捉利錢戶其本司本使給戶人牒身稱准放免雜差遣夫役等如有過犯請牒送本司本使科責府縣不得擅有決罰仍永爲嘗式者臣昨因奉進止追勘閑廐使下利錢戶割耳進狀劉嘉和訢被所繇分外科配等事由因勘責劉嘉和所執牒身所引勅文簡勅不獲牒閑廐使勘勅下年月日又稱遠年文案失落今據閑廐使利錢案一使之下已有利錢戶八百餘人訪聞諸使並同此例戶免失役者通計數千家况犯罪之人又常僥倖所稱捉利錢戶先亦不得本錢百姓利

其牒身情願虛立保契文牒一定子孫相承至如劉嘉和情願充利錢戶事繇緣與人歐鬪打人頭破時便於閑廩使情願納利錢得牒身免府縣科決實亦不得本錢已具推問奏聞訖伏奉進止令臣具條流奏聞者今請諸司諸使所管官錢戶並依臺省舉本納利人例諸司諸使更不得妄有准勅給牒身免差遣夫役及有過犯許作府縣處分如官典有違請必科處使及長官奏聽進止其先給牒者並仰本司使收毀入後在人戶處收毀不盡其官典必有科責其捉錢戶元不得本錢者亦任便不納利庶得州府不失丁夫姦人免有僥倖勅旨宜依如已經處分後更有執此文牒求免差遣夫役者便委京兆府據罪科責仍具本司本使名御聞奏六月詔減教坊樂官衣糧

八月戶部侍郎李絳奏諸州闕官職田祿米及見任官抽一分職田請所在收貯以備水旱賑貸從之又詔百官職田其數甚廣今緣水潦諸處道路不通宜令所在貯錢充度支支用百官却令據數於大倉請受

十月詔河南水陸運陝府陝運潤州鎮海軍宣州採

石軍越州義軍洪州南昌軍福州靜海軍等使額並
宜停所收使已下俸料一事已上各委本道充代百
姓闕額兩稅仍具數聞奏如聞河南陝府兩處比來
所給皆是置本利息不破正錢勒便添充兩食錢雜
給不要更徵庶我愛人之心不止於惜費立制之意
必在於正名

閏十一月勅河中鳳翔易定四道州縣久破俸給至
微吏曹注官將同北遠在於理體切要均融宜以戶
部錢五萬五千貫文充加四道州縣官課料

七年六月加賜澤潞磁邢洛五州府縣官料錢

十二月以鄜坊邠等三州官吏近邊俸薄各加賜其
料錢

是年中書門下奏國家舊章依品制俸官一品月俸
三十千其餘職田祿米大約不過千石自一品已下
多少可知艱難已來綱禁漸弛於是增置使額厚請
俸錢故大曆中權臣月俸有至九千貫者列郡刺史
無大小給皆千貫嘗衮爲相始立限約至李泌又量
其閑劇隨事增加時謂通濟理難減削然有名存職
廢額去俸存閑劇之間厚薄頓異將爲定式須立嘗
規制從之乃命給事中段平仲中書舍人常貫之兵

部侍郎許孟容戶部侍郎李絳等詳定減省

九年八月詔諸司食料錢緣初令戶部出放已久散失頗多須有變通使其均濟其中書門下兩省及尚書省御史臺或務總樞機或職司彈糾而倍稱息利於體尤乖宜以戶部除陌錢每貫先收二十文數外更加五文委戶部別收貯計其所費逐處支給其本利錢先出放者宜各委本司勘會聞奏其合徵收者便充當司公廨什物添修等用其諸司食利亦准此勘會其合徵錢便充飯錢若數少不充以其前件除陌五文錢量所欠添本出放其所收五文錢每歲不闕添本之外合有所餘諸司廨宇破壞者便充修補緣諸司人吏轉遷不常新舊之間因緣乾沒諸稱走失職此之繇何後須令本判官勾當勒令一一交割者迺相公付仍委御史臺一人專知勘覆仍先具條流聞奏

十一月戶部奏准八月十五日勅諸司食利本錢出放已久散失頗多各委本司勘會其合徵錢數便充食錢若數少不充以除陌五文錢量其所欠添本出放者令准勅各牒諸司勘會得報據秘書省等三十二司牒應管食利本錢物五萬三千九百五十二貫

九百五十五文 各隨司被逃亡散失見在見徵數額與元置不同今但據元置數額而已

秘書省 三千三百八十 太嘗寺 六千七百二十 光祿

寺 一千二百九十 宗正寺 一百一十七 衛尉寺 一千

九貫六十四文 太僕寺 一千九貫 大理寺 五千九百二十四

五十貫 鴻臚寺 二千六百 司農寺 二千七百三十五 大府寺

九百文 殿中省 九百九十貫 詹事府 九十一貫

一千五百八 國子監 二千六百四十四 少府監 一千三百

三百七 將作監 一千六百一 左春坊 一千三百八 右

七百三 春坊 一千 司天臺 三百八 家令司 一千八百一 太僕

寺 四百三十六貫 總監 二千六百七 左藏庫 六百二

六百五十五文 尚食局 三百三十 尚舍局 三百七十四 尚輦局 一百

八貫文 太倉 二千四百一十五 內中局 六百三十六 萬年縣

三千四百 長安縣 二千七百四十五 左衛 五百四 左

貫六百文 司禦帥府 二百四 右司禦率府 一百 勅宜更委御史

臺子細簡勘具合徵放錢數及量諸司閑劇人日加

減條流奏聞

十二月勅北緣諸司食利錢出舉歲深為弊頗甚已

有釐革別給食錢其御史臺奏所勘責秘書省等三

十二司食利本錢數內有重攤轉保稱甚困窮者據

所欠本利並放其本戶中納利如有十倍以上者既

冊元事 邦計部

緣輸利歲久理亦可矜量准前本利並放其納經五倍以上從今年十二月以前應有欠利並放起元和十年正月以後准前計利徵收其餘人戶等計其倍數納利非多不可一例矜放宜並委本司准前徵納其諸司所徵到錢自今已後仍於五分之中常抽一分留添官本各勒本司以後相承收管其諸司應見徵納及續舉放所收利錢並准今年八月十五日勅充添脩當司廨宇什物及令史驅使官厨料等用仍委御史臺勾當每常至年終勘會處分其諸司除踈理外見在本錢據額更不得破用如有欠失即便勒

三王掌官典所繇等據數填備其中書門下兩省及尚書省御史臺應有食利錢外亦便令准此條流處分其諸司除此食利錢更別有諸色本錢不得妄援此例

十年正月御史臺奏秘書省等三十二司除踈外見在食利本錢應見徵納及續舉放所收利錢准勅並充添修當司廨宇什物及令史驅使官厨料等用准元和九年十二月二十九日勅仍委御史臺勾當每至年終勘會處分其諸司踈理外見在本錢據額不得破用如有欠失即便勒三王掌官典所繇等填陪者

其諸司食利本錢踈理外合徵收者請改案額爲元和十年新收置公廨本錢應緣添修廨宇什物及令史府史等厨並用勒本司據見在戶名錢數各置案曆三官通押逐委造帳印訖入案仍不得侵用本錢如人戶辨納本利錢縱都數未足亦勒據數與納召至別置案曆准前通押如至年終勘會欠少本利官典諸節級准法處分如正掌官典改移亦勒造帳交付承後官典具單帳報臺交割分明即給前官典牒知公驗如欠少本利送臺勘責具事由聞奏即冀官錢免至散失年額既定勾當有憑勅旨宜依

十一月勅新授右散騎嘗侍任廸簡秘書少監獨孤郁等如聞疾患日久未在視事其俸料等宜令所司任給

十一年八月勅京城百司諸軍諸使及諸道應差所由并召人捉本錢右御史中丞崔從奏前件捉錢人等比緣皆以私錢添雜官本所防耗所禱補官利近日訪聞商販富人投身要司依託官本廣求私利可徵索者自充家產或逋欠者證是官錢非理逼迫爲弊非一今請許捉錢戶添放私本不得過官本錢勘責有利並請設官仍量輕重科處其所放官本并許

添私本每舉放數足仰錢戶具所舉人姓名錢數狀報本司仰本司收連入案三官同押排科印記仍各隨錢人牒知如他時因有論競勘案曆不同不在與徵理之限庶官利不失私家獲安從之

九月東都御史臺奏當臺食利本錢從貞元十一年至元和十一年息利十倍以上者二十五戶從貞元十六年至元和十一年息利七倍以上者一百五十六戶從貞元二十年至元和十一年息利四倍以上者一百六十八戶伏見去年京畿諸司本錢並條流甄免其東都未蒙該及者竊以淮寇未平供饋尚切人力小弊衣食屢空及納息利年深正身既沒子孫又盡移徵親族旁食無支族散徵諸保保人逃死或所繇代納縱有釐老孤獨仰無所依立限踰年虛繫錢數公食屢闕人戶不堪伏乞天恩同京諸司例特甄減裁下勅旨從奏

十二年正月門下省奏應管食利本錢總三千四百九十八貫三百二十一文

宰相已下至主錄等食利三百七十八貫三百四十四

餘文直省院本錢准建中三年四月十五日勅以留院入錢置本

中書省奏當省食

利本錢共五千貫文

宰相已下官至主錄等食利錢一千貫直省院食利本錢准建

中三年四月勅准元和九年十二月九日勅令勘會

疎理其見在合徵錢准勅合充添修當司廨守什物其省院本錢緣是當院自歛置、請便充本院添厨等用勅旨依奏

四月勅京百官俸料從五月已後宜並給見錢其數內一半先給元佑匹段者卽據時估實數廻給見錢八月京兆尹竇易直請改職田法並入兩稅地事竟不行

十三年三月詔百司職田多少不均爲弊日久宜令每司各收職田草粟等數自長官已下據多少人作等差除留闕官物外分給

六月以德埭倉景四州頃遭水潦給復一年遂定四州官吏俸錢料刺史每月一百五十千望緊上縣令每月四十千餘有差

十四年三月屯田奏左右神策中尉准令式二品官令受田一十頃請取京兆府折衝府院戎場梁埒公廨等地七十七頃二十六畝八分數內取二十頃充前件官職田依奏

四月勅京畿二十二縣欠元和十四年京百司職田二十二萬九十一石束貫等京畿百姓聞甚艱貧頃差船運軍糧今又修營陵寢雖應緣驅役皆給價錢

而屢有役名頗妨農畝豈可更徵懸欠重使憂愁其所欠並宜蠲免其合受納所欠職田或見在官班各請厚俸或近終考秩稍有餘資宜體朕懷以寬人力是月重定淮西州縣等制及官吏祿俸以蔡州爲緊澗州爲上其刺史俸錢月一百八十千申光二州並爲中刺史月俸一百五千長史已下有差

十月御史中丞蕭俛奏應諸司諸軍諸使公廨諸色本利錢等伏緣臣當司及秘書省等三十二司利錢伏准今年七月十三日赦文至十倍者本利並放展轉攤保至五倍者本利並放緣前件諸司諸使諸軍

利錢節文並不該及其中有納利百姓見臣稱訴納利已至十部者未蒙一例處分來臣上達天聽臣已面陳奏訖伏以南北諸司事體無異納利百姓皆陛下赤子若恩澤均及則雨露無偏伏望聖慈特賜放免如凡臣所奏伏乞特降勅旨並進今年七月十三日赦文處分仍永爲定制勅旨依奏

穆宗以元和十五年正月即位二月詔內外百官食利錢十倍至五倍已上節級放免仍每經十年即內外官百司各錫錢一萬貫充本各據司大小公事開據及當司貧富作等第給付

六月勅朕聞帝王所重者國體所切者人情苟得其體必臻於太和如失其情是錄于小利况設官求理頒祿責功既有嘗數寧宜就減近者以每歲經費量人不充外官俸料據數抽貫再三思度終所未安穩念彼外方或先卑官一家所給三載言歸在公當其于縈廉受祿又苦於減剋待我庶吏豈其然乎雖憂國之誠固須贍助而恤人之慮將起怨咨必若水旱爲虞干戈未戢事非獲已人亦何辭今則幸遇豐登又方寧謐九州之內永絕妖氛三邊之上奠除烽警自宜剋已以足用安可剝下以爲謀臨軒載懷實所增愧其度支所准五月二日勅應給用錢每貫抽五十文都計一百五十萬貫文並宜停抽初宰相以國用不足故權請抽減諫官及言事者累陳表章以爲非便故復下此詔以罷之

八月賜教坊錢五千貫充本以收息利

長慶元年三月勅添給諸司本錢准元和十五年五月十一日勅內外百司准二月五日赦文宜共賜錢一萬貫文以戶部錢充仍令御史臺據司額大小公事開劇爲等第均配

七月制百司職田在京畿諸縣者訪問本地多被所

繇侵隱抑令貧戶佃食蒿荒百姓流亡半在於此宜委京兆府勘會均配務使公平

二年十月勅司徒兼中書令韓弘疾未全平尚須在假將息其俸料宜從勅下日便令所司支給

三年十一月賜內園本錢一萬貫軍器使三千貫

十二月賜五坊使錢五千貫賜威遠鎮軍錢一千貫以爲食利

四年五月勅近日訪聞京城米價稍貴須有通變以便公私宜令戶部應給百官俸料其中一半合給匹段者迴給官中所糴粟每斛折錢五十文其匹段委別貯至冬糴粟填納大倉時人以爲甚便

敬宗寶曆元年四月制京百司田散在畿內諸縣舊制配地出子歲月已深佃戶至有流亡官曹多領虛數今欲據額均入地盤萬戶供輸百司盡得隨稅出子逐畝平攤比量舊制孰爲允便宜委京兆府與屯田審勘計會條流聞奏

文宗太和元年三月鹽鐵使王播進停減鹽鐵官吏課料絹一萬六千三百匹

十一月嶺南觀察使胡証奏端康封三州刺史月俸錢請各給至一百貫文請當道自圓融支給從之

十二月殿中省奏尚食局新舊本錢總九百八十貫
文伏以尚食貧虛更無羨餘添給伏乞聖慈更賜添
本錢二千貫文許臣別條流方圓諸色改換收利支
用庶得不失公事勅旨賜本錢一千貫文以戶部五
文抽貫錢充

三年七月詔滄德二州州縣官吏等刺史每月料錢
八十貫錄事參軍三十五貫判司各置二人各二十
五貫縣令三十貫尉二十貫其令俸祿且以度支物
充仍半支省佑匹段半與實錢

四年七月勅吏部奏應比遠道州縣官課料錢請令
依元額計支給不得更有欠折勅旨依奏

是月勅應外任官帶一品正京官縱不知政事其俸
料宜付所司並令兼支

七年二月戶部侍郎庾敬休奏應文武九品已上每
月料錢一半合給匹段絲綿等伏以自冬涉春久無
雨雪米價稍貴人心未安自德音放免逋懸賑恤貧
下中外群庶已感聖慈至於衣冠之家素乏儲畜朝
夕取給猶足爲憂以臣愚見若令百官料錢內一半
停給匹段絲綿等廻太倉粟每斛計價七十文在衆
庶必見惟康於公家無所虧減待至麥熟米價稍賤

卽依前却給匹段等酌其事理庶叶變通勅旨宜依
八月勅中書門下省所將本錢與諸色人給驅使官
文牒於江淮諸道經紀每年納利並無元額許置如
聞皆是江淮富豪大戶納利殊少影庇至多私販茶
鹽頗撓文法州縣之弊莫甚於斯宜並勒停兩省先
給文牒仍盡追收其去年所減人數雖無挾名尚執
兩省文牒亦宜收訖聞奏以後不承正勅不在更置
之限

八年八月劔南東川觀察使楊嗣復言普渝合三州
刺史料錢及六十千者請自加給從之

九年正月勅中書門下兩省奏請依元和元年八月
六日勅各置捉錢官勅中書省宜置三十人門下省
置二十五人

六月詔宰相俸料宜准元和十四年已前例並給見
錢

十一月詔江西湖南以官健衣糧一百二十五分送
上都充宰相召雇手力是日中書門下上言宰相上
帝聖政下理群司若忠正無邪宗社所祐縱逢盜賊
兵不能傷若事涉隱欺心懷矯妄雖有防衛神得而
誅臣等願推赤心以荅聖獎孟軻知非臧氏孔子不

畏匡人其前件衣糧並請勒停依從前制置只以金吾司手力充引從從之

開成元年五月判國子祭酒事門下侍郎平章事鄭覃奏太學新置五經博士各一人屯田素無職田請依王府官品秩例賜以祿粟許之

二年八月戶部侍郎李班奏京諸司六品以下官請假徃外違假不到本官停給料錢勅旨違限停俸料宜依餘准令式

十月詔日書載堯典首陳睦族詩歌周德實羨維城朕嗣統百王憲章二代義雖本於叙族道無隗於尊賢式遵舊章爰舉成命嘉王運循王通通王嘗等皆孝敬恭懿敏裕齋莊播蘭蕙之清芬炳珪王之符采易陵沛獻詩掩楚元古人素風造次於是師氏典訓周旋以之固可以超金紫之貴階升台鉉之崇秩策勲詔爵以寵分茅並可金紫光祿大夫簡較司空賜上柱國仍依百官例給料錢勅簡較吏部尚書安王溶簡較兵部尚書穎王諒

武宗名

宜並依百官例賜料

錢

三年七月勅尚書省自長慶三年賜本錢後歲月滋久散失頗多或息利數重經恩放免或人戶逋欠無

廖徵收如聞尚書丞郎官入省日每事關供須議添
助除舊賜本錢徵利收及吏部告身錢外宜每月共
賜一百貫文委戶部逐月支付其本錢任准前收利
添充給用仍委都省納勒舊本及新添錢量多少均
配逐行分析聞奏須令占額用度不得妄有破除每
至季終委都省磨勘申中書門下

四年二月詔曰司徒兼中書令裴度盛有勲烈累任
台衡以疾恙未任謝上須加優異用示恩榮其本官
俸料宜起今日便付給所司

三月詔曰仙韶院樂官每月料錢數內減三百千轉

給翰林侍講太子少師王起起富於文學寬厚長者

為僕妾所有老年寒餒帝念以故老哀其貧窶故特
有加給起不知陳讓而與令人分俸急於苟得時論
議之

六月文宗御紫宸殿宰臣李珣奏堂厨食利錢一千
五百貫文供宰相香油蠟燭捉錢官三十人頗擾百
姓今勘文書堂頭共有一千餘貫所收利亦無幾臣
欲總收此錢用自不盡假令十年之後更無此錢直
令戶部供給亦得兩省亦有此錢臣亦欲商量共有
三百餘人在外求利米鹽細碎非國體所宜帝曰大
細碎楊嗣復曰百司食利實為煩碎自貞觀以後留

此弊法臣等即條流聞奏乃奏宰臣置厨提錢官並勒停其錢並本錢並追收勒堂後驅使官置庫收掌破用量入計費十年用盡後即據所須奏聽進止勅旨宜依

冊府元龜

冊府元龜

巡按福建監察御史臣李嗣京 訂正

知閩縣事 臣曹鼎臣 參閱

知建陽縣事 臣黃國琦 較釋

邦計部 二十六

俸祿第四

唐武宗以開成五年正月即位二月制曰諸道承乏官等雖云假攝當責課程但需一半料錢不獲雜給料例自此手力紙筆特委中書門下條流貴在酌中共為均濟

三月中書門下奏准今年二月八日赦節文應京諸司勒留官令本處尅留手力雜給錢與攝官者臣等檢詳諸道正官料錢絕少雜給手力即多今正勒留亦管公事俸入多少事未得中臣等商量其料錢雜給等錢望每貫割留二百文典攝官其職田祿米全還正官從之

五月中書奏准今年二月八日赦節文應諸色勾留官令尅下手力雜給等與本道州府充攝官課料無本司起請者臣等詳檢諸道官員俸料不一或正官料錢絕少雜給雜料過多若准赦文手力紙筆並令

尅不則正官勾留亦領公事所請俸料不如攝官既未得中亦恐難守本司既無起請中書門下須與條流臣等商量應諸色勾留官正料及手力課雜職課雜給雜料紙筆等錢望各委本州都計錢數每貫尅二百文充攝官俸料其職田祿粟米望令全還正官不在計入諸色錢數之限臣等又以諸州長馬本是散員判司簿尉或須假攝其所尅留錢望委州司酌量閑剩差署均融多少支給亦不要各占本色錢數及填滿缺員仍令每至歲終分析申報戶部從之

會昌元年二月中書奏河東隴右諸州或興王舊都

或陪京近地州縣之職人合樂爲祇緣祿俸寡薄官同北遠元和六年閏十二月十二日及元和七年十二月二十四日勅河東鳳翔鄜坊邠州易定等道令戶部加給課料錢共六萬二千五百貫文曹省出得平留官數百員時議以爲至當自後訪聞戶部所給零碎兼不及時觀察使以其虛拆皆別將破用徒有加給不及官人近地好官依前比遠伏望今日已後令戶部却興實物仍及時支遣諸道並委觀察判官專判此案隨月加給官人不得別將破用如有遠越觀察判官遠貶觀察使奏取進止有選人官成後皆于城中舉債到任填還致其貪求罔不繇此其今年河東隴州鄜坊邠州新授比遠官等許連狀相保戶部各借兩月加給料錢至支給時尅下所與初官到任不滯息債衣食稍足可責清廉從之

四月河南府奏當府食利本錢出舉與人勅旨河南府所置本錢用有名額既無別賜所闕則多宜令改正名額依舊收利充用

六月河中晉絳慈隰等州觀察使孫簡奏准赦書節文量縣大小各置本錢逐月四分收利供給不乘驛前觀察使刺史前任臺省官等晉慈隰三州各置本

錢訖得絳州申稱無錢置本令使司量貸錢二百貫
充置本以當州合送使錢充勅旨宜依仍付所司
是月戶部奏准正月九日勅文放免諸司食利錢每
年別賜錢三萬貫文充諸司公用今准赦文酌量閑
劇率配如後准長慶三年十二月九日勅賜諸司食
利本錢共八萬四千五百貫文四分收利一年祇當
四萬九百九十二貫文今據赦文所賜錢三萬貫文
若據舊數率配即欠一萬九百九十二貫不足今請
落下徵錢驅使官每貫二百文課並更請於合給錢
內四分中落一分均攤分配長慶三年得新賜錢三
十二司外更有剩錢五百四貫八百文便將此錢均
給東都臺省等一十四司祇用新賜錢三萬貫文並
得充足諸司雖落下一分錢緣置驅使官員於人戶
上徵錢皆被延引或人逃散失落嘗不得足雖有四
分收利之名而無三分得利之實今新賜錢入日便
請更無懸欠用即可足繁劇司比有官錢出放欠亦
侵用本錢今既無本錢支料須足伏緣中書門下公
事不同諸司恐不可落下一分及徵錢人課今請每
月並舊錢添至三百貫文其御史臺頻得報牒稱本
錢數多支用處廣雖有諸道贓罰錢公用嘗不充足

今請每月合得利錢數外每月更添至三百貫文內侍省據自司報牒稱省內公用稍廣利錢比於諸司最多今請於合得錢外亦添至三百貫文兵部吏部尚書等銓一十一司緣有舊本錢准勅放免又有公事今請每月共與一百五十貫文并中書門下御史臺及兵吏部諸銓每年共當六千八百二十九貫六百文伏緣三萬貫文均給諸司已盡臣今於新賜外更請添賜上件錢所費不廣所利至多則內外諸司永得優足伏望聖恩允臣所奏其諸司分配賜錢若據諸司牒報見收利多少分配或以人戶逃散經恩放免見在本錢所存無幾其間有三五司自方圓致本數即稍多事例不同難於均一人吏得以欺隱實數不可交尋今請依長慶三年十二月九日均賜錢勅額分配新賜錢三萬貫事有根柢亦得均平酌量閑劇皆有所據其逐日錢數多少續具子細分析聞奏勅旨宜依

二年正月勅去年赦書所放食利祗是外百司食錢令戶部共賜錢訖若先假以食利爲先將充公用者並不在放免如聞內諸司息利錢皆以食利爲名百姓因此亦求蠲免宜各委所司不在放免限

六年二月詔以諸道鑄錢已有次第須令舊錢流布
縮價稍增文武百寮俸料起三月一日並給見錢其
一半先給虛匹段對估時價支給

三月戶部奏百官俸料一半匹段給見錢則例勅旨
其一半先給元佑匹段者宜令戶部准元和十二年
四月十三日勅例每貫給見錢四百文使起四月以
後支給

八月勅夏州等四道土無絲蠶地絕征賦自節度使
以下俸料賞設皆尅官褫衣糧所以兵占虛名軍無
戰士緩急寇至無以支敵將欲責課又皆有詞須有

商量用革前弊夏州靈武振武節度使宜每月各給
料錢厨錢共三百貫文監軍每月一百五十貫文別
勅判官每月五十貫文節度副使每月七十貫文判
官掌書記觀察判官每月各五十貫文推官四十貫
文賞設每道每年給五千貫文修器械每道給二千
貫文天德軍使料錢厨錢每月共給二百貫文監軍
每月二百貫文都防禦副使每月五十貫文判官每
月四十貫文巡官每月三十貫文賞設每年給三千
貫文修器仗每年一千貫文如以後依前兵額下實
器仗不修其本判官重加貶降王師別舉處分其所

給料錢等並以戶部錢物充起十月支給一年以後仍每秋一度差御史一人點簡兵士器仗聞奏

十月京兆府奏諸縣徵納京百司官秋職田斛斗等伏請從今已後却准會昌三年已前舊例上司官斛斗勒人戶使自送納所異輪納簡便百官各得本分職田縣司所由無因隱欺者並從之

十二月中書門下奏應諸州刺史既欲責其繁已須令俸祿稍充但以厚薄不同等給無制致使俸薄處無人願去祿厚處終日爭先應諸中下州司馬軍事俸料共不滿一百千者諸添至一百千其繁上州不

滿一百五十千者請添至一百五十千其雄望州不滿二百千者請添至二百千其先已過者即得仍舊並任於軍事雜錢中方圓置本收利充給如別帶使額者並仍舊不在添限勅旨依准奏

宣宗大中元年十月屯田奏應內外官請職田陸田限三月三十日水田限四月三十日麥田限九月三十日已前上者入後人已後上者入前人伏以令式之中並不該閏月每遇閏月交替者即公牒紛紜有司即無定條莫知所守伏以公田給使須准期程時限未明實恐遺闕今請至前件月遇閏即以十五日

爲定式十五日已前上者入後人已後上者入前人
據今條其元闕職田並限六月三十日春麥限三月
三十日宿麥限十二月三十日已前上者入新人已
後上者並入舊人今亦請至前件月遇閏即以十五
日爲定式所與給受有制永無訐論勅曰五歲再閏
固在不刊二稔職田須有定制自此已後宜依屯田
所奏永爲嘗式

三年九月勅秦州刺史並秦成兩州經略天雄軍使
職田夏小麥共八十石秋粟一百二十石原威州刺
史職田夏小麥各二十三石秋粟各六十六石七斗
又勅秦州刺史祿粟每月給五十一石原州威州刺
史祿粟每月各給四十一石

四年正月勅設官分局各有主張其於在公責辦斯
切諸州府及縣官到任已後多請遠假或稱周親疾
病或言將赴婚姻令式既有假名長吏難爲止遏遂
使本曹公事併委北廳手力俸錢盡爲已有勤勞責
罰則在他人須有條流俾其兼濟其諸州府縣官如
請公廨假故一月已下卽任權差諸廳判官一月已
下卽任權差諸廳判官一月已上卽准勾留例其課
料等據數每尅二百文與見判案官添給九月賜張

直方簡較工部尚書料錢直方仲武之子以其全家歸闕故優假之

哀帝天祐元年八月四鎮節度使朱全忠進汴滑監軍使俸料絹四千匹充百官八月九日俸錢

九月勅奉太后慈旨以兩司綱運未來百官事力多闕旦夕霜冷深軫所懷令於內庫方圓銀二千一百七十二兩充見任文武嘗參官救接委御史臺依品秩分俸

二年四月勅文武二柄國家大綱東西兩班官職同體咸禪聖運共列朝廷品秩相對於高卑祿俸皆均於厚薄不論前代祗考本朝太宗皇帝以中外臣寮文武參用或自軍衛而居臺省亦繇衣冠而秉節旄足可明武列文班不合分清濁優劣近代浮薄相尚凌蔑舊章假偃武以修文競棄本而逐末雖藍衫魚章簡一見而便許昇堂縱拖紫腰金若非類而無繇接席以是顯揚榮辱分別重輕遽失人心蓋隳朝體致其今日實此之由須議更改漸期通濟文武百官自一品已下逐日所給料錢並須均勻數目多少一般支給兼差使諸道亦依輪次既就公平必期開泰凡百臣庶宜體朕懷

三年三月詔日所有百官俸料實繫國用盈虛昨自去冬令給全俸及支遣之後公帑不充蓋道途初通網運未集徒挂憂勤之念尚牽經費之資若不議均分則必至懸絕量其物用須有指揮其百官逐月料錢宜令左藏庫自今年正月支半俸

梁太祖開平三年正月詔日秩俸所以養賢而勵奉公也兵車未戢貢賦莫克朝謁甚勤祿廩蓋寡朕今啓建都市已畢郊禋職采至多費用差少其百官逐月俸料委左藏庫依前例全給後唐莊宗同光元年十月勅如開京百官俸錢至薄骨肉數多支贍不充朝夕難遣爲庭時刻削嚴急不敢披陳今既混同是行優卹下御史臺在班行有欲求外職或要分司各許於中書門下投狀奏聞

三年二月租庸院奏諸道州縣官並防禦團練副使判官等俸料各據逐處供到事例文帳內點簡舊來支遣則例錢數不等所折給物色又加擡錢數不定難爲勘會合除東京管內州縣官見支手力課錢且依舊外其三京並諸州約舊日支遣料錢等重定則例兼切循本朝事體防禦團練除副使判官外其餘推巡已下職員皆是本使自要辟請圓融月俸贍給

亦乞依舊規繩省司更不給支錢物其防禦團練副使判官副使逐月料錢三十貫文實判官逐月二十貫文實刺史州元無副使若有請廢其軍事判官所有月俸亦是刺史俸內支贍三京少尹料錢逐月三十貫文實赤縣令每月正授料錢二十五貫文實主簿每月料錢一十二貫文實畿縣令每月料錢二十貫文實主簿每月料錢一十貫文實司錄參軍每月料錢二十貫文實諸曹判司每月料錢一十二貫文實文學參軍每月料錢五貫文實諸州府錄事參軍各依逐州上縣令支州司判司各依逐州上縣主簿

支一萬戶已上縣縣令每月料錢二十三貫文實主簿每月料錢一十二貫五百文實九千戶已上縣縣令每月料錢二十二貫文實主簿每月料錢一十二貫文實八千戶已上縣縣令每月料錢二十一貫文實主簿每月支一十貫五百文實七千戶已上縣縣令每月支二十貫文實主簿每月支一十一貫文實六千戶已上縣縣令每月支一十九貫文實主簿每月支一十貫五百文實五千戶已上縣縣令每月支一十八貫文實主簿每月支一十貫文實四千戶已上縣縣令每月支一十七貫文實主簿每月支九貫

五百文實三千戶已上縣縣令每月支一十九貫文
實主簿每月支九貫文實二千五百戶已上縣縣令
每月支一十三貫文實主簿每月支八貫五百文實
二千戶已上縣縣令每月支一十四貫文實主簿每
月支八貫文實一千五百戶已上縣縣令每月支一
十三貫文實主簿每月支七貫五百文實一千戶已
上縣縣令每月支一十二貫文實主簿每月支七貫
文實五百戶已上縣縣令每月支一十一貫文實主
簿每月支六貫五百文實五百戶已上縣令每月支
一十貫文實主簿每月支六貫文實自赤縣令已下
考滿并差攝比正官並支一半如諸道舊有田處令
後不得占留開破並依百例輸稅奉勅宜依

是月租庸院奏新定四京及諸道副使判官已下俸
料請降勅各下逐處支遣兼除所置副使判官掌書
記推官外如本處更安排簡置官員即勒本道節使
自脩請給不得正破係省錢物其諸道藩鎮請祗置
節度副使節度副使每月料錢四十貫文依除實錢
厨料米一石麵二石肉價錢三貫文蒿六十束柴三
十束春服絹一十五匹冬服絹一十五匹綿三十兩
私馬二匹草料節度觀察判官料錢每月三十貫文

依除實錢厨料米六斛麩一石五斛肉價錢二貫蒿四十束柴二十束春服絹一十二匹冬服絹一十二匹綿二十五兩私馬一匹草料節度掌書記料錢每月二十五貫文依除實錢厨米六斛麩一石二斛肉價錢一貫五百文蒿三十束柴一十五束春服絹一十匹冬服絹一十匹綿二十兩私馬一匹草料留守兼判六軍請置副使判官推官三員副使依節度副使例判官依節度觀察判官例推官依諸道推官例留守不判六軍請置判官推官二員判官依節度觀察判官例推官依諸道推官例四京府請祗置推官一員如已有判官即不置推官其請受准留守推官例其料錢准百官例折支所有厨料時服等即給本色勅宜令諸道節鎮依舊更置觀察支使一員其俸料春冬衣賜仍准掌書記例支遣餘依租庸院所奏明宗天成元年十月水部員外郎劉知新奏尚書省京師會府輦轂繁司奏議雖委於官寮行遣亦資於胥史六典之制官吏有俸有糧其尚書省諸司令史伏請給賜月糧俾其奉職

二年十月詔日策名筮仕誠切於進身制祿命官儀從於責實既懲黷貨宜有代耕應天下州縣官員逐

月俸料如聞支給多不及時縱或支遣皆是爛弱斛
斗既闕供須難責蕪慎自北隨處官員所破料錢宜
令涿縣人戶於合送納稅物內計折充支一則免勞
人戶輸送一則便於官寮仍下三司速與計度

四年七月給事中許光義奏請支令錄實料錢責於
守法

八月北京奏留守巡官料錢未有省司則例取勅旨
承前使府置判官皆本使臨時辭請無朝廷除拜之

例同光初租庸使亂譙以軍儲諸給白於郭崇韜諸
道奏請判官員外數過多徒費軍食諸為定額乃
奏使幕祕置節度觀察判官書記支使推官十一員
留守置判官各一員二京府置判官餘並罷俸設自

前使判官三十千已降有差謬又奏百官俸錢數目
人多析支非實請減半數皆支實錢並從之洎同光
未謙得罪廢租庸使額譙之弊政皆削除惟有定官
員減俸之事因循未革所及一半實俸餘從虛折議
若非

長興二年閏五月起居郎曹琛奏兩班或請假歸寧
或染病未損纒注班簿便任料錢勅旨有禮於君克
勤於國為臣所重自古皆然其或令朝不朝即虧匪
懈無病稱病亦屬自欺儻異下米須資勿藥卧疾非
人情所欲歸寧光孝治之朝曹琛所奏文武官員請
歸寧准式假及實卧病者並許支給本官料錢宜依
或有託病不赴朝參故涉曠怠者慢於事君何以食

俸祿四
祿如聞糾奏當責尤違

是月勅諸道行軍司馬副使判官已下賓寮等考滿
未有使贖人宜令並全支俸料元不在省司給俸者
不在此例

八月勅刑法之司朝廷重委是以前王應運必繇獄
訟所歸庶物無冤然後陰陽式序豈獨繫於彼相實
亦賴於有司異致和平共期仁壽宜示優崇之道以
明獎激之方此後大理寺官員宜同臺省官吏昇進
其法直北禮直官任使庶皆知勸咸切奉公如有能
雪冤疑則別議超擢苟舞弄文法必舉憲章明懸黜

陟之科貴益公忠之懇御史臺每月支錢三百貫充
曹司人力紙筆糧課其大理寺先支錢二十貫文與
臺中此類全少刑部一司則未曾支給宜於兩班罰
錢及三京諸道贓罰錢內每月支錢一百貫文賜兩
司其刑部官吏人力不多兼使紙筆較少宜於所賜
一百貫內三分支與一分

十月將作丞襲封介國公宇文頡奏蒙恩襲封除官
無襲爵俸給詔時給本官俸

三年五月樞密使范延光等奏諸道指揮使月俸未
有定制請大藩鎮都指揮使月賜料錢三十貫糧二

十石春衣十五匹冬衣二十五匹其餘藩府約此爲等第從之

七月范延光奏侍衛親軍都指揮與小指揮每月料錢春冬衣賜元一例支給無等差昨併省軍都自捧聖嚴衛相羽林已下逐廂都指揮使新定各管禁兵五千人欲爲等第每月添支料錢各三十千糧十五石衙官糧十分從之

四年七月辛丑以親直指揮使王敬遷領高州刺史奉化左廂都指揮使烏敬千領漳州刺史神武右廂都指揮使安彥珣領融州刺史神武右廂都指揮使李彥超領邠州刺史內直都指揮使薛懷德領巒州刺史將較賞功遙領郡牧而以郡之高下給刺史俸料故也

九月范延光奏隔在兩川兵士家口自來支給衣糧今緣國計不克欲權停支給帝曰彼非願留因事睽阻父子似離非人情也不可頓絕支給其間願歸鄉貫者從之如有子弟許繼其父兄本軍各糧如無鄉里可歸無子弟承繼且糧支一半以是曉喻其家

愍帝以長興四年卽位十一月前邠州軍事判官張東周獻封事判官及長史司馬無料錢處請權停祿

曹一員以本官料錢支給從之

末帝清泰元年七月詔洋王從璋涇王從敏月各給俸錢一十萬米麥各五十石僉三十人衣糧馬十五

匹芻粟

二王自方鎮入朝自是留守洛陽

晉高祖天福二年十月詳定院奏前隰州蒲縣令竇溫顏進策一十一件可行者有二其一曰伏見所在縣今有差配百姓紙筆及課錢戶者朝廷付以宰字貴要撫綏支給料錢合專慎守逐日紙筆之用所費不多隨處等力之名皆有定數多是擅放甚爲貪污時望降以嚴條除其宿弊伏慮州縣官逐月所給正

俸皆無見錢使府給配之時皆是虛頭計算伏請州縣官所給料錢雜物准折一依逐處時估者臣等叅詳凡關課戶皆是強名縣宰將治凋疲不合別生羗配據茲條件請賜改更所給料錢難議條理勅旨宜並施行

六年二月甲午詔諸衛上將軍月增俸錢二萬

少帝天福八年二月權知開封府事邊蔚逐月支錢七十貫米五石麵十石僉人十人日食十匹馬草料別支公用米二十石麵五十石羊二十口每年麵三十斤錢四百貫

漢少帝乾祐三年七月勅節文諸道州府令祿判司
 主簿宜並等第支與俸戶每月納錢五百文與除二
 稅外免放雜差遣不得更種職田所定俸戶於中等
 無色役人戶內差置不得令當直及赴衙參如有關
 額及不達明申州府差填不得裏私替換若是令錄
 判司主簿除本分人數外剩占一人俸戶及今當直
 手力更納課錢並許百姓陳告事若不虛其陳告人
 與免戶下諸雜差徭所犯人追毀告身配遞力役如
 令佐錄事矣軍內有員闕州府差攝亦依例支與俸
 錢其差攝曹官不得援例供破內三千以上縣令逐

月一十貫文主簿六貫文一千戶已上至三千戶縣
 令八貫文主簿五貫文一千戶以下縣令六貫文主
 簿四貫文錄事參軍判司依本部內戶口取最多縣
 分例支破其錄事參軍依縣令例判司即依主簿例
 周太祖廣順元年四月勅牧守之任委遇非輕分憂
 之務既同制祿之數宜等自前者富庶之郡請給則
 優或邊遠之州俸料素薄以至遷除之際擬議亦難
 既論資叙之高低又患祿秩之昇降所宜分多益寡
 均利同恩莫無黨偏以勸勳効今重定則例者州防
 禦使料錢二百貫祿粟百石食鹽五石馬十匹草粟

元隨三十人衣糧團練使料錢一百五十貫祿粟七十石食鹽五石馬十匹草粟元隨三十人衣糧刺史料錢一百貫祿粟五十石食鹽五石馬五匹草粟元隨二十人衣糧仍取今年五月一日後到任者依新定例支其已前在任者所請如故

世宗顯德三年十二月調特臣日文武百寮所請俸給支遣之時非唯後於諸軍抑亦又多折估豈均養之理邪如其有過朕不敢私責重俸薄甚無謂也此後並宜支與實錢

五年十二月中書奏諸道州府縣官及軍事判官一

例逐月各遞逐處主戶等第依下項例別定料錢及米麥等取顯德六年三月一日後起支其俸戶並停廢一萬戶已上縣縣令逐月料錢二十貫米麥共五石主簿料錢一十二貫米麥共三石七千戶已上縣縣令每月料錢一十八貫米麥共五石主簿料錢一十貫米麥共三石五千戶已上縣縣令逐月料錢一十五貫米麥共四石主簿料錢八貫米麥共三石三千戶已上縣縣令逐月料錢一十二貫米麥共四石主簿料錢七貫文米麥共二石不滿三千戶縣縣令逐月料錢一十貫米麥共三石主簿料錢六貫米麥

共二石五萬戶已上州司錄錄事叅軍及兩京司錄
每月料錢二十貫米麥共五石司戶司法每月料錢
一十貫米麥共三石三萬戶已上州司錄錄事叅軍
每月料錢一十八貫米麥共五石司戶司法料錢八
貫米麥共三石一萬戶已上州司錄錄事叅軍每月
料錢一十五貫米麥共四石司戶司法每月料錢七
貫米麥共三石五千戶已上州司錄錄事叅軍每月
料錢十二貫米麥共四石司戶司法每月料錢六貫
米麥共二石不滿五千戶州錄事叅軍每月料錢一
十貫米麥共三石司戶司法每月料錢五貫米麥共
二石諸州軍事判官一例每月料錢一十貫米麥共
二石其諸州府京百司內諸司州縣官課戶莊戶俸
戶柴炭紙筆戶等望令本州及簡田使臣依前項指
揮勒歸州縣候施行畢具戶數聞奏仍差本判官精
細點簡如他後差使臣點簡及有人論訴稱其漏落
祗罪在本判官及行繫官典如今後更有人戶願充
此等戶者便仰本州勒充軍戶配本州牢城執役從
之
六年十二月詔諸道州府攝官起今後支給本官所
請俸錢之半

冊府元龜

冊府元龜

巡按福建監察御史臣李嗣京 訂正

知 甌寧縣事 臣 孫以敬參閱

知 建陽縣事 臣 黃國琦較釋

邦計部 二十七

鬻爵贖罪

商書曰德懋懋官不聞以賄也秦漢以來乃懸納粟之令開鬻爵之品及黽錯建議并許贖罪其初或因歲之薦饑兵之屢出邊陲餽運國用虛乏因立從權之制以濟一時之務至於免轉餉之役無讐歛之煩

斯亦足食之奇策愛民之深旨也厥後作法於貪流風盜蠹乃有貯之別庫入於私門寢以成弊莫之能救還於蠲課役之戶度釋老之徒條制彌煩驅役不已政典益壞俗化彌薄仲尼曰惟名與器不可以假人固在上者之所慎自非因時救急不得已者非可擬議焉

秦始皇四年十月庚寅蝗蟲從東方蔽天天下疫百姓內粟千石拜爵一級

漢惠帝元年十二月詔民有罪得買爵三十級以免死罪

六年十月令民得買爵

文帝後六年四月詔民得買爵時中大夫鼂錯說帝

曰聖王在上而民不凍饑者非能耕而食之織而衣之也為開其資財之道也故堯禹有九年之水湯有

七年之旱而國亡捐瘠者損謂民有饑相棄捐者瘠者以畜積多而備先具也今海內為一土地人民之

衆不避湯禹加以亡天災數年之水旱而畜積未及者何也地有遺利民有餘力生穀之士未盡墾山澤

之利未盡出也游食之民未盡歸農也民貧則姦邪生貧生於不足不足生於不農不農則不地若不地

著則離鄉輕家民如鳥獸雖有高城深池嚴法重刑猶不能禁也夫寒之於衣不待輕暖風霜不求靡麗也饑之

於食不待其旨旨美也饑寒至身不顧廉恥人情一日

不再食則饑終歲不製衣則寒夫腹饑不得食膚寒

不得衣雖慈父不能保其子君安能以有其民哉明

主知其然也故務民於農桑薄賦歛廣蓄積以實笮

廩備水旱故民可得而有也民者在上所以收之趨

利如水走下四方亡擇也夫珠玉金錢饑不可食寒

不可衣然而衆貴之者以上用之故也其爲物輕微

易蓄在於把握可以周海內而亡饑寒之患周謂周編而游

行此令臣輕背其主而民易去其鄉盜賊有所勸亡

逃者得輕資也粟米布帛生於地長於時聚於力非

可一日成也數石之重中人弗勝中人者處強弱之中也不爲

姦邪所利一日弗得而饑寒至是故明君貴五穀而

賤金玉今農夫五口之家其服役者不下二人服事也給

公事之役也其能耕者不過百畝百畝之收不過百石春

耕夏耘秋穫冬藏伐薪樵治官府給繇役春不得避

風塵夏不得避暑熱秋不得避陰雨冬不得避寒凍

四時之間亡日休息又私自送往迎來弔死問疾養

孤長幼在其中勤苦如此尚復被水旱之災急政暴

虐賦歛不時朝令而暮改當其有者半買而賣本有千錢

者止得五百也亡者取倍稱之息取一償二為倍稱舉稱於也今俗所謂舉錢者也

是有賣田宅鬻子孫以償債者矣而商賈大者積貯

倍息小者坐列販賣行賣日商坐販日賈列販若市中賣物行也操其奇

贏日游都市奇贏謂有餘財蓄聚奇異之物也一說殘餘長也乘上之急所

賣必倍上所急求其償倍貴故其男不耕耘女不蠶織衣必文

采食必梁肉梁好粟也亡農夫之苦有什伯之得什謂千錢伯謂

伯錢也今俗猶謂百錢為一百因其富厚交通王侯力過吏執以利

相傾千里游遨冠蓋相望乘堅策肥履絲曳縞乘堅謂好車也縞素也此商人所以流亡者也今法律賤商

人商人已富貴矣尊農夫農夫已貧賤矣故俗之所

貴主之所賤也吏之所卑法之所尊也上下相反好

惡乖迕迕違也而欲國富法立不可得也方今之務莫

若使民務農而已矣欲民務農在於貴粟貴粟之道

在於使民以粟為賞罰今募天下入粟縣官得以拜

爵得以除罪如此富民有爵農民有所謀謀散也夫能

入粟以受爵皆有餘者也取於有餘以供上用則貧

民之賦可損損減也所謂損有餘補不足令出而民利

者也順於民心所補者三一日主用足二日民賦少

三日勸農功令民有車騎馬一匹者復卒三人復三卒之

刑律元典 刑律元典 卷之五百九 四

筭錢也或曰除三夫不作甲卒也又曰車騎者天下

武備也故為復卒神農之教日有石城十仞八尺日

申臂之湯池百步池城邊池也以沸湯為池帶甲百

萬而亡粟弗能守也以是觀之粟者王者大用政之

本務令民入粟受爵至五大夫以上乃復一人耳五

夫第九此其與騎馬之功相去遠矣爵者上之所植

出於口而亡窮也粟者民之所種生於地而不乏

夫得高爵與免罪人之所甚欲也使天下人人入粟於

邊以受爵免罪不過三歲塞下之粟必多矣於是文

帝從錯之言令民入粟於邊三百石爵上造上造第

也稍增至四千石以五大夫萬二千石為大庶長大

長第十八各以多少級數為差景帝時上郡以西旱

復修賣爵令而裁其賈以招民裁謂減省之也及徒復作得

輸粟於縣官以除罪時司馬相如以賞為郎

武帝時事邊府庫並虛乃募民能入奴婢先為郎者

增秩及入半者為郎庶人入奴婢則復終身先為郎

復終身多者得為郎者就增其秩也一日奴婢少者

舊舍郎更增秩也後衛青比歲十餘萬衆擊胡比

頻歲也斬捕首虜之士受賜黃金二十餘萬斤而漢軍

士馬死者十餘萬兵甲轉漕之費不與焉於是大司

農陳賦錢經用賦稅既竭不足以奉戰士陳謂列奏之經常也

既書也言常用之

錢及諸賦秩並竭有司請令民得買爵及贖禁故免

減罪請置賞官名曰武功爵

茂陵中書有武爵一級日造士二級日閑輿衛

三級日良士四級日元戎士五級日官首六級日乘

鐸七級日千夫八級日樂卿九級日執戎十級日政

侯庶長十一級日軍衛此級十七萬凡直三十餘萬

武帝所制以寵軍功也

金諸買武功爵官首者使補吏先除千夫如五大夫

五大夫舊二十等爵之第九級也至此以下始免徭

役故每先選以為吏千夫者武功十一等爵之第七

也亦得免役今則先除其有罪又減二等爵皆至樂

為吏比於五大夫也

卿樂卿者武功爵第八等也臣顯軍功軍功多用超

言買爵唯得至第八也

等大者封侯卿大夫小者郎吏道雜而多端則官職

耗廢於是以東郭咸陽孔愷為大農丞

姓東郭名咸陽並孔愷二

也咸陽齊之大鬻監孔愷南陽大冶皆致產累千金

是時豪富皆匿財唯卜式數求入財以助縣官天子

乃超拜式為中郎賜爵左庶長田十頃布告天下以

風百姓其後桑弘羊為大司農中丞管設會計事始

令吏得入穀補官郎至六百石吏遷補高官郎又就增其秩得至六百石

也近臣所忠言世家子弟富人或鬪鷄走狗弋獵博

戲亂齊民所姓忠名也乃徵諸犯令相引數千人名曰株

送徒入財者得補郎郎選衰矣諸坐博戲事史為徒者能入錢得補郎或

日被引者為其根株所送當充徒役而能入財者即當補郎時江充為直指繡衣

使者督三輔盜賊禁察踰後貴戚近臣多屠僭充皆

舉刻奏請沒入車馬令身待北軍擊匈奴令貴戚身待於北軍

也奏可充即移書光祿勳中黃門逮召近臣侍中諸

當詣北軍者移劾門衛禁止無令得出入宮殿於是

貴戚子弟惶恐皆見帝叩頭求哀願得入錢贖罪帝

許之令各以秩次輸錢北軍凡數千萬

大漢三年九月令死罪入贖錢五十萬減死一等

大始二年秋旱九月募死罪人贖錢五十萬減死一

等

黃霸字次公淮陽陽夏人以豪傑役使徒雲陵身為豪傑

而役鄉霸少學律令喜為吏喜謂愛好也武帝末以待詔

入錢賞官補侍郎謁者因入錢而坐同產有過劾免

同產謂兄弟也後復入穀沈黎郡補左馮翊二百石卒史三

郡得仕門它黎人而卒史馮翊以勸入財為官不署

獨二百日所謂尤異者使領郡錢穀計計謂出人之數

右職輕其為人也章帝地節三年西羌反遣後將軍征之京兆尹張敞

上書言國兵在外軍以夏發隴西以北安定以西吏

民並給轉輸田事頗廢素無餘積雖羌虜以破來春

民食必乏窮辟之處買亡所得縣官穀度不足以振

之願令諸有罪非盜受財殺人及犯法不得赦者皆

以差入穀此入郡贖罪差次也入郡即隴西以北安定以西務益致穀

以豫備百姓之急事下有司左馮翊蕭望之與少府
 李彊議以為民函陰陽之氣有仁義欲利之心在教
 化之所助堯在上不能去民欲利之心而能令其欲
 利不勝其好義也雖桀在上不能去民好義之心而
 能令其好義不勝其欲利也故堯桀之分在于義利
 而已道民不可不慎也今欲令民量粟以贖罪如此
 則富者得生貧者獨死是貧富異刑而法不一也人
 情貧窮父兄囚執聞出財得以生活為人子弟者將
 不顧死亡之患敗亂之行以赴財利求救親戚一人
 得生十人以喪如此伯夷之行壞公綽之名滅公綽魯大

夫孟公綽也論語稱孔子曰若臧武仲之智公綽之不欲下莊子之勇冉求之藝文之以禮樂可以為成人
 政教一傾雖有周召之佐恐不能復古者藏于民

不足則取有餘則與詩曰爰及矜人哀此鰥寡小雅鴻鴈

之詩也矜人可哀矜之人謂貧弱者也言王者惠澤下及哀矜之人以至鰥寡上惠下也又

日雨我公田遂及我私小雅大田之詩也言庶衆喜于時雨先潤公田又及私田

是則其心先公後私下急上也今我西邊之役民失作業雖戶

賦口斂以贍其困乏率戶而賦計口而斂也古之通義百姓莫

以為非以死救生恐未可也子弟竭死以救父兄令其生也陛下布

德施政教化既成堯舜亡以加之今議開利路以傷

既成之化臣竊痛之於是天子復下其議兩府丞相

御史以難問張敞敞日少府左馮翊所言嘗人之所

守耳昔先帝征四夷兵行三十餘年百姓猶不加賦

而軍用給今羗虜一隅小夷跳梁於山谷間漢但令

羣人出財減罪以誅之其名賢於煩擾良民橫興賦

歛也又諸盜及殺人犯不道者百姓所疾苦也皆不

得贖首匿見知縱所不當得為之屬議者或頻言其

法可蠲除以其罪輕而法重故常欲除此科條今因此令贖其便明甚

何化之所亂甫刑之罰小過赦薄罪贖呂侯為周穆王司寇作贖

刑之法謂之呂刑後改有金選之品金銖兩名也字

也其重十一銖二十五分銖之十三一口重六兩呂

贖大辟疑赦其罰千鍰是其品也所從來久矣何

賦之所生敞備皂衣二十餘年雖有五時服至嘗聞

罪人贖矣未聞盜賊起也竊憐涼州被寇方秋饒時

民尚有饑乏病死於道路况至來春將大困乎不早

慮所以振救之策而引嘗經以難恐為後重責嘗人

可與守經未可與權也敞幸得備列卿以輔兩府為

職不敢不盡愚望之疆復對日先帝聖德賢良在位

作憲垂法為無窮之規永惟邊境之不贍惟思故金

布令甲日金布者令篇名也其上有府庫金錢布帛

邊郡數被其離饑寒離遭天絕天年父子相失令天

九

丹府七通 邦計部

下共給其費同共給之也自此故為軍旅卒暴之事

也言此令文專為軍開天漢四年嘗使死罪人入五

十萬錢減死罪一等豪強吏民請奪假二至為盜賊

以贖罪其後姦邪橫暴群盜並起至攻城邑殺郡守

充滿山谷吏不能禁明詔遣繡衣使者以興兵擊之

軍興之法也誅者過半然後衰止愚以為此使死罪贖之

敗也故曰不便時丞相魏相御史大夫丙吉亦以為

羗虜且破轉輸略足相給遂不施敞議

成帝鴻嘉三年四月赦天下令吏民得買爵賈級千

錢

永始二年詔曰關東比歲不登吏民以義收食貧民

入穀物助縣官賑贍者已賜直收食貧人謂收取而

謂出物以助郡之官也已賜直謂官賜其所養食之助縣官賑贍

費直也令方更入爵及免賦耳食讀日飲其百萬

以上加賜爵右更第十四爵也欲為吏補三百石其

吏也遷二等先以為吏二十萬以上賜爵五大夫第九

也爵吏亦遷二等民補郎十萬以上家無出租賦三歲

萬錢以上一年

平帝元始元年六月詔天下徒已論歸家顧出錢月

三百謂女徒論罪已定並放歸家不親

王莽時雒陽張長叔薛子仲貲亦十千萬莽皆以為

邦計部

納言士欲法武帝然不能得其利法武帝者言用上式東郭咸陽孔僅

等為官也

後漢明帝以中元二年二月即位十二月甲寅詔天

下亡命殊死以下聽得贖論死罪人縲二十匹右趾

至髡鉗城旦春十匹右趾謂刑其右足次則左足次

者晝日司寇虜夜暮築長城春者婦人完城旦春至

司寇作三匹完者謂不加髡鉗而築城也次其未發

覺詔書到先自告者半入贖

永平十五年二月辛丑詔亡命自殊死以下贖死罪

縲四十匹右趾至髡鉗城旦春十匹完城旦至司寇

五匹犯罪未發覺詔書到日自告者半入贖

十八年三月丁亥詔日其令天下亡命自殊死已下

贖死罪縲三十匹右趾至髡鉗城旦春十匹完城至

司寇五匹吏人犯罪未發覺詔書到日自告者半入

贖

章帝建初七年九月辛卯詔贖死罪入縲二十匹右

趾至髡鉗城旦春十匹完城旦至司寇三匹吏人有

罪未發覺詔書到日自告者半入贖

元和元年八月癸酉詔亡命者贖各有差

章和元年九月壬子詔亡命者贖死罪縲二十匹右

趾至髡鉗城旦舂七匹完城旦至司寇三匹吏民犯罪未發覺詔書到日告者半入贖

和帝永元三年正月甲子皇帝加元服郡國中都官繫囚死罪贖縑至司寇及亡命各有差

八年八月辛酉詔自死罪已下至司寇及亡命者入贖各有差

安帝永初元年九月丙戌詔死罪以下及亡命者贖各有差

二年四月丙寅三公以國用不足奏令吏人入錢穀得爲關內侯虎賁羽郎五大夫官府吏緹騎營士各有差

元初二年十月詔郡國中都官繫囚減死一等勿答諸馮翊扶風屯妻子自隨占著所在女子勿輸亡命死罪以下贖各有差其吏人聚爲盜賊有悔過者除其罪

延光三年九月乙巳詔郡國中都官死罪繫囚減罪一等詔燉煌隴西及度遼營其右趾以下及亡命者贖各有差

順帝永建元年十月詔減死罪以下徙邊其亡命贖各有差

永和五年五月丁丑令死罪以下及亡命者贖各有差

漢安二年十月辛丑令郡國中都官繫囚殊死以下出縑贖各有差其不能入贖者遣詣臨羗縣居作二歲

桓帝建和三年八月庚寅詔死罪以下及亡命者贖各有差

延熹四年七月占賣關內侯虎賁羽林緹騎營士五大夫錢各有差

靈帝建寧元年十月甲辰令天下繫囚罪未決入縑贖各有差

熹平三年十月癸丑令天下繫囚罪未決入縑贖四年十月丁巳令天下繫囚罪未決入縑贖

光和元年初開西邸賣官自關內侯虎賁羽林入錢

各有差

山陽公載記曰時賣官二千石二百萬其以德次應選者半之或三分之

一于西園立庫以貯之

私令在左賣公卿公千萬卿五百萬是

時太尉段紀明樊陵司空張溫等雖有功勤名譽然

皆入錢上千萬下五百萬以買三公先輸貨財而後

登公位崔烈名重北州歷位郡守九卿四傳母入錢

五百萬得為司徒及拜日天子臨軒百僚畢會帝顧

謂親倖者日悔不小靳可至千萬靳顧程夫人于傍惜也

應日崔公冀州名士豈肯買官賴我得是反不知姝

邪姝美也烈于是聲譽衰減曹嵩以貨得拜大司農大

鴻臚代崔烈為太尉

三年八月令繫囚罪未決入縑贖各有差

五年七月癸酉令繫囚罪未決入縑贖

中平四年九月丁酉令天下繫囚罪未決入縑贖是

歲賣關內侯假金印紫綬傳世入錢五百萬

晉武帝嘗南郊禮畢問司隸較尉劉毅日卿以吾可

方漢何主也對日桓靈之主帝日吾雖德不及古人

猶克已為理南平吳會一同天下方之桓靈不亦甚

乎對日桓靈賣官錢入官庫陛下賣官錢入私門以

此言之乃不如也

後趙石季龍下書令刑贖之家得以錢代財帛無錢

聽以穀麥皆隨時價輸水次倉

宋前廢帝時軍旅大起國用不足募民上米二百斛

錢五萬雜穀五百斛同賜荒縣除上米三百斛錢八

萬雜穀千斛同賜五品正令史滿報若欲署四品在

家亦聽上米四百斛錢十二萬雜穀一千三百石同

賜四品令史滿報若欲署三品在家亦聽上米五百

斛錢十五萬雜穀一千五百斛同賜三品令史蒲報
若欲署內監在家亦聽上米七百斛錢二十萬穀二
十斛同賜荒郡除若欲署諸王國三令在家亦聽
後魏孝明帝初任城王澄奏都城府寺猶未周悉今
軍旅初寧無宜發衆請取諸職人及司州郡犯十杖
已上百姓鞭已下收贖之物絹一匹輪博二百以漸
脩造詔從之太傅清河王懌表奏其事遂寢不行
孝莊帝初承喪亂之後倉廩虛罄遂班入粟之制輸
粟八千石賞散侯六千石散伯四千石散子三千石
散男職人輸七百石賞一大階授以實官白民輸五
百石聽依第出身一千石加一大階無第者輸五百
石聽九品出身一千石加一大階諸沙門有輸粟四
千石入京倉者授本州統若無本州者授大州都統
若不入京倉入外郡倉者三千石畿郡都統依州格
若輸五百石入京倉者授本郡維那其無本郡者授
以外郡粟入外州郡倉者七百石入京倉者三百石
授縣維那

永安三年二月詔曰關隴遭罹寇難燕趙賊逆馮陵
蒼生波流耕農靡業加諸轉運勞役已甚州倉儲實
無且懸匱自非開輸賞之格何以息漕運之煩凡有

能輸粟入瀛定岐雍四州者官斗二百斛賞一階入
二華州者五百石賞一階不限多少粟畢授官

唐肅宗至德元年九月以軍典事殷國用不足詔權
賣官及爵度僧尼節級納錢時裴冕爲相不識大體
以聚人日財乃下令賣官鬻爵度僧尼道士以儲積
爲務人不願者科令就之其價益賤事轉爲弊

二年七月宣諭使侍御史鄭叔清奏承前諸使下召
納錢物多給空名告身雖假以官賞其忠義猶未盡
才能今皆量文武才藝兼情願穩便據條格擬同申
奏聞便寫告身諸道士女道士僧尼如納錢請准勅

迴授餘人并情願還俗授官勲邑號等亦聽如無人
迴授及不願還俗者准法不合畜奴婢田宅資財既
助國納錢不可更拘嘗格其所有資財能率十分納
三分助國餘七分並任終身自蔭身歿之後亦任迴
與近親又准勅納錢百千文與明經出身如曾受業
粗通帖策修身慎行鄉曲所知者量減二十千文如
先經舉送到省落第灼然有憑帖策不甚寥落者減
五十千文若粗識文字者准元勅處分如未曾讀學
不識文字者加三十千應授職事官并勲階邑號贈
官等有合蔭子孫者如戶內兼蔭丁中三人以上免

課役者加百千文每加一丁中累加三千文其商賈
准令所在收稅如能據所有資財十分納四助軍者
便與終身優復如於勅條外有悉以家產助國嘉其
竭誠待以非次先出身及官資並量資歷好惡各據
本條格例節級優加擬授如七十已上情願致仕官
者每色內量十分減二分錢時屬幽寇內侮天下多
虞軍用不充權爲此制尋卽停罷

德宗貞元四年正月制軍州官吏寄客能務農業入
粟助邊量其多少酬以官秩

憲宗元和十二年七月詔曰入粟助邊古今通制如

聞定州側近秋稼多登屬以軍府虛貧未任收糶將
設權宜之制以成儲畜之資念切救人不同嘗例有
人能于定州納粟五百石放同承優出身仍減三選
聽集納粟一千石者使授解褐官有官者依資授官
納粟二千石者超兩資授官如先有出身及官情願
減選者每納三百石以減一選

後唐莊宗同光三年閏十二月吏部尚書李琪上疏
日臣伏思漢文帝時欲人務農乃募人入粟得拜爵
及贖罪景帝亦如之後漢安帝時水旱不定三公奏
請富人入粟得封關內侯及公卿已下散官本朝乾

元中亦曾如此今陛下縱不欲入粟授官願降明勅
下諸道令差百姓轉般之有能出力運官物到京者
五百石已上白身授一初任州縣官有官者依資遷
授欠選者便與放選千石已上至萬石者不拘文武
顯示賞酬免令方春農人流散此亦轉倉贍軍之一
術也勅李琪所論召募轉倉斛斗與官行賞委租庸
司下諸州府有應募者聞奏施行

冊府元龜

冊府元龜

巡按福建監察御史臣李嗣京 訂正

新建縣舉人 臣 戴國士 參閱

知建陽縣事 臣 黃國琦 較釋

邦計部

重歛 希旨 交結

重歛

古者賦有藝而歛有時故財不匱而人不怨蓋事舉
其中取之以道也傳曰作法于涼其弊猶貪其或用
度靡節事役滋煩始以邊鄙之聳加以軍旅之動故

取之過籍率其倍征有餘則謂之豐財不足則因而
變法乃至行誅求之政侵削于下畜措克之臣聚斂
為務上有罷民之失下有浚我之歎雖經費之暫足
亦糜弊之實多儻或事貴從權舉非獲已迫于用度
人如之何雖出于一時亦致遠恐泥然而射利無厭
殘民以逞借日無害人不信也夫子所謂鳴鼓而攻
之者其有旨哉

夏桀率遏眾力率割夏邑
言桀君臣相率為勞役之事以絕眾力謂廢農功相

率割剝夏之邑居征賦重也

商紂都河內朝歌厚賦稅以實鹿臺之錢
鹿臺臺名今在朝歌

城中又紂重賦傷民歛聚怨讐之道

魏侯時詩不載國人刺其君重斂蠶食于民不修其

政貪而畏人若太鼠故作石鼠之詩云

魯宣公十五年初稅畝非禮也穀出不過籍
周法民耕百畝

公田十畝借民力而稅不過此以豐財也

成公元年三月作丘甲
周禮九夫為井四井為邑四邑為丘丘十六井出戎馬一

匹牛三頭四丘為甸六十四井出長轂一乘戎馬四匹牛十二頭甲士三人步卒七十二人此甸所賦令

魯使丘出之譏重斂也

昭公四年鄭子產作丘賦
丘十六井當出馬一匹牛三頭今子產別賦其田如

魯之國人謗之日其父死于路
謂子日為已為蠱尾

謂子產重賦 以令于國國將若之何 毒害百姓

衰公十二年春用田賦 直書之者以 衰公問於右若 示改去重斂

日年饑用不足如之何有若對曰盍徹乎 盍何不也 周法十一

而稅謂之徹徹通也為天下之通法 日二吾猶不足如之何其徹也 謂

十一 而稅

秦始皇時內興功作外攘夷狄收泰半之賦 三分取其二

男子力耕不足糧饌 古鈞反 女子紡績不足衣服竭天

下之資財以奉其政猶未足以澹其欲 澹古瞻字 海內愁

怨遂用潰畔 下逃其上曰潰 又云秦為亂政頭會箕歛 家一頭數

出穀以箕歛之也 以供軍費財匱力盡

漢武帝元狩四年縣官衣食振業用度不足請收銀

錫造白金及皮幣以足用是時禁苑有白鹿而少府

多銀錫乃以白鹿皮方尺緣以績 績繡也繪五采而為之 為皮

幣直四十萬王侯宗室朝覲聘享必以皮幣薦璧然

後得行又造銀錫白金 雜鑄銀錫為白金 以為天用莫如龍

地用莫如馬人用莫如龜故白金三品其一曰重八

兩圜之其文龍名曰撰直三千二日次重差小方之

其文馬直五百 以平半斤之重差為三品此重六兩則下品重四兩也 三日復

小橢之其文龜直三百 橢圓而長也 先是匈奴渾邪

等降漢大興兵伐匈奴山東水旱貧民流徙皆印給

縣官

印音斗
白功切

縣官空虛御史大夫張湯承上指請造

白金及五銖錢籠天下鹽鐵

籠羅其事皆
令利入官

排富商大

賈出告緡令鉏豪強并兼之家舞文巧詆以鋪法又

大農丞孔僅東郭咸陽言異時美輶車賈人之緡費

錢有差小

異時言往時也輶小車也緡謂淺
貫也輶音弋昭切緡音武中切

請筭如

故諸賈人未作貫貸賣買居邑貯積諸物

貫除也貨
便與也貫

音式制切貨
音士載切

及商以取利者雖無市籍各以其物自

占

占隱度也各隱度其財物多少而
為名簿送之於官也占音之瞻切

率緡錢四千而

美

一率計有二十錢
者別出一等

諸作直植及鑄

以手力所作
而賣之者率

緡錢四千筭一非吏比者三老北邊騎士輶車一美

此例也身非為吏之例非老非為邊騎
士而有輶車皆令出一筭比音必親切

商賈人輶車

二美

商賈人有輶車人使
多出一美重其賦

船長五丈以上一筭匿不

自占不悉戍邊一歲没入緡錢

悉盡也

有能告者以其

半界之

元鼎五年九月列侯坐獻黃金耐祭宗廟不如法奪

爵者百六人

六年十式為御史大夫式既在位見郡國多不便縣

官作鹽鐵器若惡賈貴或強令民買之而船有美商

者少物貴乃因孔僅言船筭事上不說漢連出兵三

歲誅羌滅兩粵番禺以西至蜀南者置初郡十七

元

六年定越地以為南海蒼梧鬱林合浦交趾九真日南珠崖儋耳郡定西南夷以為武節將越雋門洗黎文山郡及地理志西南夷傳所置犍為零陵益州郡凡十七

且以其故俗治賦稅南陽漢中以往各以地比給初郡吏卒奉食幣物傳

車馬被具地比謂依其次第自近及遠比音而初郡頻寐切傳音張阮切被音史義切

又時小反殺吏漢發南方吏卒往誅之間歲萬餘人

間歲隔一歲費仰大農大農以均輸調鹽鐵助賦故能澹

之然兵所過縣縣以為貲給母乏而已不敢言輕賦法矣

宣帝五鳳四年耿壽昌為大司農中丞上言增海租

二倍天子皆從其計御史大夫蕭望之奏言故御史

屬徐宮御史大夫屬家在東萊言往年加海租魚不出長

老皆言武帝時縣官嘗有漁海魚不出後復予民魚

乃出夫陰陽之感物類相應萬事盡然

王莽天鳳六年一切稅天下吏民貲三十取一縑帛

皆輸長安

後漢順帝永和六年七月甲午詔假民有貲者戶錢

一千

靈帝中平二年南宮災宦者張讓趙忠等說帝令歛

天下田畝稅十錢以修宮室發太原河東狄道諸材

木及文石每州郡部送至京師刺史二千石及茂才

孝廉遷除皆責助軍修宮錢大郡至二三千萬餘各有差當之官者皆先至西園諧價然後得去諸謂平論定其價也
有錢不畢者或至自殺其守清者乞不之官皆迫遣之

晉孝武太元八年始增百姓稅米口五石

宋文帝元嘉中始與太守徐豁上表曰武吏年滿十六便課米六十斛十五以下至十三皆課三十斛一戶內隨丁多少悉皆輸米且十三歲兒未堪田作或是單廻便自逃匿戶口歲減寔此之繇宜更量課限使得存立今若減其米課雖有交損考之將來理有

深益詔善之

孝武時齊庫上絹年調鉅萬疋綿亦稱此期限嚴峻民間買絹一疋至三三千綿一兩亦三四百貧者賣妻兒甚者或自縊死沈懷文具陳民困繇是綿絹薄有所減俄復舊

隨煬帝時東西遊幸靡有定居每以供費不給逆收數年之賦

唐代宗大曆末韓滉爲戶部侍郎判度支苛剋頗甚覆治按牘勾剥深文人多咨怨德宗嗣位素惡滉培克改爲大嘗卿群議未息又出爲晉州刺史

德宗建中三年四月太常博士常都賓陳京建議以爲泉貨所聚在于富商錢出萬貫者請留其萬貫爲業有羨官借以給軍計天下不借一二千商人而國家數年之用足矣德宗從之許罷兵後以公錢還之仍令度支條上判度支杜佑以是時諸道軍用三月費錢百餘萬貫借商若獲五百萬貫可給數月矣乃詔京師大索糶盈五百萬貫京兆少尹常禎督責頗峻長安薛華荷校乘車搜人財貨意其不實輒遣榜笞笞人不勝冤痛或自縊而死京師囂然如被盜賊統計田宅奴婢等估總餘八千萬貫又以僦櫃納質積錢貨貯粟麥等一切借其四分之一封其櫃窖長安爲之罷市百姓相率千萬衆邀宰相於道盧杞懼無以過乃疾馳他道而歸由是禎復奏市錢不足百貫粟麥不足五十斛者免僦櫃納質積所得與借商兼計總二百萬貫人亦竭矣

五月淮南節度使陳少遊請於本道兩稅錢每千增二百因詔佗道悉如淮南又推鹽每斗更加百文四年六月初稅間架除陌錢時馬燧李懷光李抱真李芘四節度之兵屯於魏縣判度支趙資以軍須迫蹙嘗平利不時集乃請稅屋間架筭除陌錢間架法

凡屋兩架爲一間屋有貴賤約價三等上價間出錢二千中價一千下價五百所繇吏秉筆執美入人廬舍而計其數衣冠士族或貧無他財獨守故業坐多出筭者動數千萬人不勝其苦凡沒一間者杖六十告者賞錢五十貫取於其家除陌法天下公私給與貨易率一貫舊筭二十一益加筭五十給與佗物或兩換者約錢爲率筭之市主人市牙各給印紙人有賣買隨自署記翌日合筭之有自貨易不用市牙者驗其私薄投狀有道其有隱錢百沒入二千杖六十告者賞錢十千出於其家法既行而主人市牙得專其柄率多隱盜公家所入曾不得半而怨黷之聲囂然滿於天下

貞元八年四月劔南西川節度使韋臯請加稅十二以增給官吏從之

五月初增稅京兆苗畝三錢以給掌閑礦騎

憲宗元和十一年王師討蔡州吳元濟是時州縣近淮西者行輸尤苦東畿供饋車嘗數千兩相錯千路每車駕三牛將卒有副所在霖潦汝潁汎濫饋車多阻其至者或不以時歸之于是東畿有以驢耕者

十一年九月罷湖南觀察使常貫之爲大子詹事仍

分司東都時軍用轉乏亟責諸道進獻貫之坐率管內刺史錢助軍故有是命

十四年六月丁巳判度支皇甫鏞重奏諸道州府監院每年送上都兩稅摧酒鹽利旨支米價等疋段加估定數詔許之其先下州府監院連四月二十五日勅牒更不在行用限鏞急於掎聚先是奏近年天下所納鹽酒等利擡估者一切追行詔既可給事中崔植抗論以爲用兵歲久百姓凋弊往者雖估踰其實今固不可復追踈奏命宰臣召植宣旨嘉諭許輟已行之詔物議大罪鏞而美植鏞懼至是乃文前過且

重條奏請申勅以示之及鏞作相剥下以希旨時李渤爲庫部員外郎會陳許節度使郗士美卒令渤充弔祭使路次陝西渤上疏曰臣自出使歷求利病竊知渭南縣長源鄉本有四百戶今總四十餘戶闕鄉縣本有三千戶今總有一千餘戶其他州縣大略相似其弊所自起于攤逃大約十家內一家逃亡卽攤賦稅使九家共出稅額長定有逃既攤似投石井中不到底不止攤逃之弊戶不盡不休此皆聚斂之臣兢剥下以奉上唯思竭澤不慮無魚伏乞詔書絕其攤逃以見在戶家產錢數爲定其餘有欠且特恩免

之計不數年人必歸于農矣夫農者國之本本立然後可以議大平若不繇此而云已大平者是佞邪之臣也伏乞陛下察而逐之疏奏仍具狀申中書門下穆宗長慶元年六月知懷州河陽節度參謀兼監察御史常珩奏論當州元和九年秋至十四年夏准旨額外加徵并節度使司見簡苗徵子及草等共計五百六十萬三千五百八十石東詔日前刺史烏重裔等並位居守土職在牧人加稅縱緣軍須豈得不先聞奏遇赦雖當原宥亦合量有科徵烏重裔令狐楚魏義通等宜各罰有月俸料知州官釋放

敬宗寶歷元年七月鹽鐵使王播進羨餘絹一百萬疋仍請日進二萬計五十日方畢播自掌鹽鐵正入不克而羨進相次侵求聚斂迫于星火

文宗太和九年九月鹽鐵轉運使王涯奏請變江淮嶺南茶法并請加稅以贍邦計十月加宰臣王涯開府儀同三司兼諸道鹽鐵轉運推茶使初鄭注自謂有經濟之方帝問以安人富國之術無以對因請權茶涯知不可而不敢違及詔下商人計鬻茶之資不能當所摧之多復以江淮間百姓茶園官自造作量給其直分命使者主之江淮人什二三以茶爲業皆

公言曰果行是勅止有盡殺使人入山反耳

兵興以來山澤

江淮海權莞之利無遺逸矣利益歸于上困益窘于下涯尚欲希恩加稅重用其法以窮其人

後漢末帝清泰元年詔禁軍鳳翔城下歸明帑藏無貨財率城中士庶至於鬪釜之類亦估給及經雍華陝率如鳳翔士民之家不勝其苦至京師三司調計左藏金帛不過二三萬續內外貢奉計外少四十五萬緡詔盧質而下率配京城市民及舍屋計不過六萬緡帝怒軍巡使下獄命供奉官丁昭溥史思溫爲軍巡使晝夜督促囚繫滿獄貧民不濟有投井雉經者而軍中揚揚于市四坊民聚訴云爾爲主征行勞苦不羞見天子俾我輩鞭胸打背出賞錢莫氣緊揚揚天眼會有開時也帝聞之不懌是夜李專美宿于禁署議之曰韓昭裔首鼠我不責辦卿士人子弟嘗言有才術今致我至此不能運度以濟時事留才術何所施也專美惶恐待罪良久奏曰臣才力駑劣屬當興運陛下猶垂錄任無以裨益聖朝然府藏空竭軍賞不給非臣之罪也臣思先皇棄代之際是時府庫濫賞已竭繼以鄂王臨朝紀綱大壞縱有無限之財賦不能滿驕卒谿壑之心所以陛下孤立岐陽而得天下臣以爲國之亡存不專在行賞須刑政立于

冊府元龜 邦計部 十一

上恥格行於下賞當功罰當罪僅理道也若陛下不改覆車之轍以賞無賴之軍徒困蒸民存亡未可知也今宜以見收財富以給之不必踐前言而希苟悅帝然之故有是給數二十餘萬緡

漢少帝時王章爲簡較太尉同平章事判三司專於權利剥下過當歛怨歸上物論非之舊制秋夏苗租民輸一斛別輸二升謂之雀鼠耗中輸一斛者別令輸二斗日之爲雀耗百姓苦之又官庫出納緡錢皆以八十爲陌至是民輸者如舊官給者以七十七陌田有訴田者雖無數十口章必命全州覆視幸其廣有苗額以增邦賦曾未數年民力大困章與楊邠不喜儒士郡官所請月俸皆取不堪資軍者給之謂之間雜命物所司高估其價估定更添謂之擡估章亦不滿其意隨事更令添估章急於計賦峻於刑法民有犯鹽麩之令雖絲毫滴瀝盡處極刑吏緣爲姦民不堪命

希旨

禮曰寧蓄盜臣不蓄聚歛之臣以害其民也况復希意先指要寵固恩以克下爲忠以媚上爲德重筦推之禁增賦歛之規罔卹天災謬陳經據供億支費底

貢羨贏務竭民財以從主欲雖賜予蕃庶光寵隆極
蓋無取焉

唐宇文融玄宗開元中爲觀農使與楊慎矜父子以
勾剝財物爭行進物而致恩顧

王鉷天寶中爲戶口色役使以希旨事勾剝其務百
姓雖給復一年鉷卽徵其脚錢廣張其數玄宗在位
多載妃御承恩賞賜頗甚不欲煩於左右藏取之鉷
探旨意歲進錢百億萬貯於內庫以恣主恩賜資鉷
云此是嘗年額外物非征稅物帝以爲鉷有富國之
術利於王用益厚待之

楊國忠天寶中爲戶部侍郎判度支諂諛以利陰中
爲已之功玄宗幸左藏庫賜文武百官縑帛有差時
國忠徵夫丁租地稅皆變爲布帛用實京庫屢奏帑
藏之物有踰漢制帝是以觀焉又賤買天下義倉易
以布帛於左藏庫列造數百間屋以示羨餘請與公
卿就觀之又詐言鳳凰集於庫

第五琦肅宗乾元初爲度支鹽鐵使時京師多豪將
求取無節琦不能禁乃悉以租賦進入大盈內庫以
中人主之意天子以取給爲便故不復出

劉晏代宗大曆中爲東都江南江淮山南等道轉運

鹽鐵等使江淮茶楮晏與本道觀察使各歲貢之皆欲其先至有土之官或封山斷道禁前發者晏厚以財力致之嘗先佗司繇是不為藩鎮所使

裴延齡德宗貞元中為戶部侍郎判度支嘗因奏對請積錢帛以實帑藏帝曰若為可得錢物延齡奏曰開元天寶中天下戶僅千萬百司公務殷繁官員尚或有缺自兵興已來戶口減耗大半令一官可兼領數司伏請自今已後內外百司官闕未須補置收關官祿俸以實帑藏後因對事帝謂延齡曰朕所居浴堂院殿一祇以多年之故似有損蠹欲換之未能對

曰宗廟事至重殿祇事至輕况陛下自有本分錢物用之不竭帝曰本分錢何也對曰此是經義證據愚儒嘗材不可能知陛下正合問臣惟臣知之准禮經云天下賦稅當為三分一分充乾豆一分充賓客一分充君之庖厨乾豆者供宗廟也今陛下奉宗廟至敬至嚴至豐至厚亦不能用一分財物也只如鴻臚禮賓諸蕃客至于迴紇馬價用一分錢物尚有贏羨甚多况陛下御膳官厨皆極簡儉所用外分賜百官充俸料殮錢等猶未能盡據此而言庖厨者之餘其數尚多皆陛下本分也用修數十殿亦不合疑慮何

况一祇帝日經義如此人揔不自言之領之而已
李錡貞元末為鹽鐵轉運等使天下推酤漕運繇其
操剽專事貢獻牢其寵渥

裴均為尚書左僕射判度支憲宗元和三年五月奏
請取荆南雜錢萬貫修尚書省許之均前鎮荆南自
言府庫饒羨因有是請時議非之

王播為刑部侍郎充諸道鹽鐵轉運等使元和十年
討淮西憲宗以饋餉為功播能積聚號為羨餘專有
貢獻帝頗顧遇超遷禮部尚書穆宗即位復進用播
刑部尚書充諸道鹽鐵等使長慶元年冬十月特拜

中書侍郎同中書門下平章事依前充使當長慶時
中外政權多所假借播本因權故得擢升大用及在
相府無所弼諸頗不厭公望君半歲以簡較右僕射
同平章事出為淮南節度仍領轉運鹽鐵如舊至淮
南遇歲旱有至骨肉相食者播方務聚斂貢獻人益
怒之四年四月罷鹽鐵轉運使以王涯代之來年復
以使務令播就淮南統之諫官大臣章疏迭上終不
能沮播關通之計當元和中兩河宿兵發運殆無虛
歲播掌財賦以希恩取媚特每歲送錢號為羨餘寶
曆元年十二月進羨餘綾絹五十萬疋又太和元年

五月己卯自淮南節度兼諸道鹽鐵轉運進綾絹三萬疋丙戌又進銀楹二百枚銀蓋椀一百枚散椀二千枚綾絹各二十萬疋並稱鹽鐵羨餘播自淮南入朝方圍大用故極其進獻仍僞以羨餘爲名九月播進玉帶十三條四年正月丁亥進羨餘綾絹二十萬疋皇甫鑄判度支元和十三年正月進錢二萬貫鹽鐵使程异進絹十萬疋並號羨餘

王遂爲光祿卿充供軍使元和十四年討鄆州李師道調兵食三百萬及賊平遂進羨餘一百萬繇是拜沂海等州觀察使

王涯爲諸道監鐵轉運使文宗大和四年四月庚戌進第九船羨餘綾絹一萬疋癸丑涯進第十船羨餘綾絹二萬疋十月王涯進降誕綾絹羅錦綵等共一萬二千八百疋銀器一百事十二月戊寅涯進羨餘綾絹前後凡八百餘疋五年二月庚辰涯進羨餘疋段進銀碗一千五百口丁酉涯進羨餘綾絹共十萬疋八月戊寅涯進羨餘絹二萬疋甲申涯進羨餘綾絹二萬疋九月辛丑涯進羨餘綾絹二萬疋六年六月涯進羨餘絹二十萬疋

王起判度支太和四年十月進綾絹夾纈雜綵等共

一萬四千三百疋御衣一副鏡一百諸方鎮稱是

交結

夫位司邦本職在均輸或請謁以求名或朋附而固寵妄交要路諂事中人總計失于成謀節均虧于適用利權莫舉經制靡脩信不可委以計會之任助于富庶之政也

唐元載肅宗元年爲戶部侍郎度支并諸道轉運使與倖臣李輔國善輔國妻元氏載之諸宗因是相昵狎時輔國權傾海內舉無遺者會選京尹輔國乃以識其意然之翌日拜同中書門下平章事度支轉運使如故

劉晏代宗寶應初爲吏部尚書平章事領度支鹽鐵轉運租庸等使坐與中官程元振交通元振得罪晏罷相爲太子賓客尋授御史大夫領東都河南江淮山南等道轉運租庸鹽鐵等使當時權勢或以親戚爲託晏亦應之俸給之多少命官之遲速必如其志然未嘗得親職事

班宏德宗貞元中以爲戶部尚書爲宰相竇參度支使之副每奉詔營建宏必極壯麗親程課役又厚結

權倖以傾叅知爲上所疎乃讓度支使遂以宏專判李錡貞元中爲浙江西道都團練觀察及諸道鹽鐵轉運等使具以天下權寵中朝柄事者悉以利交之驕恣專事貢獻牢其權寵中朝柄事者悉以利交之程異貞元末爲虞部員外郎充鹽鐵轉運楊子留後順宗卽位王叔文恃恩亂紀時之捷給見利者皆附焉異在位中叔文敗出爲岳州刺史翌日又貶柳州司馬

薛謩貞元末爲代北營田水運使善畜牧有良馬時以賂朝權及中貴人時中官薛盈珍有勤力於元和初謩以族人附進盈珍頗延譽以助之故自泗洲刺史遷福建觀察使

張平叔穆宗長慶中爲戶部侍郎判度支平叔險狡大言因王播以進既掌財用嘗屈公利以使私嬖倖多狎之

王播長慶末爲淮南節度諸道鹽鐵轉運等使敬宗卽位罷鹽鐵轉運使時中尉王守澄用事播自落利權廣求珍異令腹心吏內結守澄以爲之助守澄乘間啓奏言播有才上於延英言之諫議大夫獨孤郎張仲方起居郎孔敏行柳公權宋申錫補闕韋仁實

劉敦儒拾遺李景讓薛延老等請開延英面奏播之
姦邪交結寵幸復求大用天子冲幼不能用言自是
物議紛然不息明年正月播復領鹽鐵轉運使播既
得舊職乃銅鹽之內巧爲賦歛以事月進各爲羨餘
其實正額務希獎擢不恤人言

王涯文宗太和末爲司空領鹽鐵轉運使江南權茶
使涯與判度支王播交結中尉王守澄請託中納材
本至開成元年正月勅度支自此不得收貯材木如
或宣索卽以其直市供諸色作料亦如之先是度支
奏舊管右神策軍及諸色人假商人名中納材木計
支價直三十三萬二千四百餘貫所中材木茶無至
者御史臺推鞠皆涯播之中納故有是命

王彥威文宗開成中爲戶部侍郎判度支既掌利權
心希大用時內官仇士良魚志弘禁中用事先是左
右神策軍多以所賜衣服于度支中估判使多曲從
厚給其價開成初有詔禁止然趨利者猶希意從其
請託明年彥威大結私恩凡內官請託無不如意物
議鄙其躁妄

一說開成二年四月彥威奏左神策及
立三軍共中納衣賜紫綾二萬二千五

百疋請與收納從之近年詔可於度支納賣貨蠹國
用積弊不能去之自開成初時降明詔禁斷至是彥
威以仇士良威福日熾故
復爲奏請時論大爲不可

册府元龜

九文結

卷之五百一十

册府元龜

